

DE
ANIMA
ANIMANTIS

J. LE FRANC

1664









MEDICAL SOCIETY
OF LONDON



ACCESSION NUMBER

PRESS MARK

LE FRANC, Jacques

655171A

J. 3.



53

A. 2. 13
Corpus Animatum :

SEU,

TRACTATUS
DE ANIMA
ANIMANTE,

In quatuor Partes divisus.

Modo facili etfi Philosophico secundum
Philosophum digestus.

AUCTORE

Jacobus Franc, T.B.


Ecclesiæ Gallicæ in Civitate
Norwicensi Pastore.

Mirabilia sunt opera tua, Domine. Psal. 139.

L O N D O N I,

Excudebat R. Davenport, vaneuntq; apud
Thomam Dicas sub signo Gallinæ & Pul-
lorum in Cœmiterio D. Paulino.

M DC LX IV.



II

J
N

A

C

F

E

T

Illustrissimis necnon generosissimis Viris,

JOHANNI KNIVET

Nobilissimo Balnei Equiti, Eminentisq;
Equitum turmæ duci strenuissimo;

ET

ROBERTO GAWSELL

Armigero, Prudentissimoq; in Comitatu
Norff. Pacis Justiciario.

Sapientissimis Jurisconsultis,

FRANCISCO CORIE,

Civitatis *Norwicensis* Recordatori, Augustissimiq;
nunc Parlamenti Senatori,

ET

JOHANNI NORRIS

Ejusdem Civitatis doctissimo Consiliario,
Causaq; Regiæ fidelissimo assertori.


ET

Eminentissimis Medicinæ Doctoribus,
doctissimisque Philosophis,

Thomæ Brown & Gulielmo Crabbe,
mei amantissimis & gratiosissimis Amicis.

Hoc suum Animatum Opus in grati
animi testimonium Dedicat

JACOBUS LE FRANC.



ch
d

P

B

be
ta
b
q
tr
a
r




PRÆFATIO

A D

LECTOREM.

Benevole Lector :

 *Reatam naturam adorare nefas est, scilicet, illam intueri, mirari in ejus aspectu omnibus est necessarium : Etsi enim in terris se nobis spectabilem & familiarem præbeat, dum veluti crinita messibus & tanquam movilibus vinearum ornata botris, necnon metallorum, gemmarumque multitudine dives, apparet, quasi tractanda manibus ; dum tamen in aere, ubi Paulo severioris est aspectus, nimbis insidens corruscat fulguribus,*

A 3 . ignibus

Præfatio ad Lectorem.

ignibus armatur, & tonitruī terribili
fragore mentes hominum percellit, at-
tentos quidem facit, sed attonitos si-
mul; nec sinit eos usque a Deo bene
effectuum penetrare causas, quin mi-
rentur, & fortassis ignorent. In re-
bus quidem animatis, divino quasi or-
natu conspicua est; verum ita, ut nihil-
ominus in ipsis lateat, confirmatamque
faciat sapientissimi Regum sententiam,
quod omnium operum Dei nemo in hac
vita rationem poterit invenire: Non
tamen (benevole lector) te deterreat a
naturæ animatæ contemplatione tanta
ejus digitas, imo potius tuum ad ejus
intelligentiam accendat animum: Sed
Dii laboribus omnia vendunt; unde
rerum scientiam non assequimur un-
quam aliter quam studio & labore; ve-
rum cum scientiæ omnes non sint ejus-
dem pretii & dignitatis, sed aliis aliæ
sint præstantiores, nonnisi dispari etiam
& majori persoluto labore scientiæ ho-
norabiles possidentur. Quid inde?

Ergo

• Præfatio ad Lectorem.

Ergo, animastica quæ eximia & magni pretii scientia est, nonnisi studio & labore plusquam mediocri obtinebitur. Labor terret fortassis, & utilitas ignota non allicit; sed amor consequendi, laborem jucundum faciet, si perpendas quam maxime ista honorabilis & utilis est scientia, quæ objectum inter inferiores creaturas nobilissimum respicit, & sine qua, aliæ non omnino bene tenentur scientiæ, seu Metaphysica, seu Moralis, seu Naturalis scientia; non Metaphysica, quia incognita intellectuâli animâ, non potest cognosci intellectuâlis separata substantia; non Moralis, quia ignoratis animæ potentiis eas dirigendi modus, in quo hæc disciplina consistit, ignoretur etiam necesse est; non denique Naturalis scientia, quia, magna pars naturalium, animæ quæ est principium omnis motus in animatis, potitur: applica igitur (si vis hanc obtinere scientiam) animum ad animam, ut eam non laudes tantum, sed laudabilem quæras

Præfatio ad Lectorem.

quæras, quæsitamque studio, & labore
repertam habeas istam honorabilem sci-
entiam.

Vale.

These

bore
Sci-
le.

These Books following, are sold
by Thomas Dicas at the
Hen and Chickens, in
St. Pauls Church-
Yard.

Florio's Intalian English Dictionary,
enlarged by *Giovanni Torriano*. fol.

An Epilogue to the Tragedy of the
Church of England. By *Herbert Thorn-
dick*. fol.

Just Weights and Measures, That is, the
present state of Religion, Weighed in the
Ballance, And measured by the Standard
of the Sanctuary. By *Herbert Thorndick*.

Playes, written by the Lady *Marchioness*
of *New-Castle*.

*Diatribæ duæ, De Fermentatione; & Fe-
ribus, per Tho: Willis.*

Forty Sermons by *Ralph Brownrigg* B.
of *Exceter*.

Quarto

Quarto

Vetus Testamentum Græcum, ex versione Septuaginta interpretum, juxta exemplar Vaticanum Romæ impressum quarto & 8º.

De Atramentis cujuscunque generis, opus sane novum Hactenus a nemine promulgatum. Auctore Petro Maria Canepario.

Exercitationes Pathologicae, in quibus morborum pene omnium natura, generatio, & causæ inquiruntur a Gualtero Charletono.

Sol Angliæ oriens: Auspiciis Caroli secundi Regum gloriosissimi, in carmine Hebræo, Arabico, Syriaco, Samaritico, Chaldaico, & Græco, &c.

Octavo.

Robertus Gross-test Episcopus Lincolnensis de Cessatione Legalium.

De obligatione conscientiae prælectiones decem Oxonii in Schola Theologica habita, Anno Domini 1647. a Roberto Sanderfono Theologiae ibidem Professore Regio, nunc vero Episcopo Lincolnensi.

Tractatus de corporum inseparabilitate, in quo experimenta de vacuo, tam Torricelliana quam Magdeburgica & Boyleana examinantur; veraque eorum causa detecta, ostenditur, vacuum naturaliter dari non posse, unde & Aristotelica de Rarefactione sententia, tam contra assertores vacuitatum, quam corpusculorum demonstratur, accessit

cessit solutio difficillimi illius Problematis
Aristotelici de duabus Rotis, quæ licet val-
de inæquales, æquales tamen orbitas descri-
bunt. Auctore Francisco Lino.

Græcæ & Persicæ linguæ Historia, sive de
earundem linguarum origine progressu, &
incremento. A Gulielmo Burtono.

Catalogus Plantarum circa Cantabrigi-
am nascentium.

De plenitudine mundi, Philosophica dis-
sertatio, in qua defenditur Cartesiana Phi-
losophia. Auctore, Gilberto Clarke.

Alexander Aphrodisæus, De fato & de
eo quod nostræ potestatis est, Græce & La-
tine.

Considerationes modestæ, Et pacificæ
controversiarum, De Justificatione, Purga-
torio, Invocatione sanctorum, Christo Me-
diatore, & Eucharistia, per Gulielmum For-
besum Episcopum Edinburgensem primum.

Duodecimo.

Sonus Buccinæ, sive tres tractatus De vir-
tutibus fidei & Theologiæ, de principiis
earundem & de erroribus appositis, qui-
bus accesserunt quæstio Theologica de Gra-
tia & Libero arbitrio, mens Augustini
de gratia Adami ratio villicationis de me-
dio statu. Auctore Thoma Anglo.

Ejusdem Mqnumetham excantatus, sive
Animadversiones in libellum famosum in-
scriptum,

*Scriptum, de Anglicani Cleri retinenda in
Apostolicam sedem observantia.*

*Ejusdem Euclides Metaphysicus, sive de
principiis sapientiae.*

*Divinae fidei Analysis, seu De fidei Chri-
stianae resolutione libri duo. Auctore Henri-
co Holden.*

*Novum Testamentum Vulgata Editionis,
cum Annotationibus, quibus sensus ad lite-
ram redditur facilis intellectui. Auctore
Henrico Holden.*

*Claudii Salmasii ad Johannem Miltonum
responsio, sive Vindiciae defensionis Regiae
pro Carolo primo ad Carolum secundum.*

*Medicus Microcosmus, seu Spagyria Mi-
crocosmi, exhibens Medicinam corpore
hominis tum vivo, tum extincto, docte eru-
endam. Autore Daniele Beckero.*

*Manuale Medicorum, seu Syntaxis Apho-
rismorum Hippocratis. 24^o.*

*A compendious Dictionary English- La-
tine and Latine-English, by Christopher
Wase.*

*The Life of Doctor Henry Hammond,
by John Fell. D: D:*

*A Sermon preached at Hampton Court
the 29th. of May 1662. by Richard Alle-
stry D: D:*

*De Rachitide, sive morbo puerili, qui
vulgo the Wickets dicitur, per Franciscum
Glissonium. Dialogus*

Dialogus de Systemate mundi. Auctore Galilæo Galilæi.

Diatriba de Chaldaicis Paraphrastis eorumque versionibus, ex utroque Talmude, ac scriptis Rabbiorum concinnata. Auctore T: Smith: Oxoniensi.

Fortescutus illustratus, or a Commentary on that nervous Treatise De Laudibus Legum Angliæ: written by Sir John Fortescue Knight, by Edward Waterhouse Esquire.

Scholæ Wintoniensis Phrases Latine corrected and much Augmented by H. Robinson, D. D.

Isocratis Orationes & Epistolæ, cum Latina interpretatione Hieronymi Wolfii.

Circulus Pisanus Claudii Berigardi.

Monarchy Asserted by Matthew Wren.

Defensio fidei Catholicæ De satisfactione Christi, adversus Faustum Socinum, scripta ab Hugone Grotio

Claudius Mangers French Grammer, with 50 new short Dialogues in French and English.

An Introduction to the Italian Tongue, is also a new Store-house of proper and choice Dialogues, by Gio. Torriano.

Several cases of conscience discussed in ten Lectures in the Divinity School at Oxford by Robert Sanderson B. of Lincoln.

Corpus

[The text on this page is extremely faded and illegible. It appears to be a continuous block of text, possibly a letter or a chapter section, written in a historical script. The ink is very light, and the paper shows signs of age and staining.]



mer
tin
An



Corpus Animatum :
 SEU
Pars prima hujus Tractatus , de
Anima in communi ,
Unica Disputatione comprehensa.

Caput primum De Animæ divisionibus.



Nimæ divisio necessaria omnibus videtur Philosophis, sed priusquam ad eam veniamus, observandum est animam summi apud Philosophos duplicitur; primo improprie seu metaphorice pro forma assistente, substantia completa; qualis est Intelligentia seu Angelus respectu Corporis Cœlestis, per-

B

quem

quem a quibusdam Cœlum dicitur Animatum. Secundo proprie pro forma vitaliter informante & esse substantiale tribuente, quæ est substantia incompleta alicui corpori unita vel unienda, ut inde totum aliquod Physicum resultet ; qualis est anima hominis ; unde ex ista duplici animæ acceptione sumitur, prima illius divisio in animam assistentem & animam animantem seu informantem ; verum istam animæ divisionem ut minus convenientem nihil moror : præterea anima sumitur pro spiritu vitali & potentia motrice quæ sunt animæ facultates & instrumenta, sed ista acceptio animæ, omnium est Latissima ; aliquando etiam anima sumitur pro succo naturali quo plantæ in suo esse vitali conservantur ; verum missis *illis minus* aptis animæ divisionibus,

Dicimus animam proprie dictam seu informantem tripliciter dividi, scilicet in vegetantem, sentientem, & rationalem, & enim non datur forma ab istis tribus alia, quæ jure & proprie anima possit appellari : nam quæcunque actiones & potentiæ vitales ad eas tres animas, aut ad ex illis alteram, ut patebit consideranti, facile revocari possunt ; nihilominus istam divisionem duplici modo probamus ; primo ex tribus animatorum distinctis operationibus ;

si

siquidem bene distinguuntur viventium animæ secundum suas proprias operationes, cum omnis operatio sit ab anima: primo itaque veritas assertionis nostræ patet, eo quod animatorum quædam, puta animata rationali anima, operentur cum Corpore sed non proprie per corpus tanquam, per instrumentum; hoc modo homines ratiocinantur cum Corpore sed non per Corpus tanquam per instrumentum.

Verum objicies, homines dum ratiocinantur utuntur organis & phantasmatibus, seu representationibus quibusdam: ergo ratiocinantur per corpus tanquam per instrumentum.

Respondeo, Concesso antecedente, negatione consequentis; quia dum ratiocinantur homines, utuntur organis, non ut instrumentis suæ ratiocinationis, sed ut instrumentis quibus percipiunt phantasmata; percipere autem phantasmata, non est ratiocinari; cum vero ratiocinando utuntur phantasmatibus, illis utuntur ut objectis suæ ratiocinationis, minime ut instrumentis; quemadmodum videns ut visionem exerceat, utitur coloribus non tanquam instrumentis suæ visionis, sed tanquam objectis. Unde secundo,

Veritas nostræ divisionis asseritur, eo quod animatorum quædam sic operantur,

ut ipsis utantur organis, tanquam instrumentis, non autem qualitatibus corporis; hoc modo animata sensibili anima operantur; etsi enim calidum, & frigidum, humidum & siccum, & aliæ qualitates Corporeæ ad operationem sensus requirantur; non tamen ita, quod mediante virtute talium operationum, operatio sensitivæ animæ fiat, ut fatentur fere omnes Philosophi; sed ita solum, quod hæ qualitates ad organi, seu instrumenti debitam dispositionem requirantur: Tertio demum quædam animata sic operantur, ut ipsis qualitatibus & organis corporis utantur tanquam instrumentis suæ operationis: hoc modo operantur vegetabilia, anima vegetante informata; etenim digestio, nutritio, & augmentatio, quæ vegetabilium sunt operationes, instrumentaliter fiunt per actionem caloris, humiditatis, & aliarum hujusmodi qualitatum.

Alter modus probandi præpositam animæ divisionem sequitur, ex triplici esse quod habent res in viventibus quorum actus est anima; nam in viventibus, alia habent esse omnino immateriale, alia omnino materiale, alia partim materiale, partim non materiale; in quibusdam enim viventibus v. g. in hominibus, intelligibilia habent esse omnino immateriale, sine materia, sine organo,

gano, & five qualitatibus materialibus, in aliis viventibus, verbi gratia in sensitivis, quatenus sunt sensitiva, sensibilia habent esse partim materiale, partim non; nam in sensu res habent esse sine materia, non tamen sine conditionibus materialibus, & organo corporali; in aliis denique viventibus, Id est in vegetabilibus quicquid esse habet, corporeum & materiale illud habet, v. g. nutritio & augmentatio in illis viventibus inveniuntur per organa quæ sunt corporea & per qualitates humidi aut sicci, calidi, aut frigidi, quæ sunt materiales; unde clarum est triplicem tantum esse animam proprie dictam, vegetantem, sentientem, & rationalem.

Sed forsitan dicet aliquis, facultas Locomotiva videtur aliam supponere animam a tribus prædictis distinctam; ergo non est sufficiens posita animæ divisio, in vegetantem, sentientem, & rationalem. Respondeo ad antecedens, potentiam loco-motivam esse animæ sentientis virtutem, quæ ad actum reducitur quando in animato sentiente organa sunt ad motum exercendum disposita.

CAPUT II.

Quid sit Anima.

AD solutionem quæstionis notandum est animam considerari posse dupliciter; vel in se secundum substantiam & entitatem propriam, seu ut præcise est forma informans; vel ut est natura, ordinemque dicit ad motus & actiones quarum anima est causa & principium: hoc notato,

Dicimus primo, Anima secundum se sumpta definitur ab *Aristotele*, ἐντελέχεια ἡ πρώτη σώματος φυσικῆ ὀργανικῆ ζωὴν ἔχοντος δυνάμει. Actus aut perfectio prima corporis naturalis organici potestate vitam habentis. Dicitur primo actus, tum ad distinctionem partis materialis quam afficit, quæ secundum se & naturam recipientem est potentia, tum ad differentiam compositi seu Animati quod non est actus, sed ens habens actum. Dicitur secundo primus, ut distinguatur ab operationibus quæ sunt actus secundi, & etiam a facultatibus scilicet a sensu, & intellectu, & aliis animæ potentiis, quæ quidem dicuntur actus primi respectu operationum quarum sunt principia, ut sensationis, & intellectionis, sed hoc intelligendum est secundum

cundum quid, quatenus alium priorem actum supponunt a quo emanant, nempe ipsam animæ substantiam quæ simpliciter est actus primus, & cujus respectu quæcunque Illius facultates actus secundi dicuntur. Dicitur tertio corporis naturalis, quia anima non est actus materiæ, nisi solum in ordine ad totum animatum quod est corpus naturale, & cujus partes sunt natura; dicitur quarto organici, id est diversis instrumentis ad diversas operationes instructi; est enim organum pars quædam in Corpore quæ certam & peculiarem sibi habet agendi virtutem ut oculus videndi, & auris audiendi, unde constat non esse organa in substantiis homogeneis quarum partes sunt similes, ut in ligno, & lapidibus, sed in substantiis tantum heterogeneis quarum partes sunt dissimiles, id est diversi generis ut in animalibus. Dicitur quinto & ultimo potestate vitam habentis; id est, in quo est potentia proxima ad actus vitales exercendos, seu clarius, quod habet actum primum vitæ quo proxime potest actum secundum v. g. visionem & auditionem exercere; propterea ova & semen non dicuntur proprie animata, quamvis potestate vitam Contineant, quia ista potestas remota est tantum & mediata quæ vitalem actum obire nequit, nisi præcedat permutatio substantialis ovorum & seminis in ipsa animata.

Objicies primo, Illud non potest esse actus seu forma Corporis quod non potest habere unum esse cum Corpore, nam debet convenire unum esse materiæ & formæ : atqui animæ & Corporis non potest esse unum esse, quia entium diversorum generum esse non potest esse unum : ergo male definitur anima, actus Corporis. Ad hoc,

Respondendum est, concedendo majorem, negatione minoris, ad cujus probationem dicimus Corpus & animam non esse diversorum generum, imo nec diversæ speciei, quod manifestatur ex his quæ ordinari tractantur in categoriis, ea solum habere genus & speciem quæ sunt entia completa ; ea vero quæ talia non sunt sed partialia entia tantum referri debere ad genus & speciem totius : hinc enim clarum est (cum tum anima, tum corpus sint entia tantum incompleta) ea non habere diversa genera aut species, sed habere unum genus totius compositi, & unam ejusdem speciem ; & consequenter animæ & corporis esse unum Commune esse, scilicet totius compositi.

Objicies secundo, Ex hoc quod anima sit actus Corporis organici potestate vitam habentis, sequitur unius viventis plures esse formas substantiales, quod admitti non debet ; ergo ut prius, male definitur anima actus corporis dices. Probatur antecedens, quia prius

rius est corpus Organicum esse tale per propriam corporeitatis formam, quam corpus lud esse animatum, aut animam esse actum ius, & ei tribuere vitam quam potestate untum habet; etenim, ut dicitur in definitione, potentia ad vitam prior est ipsa ctuali vita.

Respondeo negando sequelam antecedentis, & ad probationem ejus dico animam non appellari aut definiri actum Corporis Organici potentia vitam habentis, quia ipsa vitam tribuat corpori, & alia forma det corporeitatem, aut esse formale Corporis, sequeretur enim tunc quod objicitur; sed a tantum appellari quia (quamvis corporeitatem & vitam tribuat enti cujus est actus) tribuit secundum prius & posterius, seu secundum ordinem graduum Corporeitatis & vitæ inter se; unde, quia prius est secundum ordinem generationis esse Corpus quam esse vivens, & prius est habere actum primum vitæ, quam habere secundum; id est, prius vivere, quam vitaliter operari, anima dicitur actus Corporis potentia vitam habentis, non per exclusionem animæ a Corpore cujus illa dicitur actus, nec per exclusionem vitæ in Corpore quod dicitur esse in potentia ad vitam; verum deo solum, quia intellecto quod animam gradum Corporeitatis materiæ quam actuat, Communicet

Communicet, & deinde actum primum vitæ, intelligi præterea debet quod eadem anima tribuere possit isti Corpori alias perfectiones, nempe operationes vitales quæ dicuntur actus secundi, respectu primi actus vitæ ad quam sequuntur operationes vitales. Unde manifestum est quod in illo cujus anima dicitur actus etiam anima includitur, eo loquendi modo quo Calor dicitur actus calidi & lumen actus Lucidi; & sic patet bene definiri animam, cum dicitur actus primus corporis Organici potestate vitam habentis.

Dicimus itaque secundo, definiri posse aliter animam, scilicet id quo vivimus, sentimus, & intelligimus; sed hæc animæ definitio animæ Convenit, quatenus natura est, & est intelligenda non conjunctive, quasi vero cuicunque animæ Conveniat esse principium vitæ, seu vegetationis, sensationis, & intellectionis, sed disjunctive, ita ut anima sit id quo vivunt plantæ, vivunt & sentiunt bruta, vivunt, sentiunt, & intelligunt homines.

Tertio & ultimo anima complete sumpta definiri potest actus primus Corporis naturalis Organici potentia, vitam habentis qua illud ipsum vivit, sentit, & intelligit.

CAPUT III.

Quot sint Animæ in Animato.

DIco primo, Unum animatum una tantum constat anima; primo quia corpus naturale unica constat forma substantiali: atqui corpus animatum est naturale, cujus forma seu actus primus est anima, ergo corpus animatum unica constat anima. Probat^{ur} secundo, quia experimur functionem vitalem, maxime intensam aliam impedire juxta vulgare dictum, *Pluribus intentus, minor est ad singula sensus*; scilicet quia una anima, vitalium Spirituum dispensatrix, ad hanc potius quam ad aliam actionem concurrat; si autem plures essent animæ, quælibet dispensare posset virtutem ad actiones sibi proprias sufficientem, adeo ut una ab alia non impediretur, aliter frustra ipsi virtutem concessisset natura. Sed

Dices primo in homine sunt plures & diversæ specie actiones vitales, nutritio videlicet, sensatio, & intellectio ergo & sunt plures animæ.

Respondeo, Negando consequens, quia eadem anima per diversas potentias & facultates ab ipsa emanantes potest diversas actiones producere. Insta-

Instabis, Si potentia sunt diversa, ergo
& diversa sunt anima.

Respondeo, negatione consequentis, non
secus enim ac in inanimatis proprietates &
affectiones inter se diversas ab eadem for-
ma substantiali promanare experimur: ver-
bi gratia ab igne calorem & siccitatem; ita
& in animatis diversas potentias ab una ef-
fluere anima: & quidem ab una anima
sentiente potentias sensitivas specie diver-
sas procedere fatentur adversarii, quod
manifeste demonstrat diversitatem poten-
tiarum non importare diversitatem anima-
rum.

Objicies secundo, Multae sunt in homine
actiones Corporeae, nutritio, augmentatio,
& visio; ergo & anima, earum principium
& causa, debet esse Corporea; siquidem
facultates sunt ejusdem rationis cum ani-
ma cujus sunt facultates: atqui anima ra-
tionalis non est Corporea, ergo praeter ip-
sam, in homine alia admittenda est anima
quae sit Corporea.

Respondeo, Animam rationalem aliis su-
perioiorem, animas, vegetantem & sentien-
tem eminenter continere, ita ut anima rati-
onalis per se ipsam possit, quod possent
sentiens & vegetans, si revera adessent: ad
hoc autem quod dicitur, facultates sunt
ejusdem rationis cum anima cujus sunt fa-
cultates

ultates; hoc esse verum fateor in illis facultatibus quæ immediate Emanant ab anima, ut facultas intellectiva ab anima rationali; non vero quæ mediate producuntur ut facultas sensitiva, & vegetativa, ab ipsam & rationali anima; etenim eæ facultates producuntur ab anima rationali, cum expulsiis formis præcedentibus ea adveniente a toto composito emanant.

Dices tertio, Si anima rationalis sola hominem ita informat, diffundi debet in omnes Illius partes secundum se totam: atqui illud experientiæ repugnat, cum sint quædam partes quæ sentiunt tantum, & non intelligunt; aliæ quædam quæ vegetant tantum & non sentiunt, quod signum est in homine præter animam rationalem alias esse animas.

Respondeo, Animam rationalem secundum se totam & quatenus Eminenter continet inferiores animas, per omnes corporis partes diffundi, sed tamen in omnibus corporis partibus omnes actiones eodem modo non exercere propter Organorum dispositionem diversam, Ita ut Organa quædam vegetationem tantum recipiant ut ossa, alia sensationem ut manus; quia anima operatur habita ratione Organorum, & per ea agit Illud solum quod agere possunt instrumenta.

Sed

† Sed ad clariorem nostræ assertionis ex-
 plicationem dicimus secundo, hanc metho-
 dum naturam servare in animando homine;
 ut primo ex concepto semine in utero ma-
 tris, accedente Illius sanguine menstruo
 ad generationem præparato componat cor-
 pusculum per virtutem & Spiritum Semi-
 nalem; in quo secundo dispositiones pro-
 ducit ad animam vegetantem, quibus dis-
 positionibus positis forma substantialis cor-
 pusculi recedit; deinde tertio introducit
 anima vegetans, fitque per eam tanquam,
 per formam substantialem embrio vegetans;
 quarto & ulterius tendunt virtutes semi-
 nales & in vegetante Embrione dispositio-
 nes ponunt ad sensum, Organisando
 partes ad sensum requisitas, nempe cor
 Jecur, pulmonem &c.; quarum dispo-
 sitionem sequitur; quinto anima sentiens
 cum exclusione vegetantis, fitque em-
 brio sentiens; sexto adhuc ulterius per-
 gunt virtutes seminales totisque viri-
 bus natura contendit ad animam ratio-
 nalem, disponendo in sentiente Em-
 brione Organa excellentissima, quorum
 perfectio virtuti Illius par sit; ita ut, cum
 non valeat ad aliquid perfectius, expectet
 superioris agentis auxilium, nimirum Dei
 qui animam rationalem sua omni-
 potenti virtute creet, infundat, & uniat
 per

per quam præcedens anima sentiens itidem expellitur ; sic ut anima superior inferiorem videatur absorbere, ut major ignis minorem absorbet, retinendo tamen illius qualitates & virtutes ; si non easdem numero saltem easdem specie, quæ, statim atque expellitur anima sentiens, a toto emanant ; hac itaq; ex methodo manifestum relinquitur unam esse tantum animam in uno vivente sufficientem ad functiones aliarum animarum exercendas.

Obicies, Si admittenda est ista animarum successio ante hominem, sequitur quod ante animal rationale embrio planta erat, & brutum in utero matris.

Respondeo, Negando consequens, quia vegetans & sentiens abstrahunt a planta, brutum, & embrione, ita ut non omne vegetans aut sentiens sit planta aut Brutum, sed embrio esse possit, quando scilicet anima vegetans aut sentiens materiæ inducta, non est primario Intenta per naturam ; sed ut in homine, secundario tantum, & in ordine ad animam rationalem quæ a natura primario intenditur.

Verum licet methodus ista animationis hominis cæteris aliis quæ referruntur, mihi videatur probabilior ; non tamen omni probabilitate caret alia methodus secundum quam, ut volunt alii, sic homo animatur,

tur, ut statim ab initio cum incipit vegetare embrio in utero matris, is animam intellectivam obtineat quamvis muniis ejus non fungatur, nisi cum ad functiones animæ rationalis apte sunt disposita organa.

Inhærendum tamen primæ methodo mihi videtur, longeque probabilius est animam rationalem in embrione recipi, cum corpus sua habet disposita organa, sive illud accadat circa, 30. 35. 40. 45. diem respectu maris, & 35. 40. 45. 50. diem in fœminæ formatione ut vult *Levinus Lemnius lib.* De occultis naturæ; sive illud adveniat ut longissime 30. die in maris formatione, & 42. die ut longissime respectu fœminæ, ut vult Hippocratis *lib.* De natura fœtus; sive illud contingat ut alii quam plurimi volunt, circa 40. diem si sermo sit de maris generatione, vel 80. si sermo sit de fœminæ generatione, cujus corpus tardius ideo distinguitur, et disponitur secundum Organa propter minorem calorem seminis & virtutem debiliorem formatricem, in illo probabiliorem facit nostram assertionem quod legitur in *Lev. cap. 12.* mulieres per quadraginta dies se continuisse domi si marem, & per octoginta dies si fœminam peperissent; tum præsertim illud quod habetur in decreto 32. questione secunda capite Moses, & capite Sicuti illum

illum homicidam non esse qui abortivum mulieri procuraverit, donec elementa confecta, suas Imagines & membra suscipiant; etenim cum Deus posset (ubi formavit hominem ex terra) ipsi Limo informi animam admiscere; non nisi tamen formato jam corpori animam infudit; scilicet, quia oportebat primo domum compaginari & sic habitatorem induci.

C A P U T. IV.

*Utrum in animali sit alia
forma substantialis
præter animam.*

Dicimus primo, Non esse tot formas substantiales in animali, quot sunt gradus substantiales diversi; quia plures huiusmodi gradus in spiritualibus substantiis, ut Angelis, corporibusque simplicibus ut Cœlis, reperiuntur: Sed in substantiis spiritualibus, ut Angelis nullæ possunt esse formæ physicæ, cum sint entia completa; & adversariis nostris non sunt plures formæ substantiales in corporibus simplicibus; ergo cum non potior sit ratio cur in animalibus multiplicentur formæ substantiales

C

ad

ad multiplicationem graduum essentialium, dicendum est non esse in uno animali tot formas substantiales, quot in eo sunt gradus essentialis; sed e contra sicut unam animam, ita & esse tantum unam formam quæ ipsa sit anima. Confirmatur nostra conclusio quia una & eadem forma substantialis, diversos illos gradus essentialis fundare potest, quatenus diversis concipitur modis.

Objicies primo, Idem non potest esse simile & dissimile alteri secundum eandem formam: Atqui si in Uno animali una tantum esset forma, idem esset simile & dissimile alteri secundum eandem formam. Verbi gratia, Petrus esset similis Paulo in natura hominis, & ab eodem dissimilis secundum Petreitatem, ergo in uno animali plures sunt formæ, & speciatim in homine, gradus hominis, & gradus petreitatis, duæ sunt, non una tantum forma.

Respondeo distinguendo majorem; non potest idem esse simile, & dissimile alteri secundum eandem formam metaphysice sumptam, seu secundum aliquem ex variis conceptibus qui de eadem forma haberi possunt; concedo majorem propositionem: Idem non potest esse simile & dissimile alteri secundum eandem formam physice sumptam, quatenus potest Intelligi ut fundamentum plurium conceptuum qui sunt gradus

gradus metaphysici ; nego maiorem : una enim eademque natura Petri physice spectata, fundamentum est conceptus hominis specie ; & conceptus talis numero hominis, nempe Petri : In primo conceptu Petrus Paulo similis est ; in secundo vero talis hominis, ei dissimilis est Petrus ; ex his patet ad minorem, & consequentiam.

Objicies secundo, Quod convenit hominī ut animal, convenit etiam bruto ; sed risibile convenit homini, ut est animal : ergo supposito quod risibilis, hominis & animalis, sit unica forma, sequitur risibile convenire bruto, quod absurdum est.

Respondeo distinguendo maiorem ; Quod convenit homini ut est animal formaliter & præcise, ut est simpliciter animal, convenit etiam bruto ; concedo maiorem : Quod convenit homini ut est animal materialiter, id est, ut est hoc & tale animal, convenit etiam bruto ; nego maiorem ; unde videri potest risibile convenire homini non quia animal est simpliciter ; sed quia tale animal, contractum per differentiam dividendem, nimirum per rationale.

Dico itaque secundo, Consequenter ad præcedentem conclusionem non esse in homine aliquam formam corporeitatis præter animam, primo quia alioqui homo non esset totum per se sed per accidens ; secundo

quia sicut anima rationalis sua majori perfectione alias animas absorbendo, corrumpit sensitivam, ita & corrupisse censetur quicquid adventu suo corrumpit anima sensitiva, seu immediate ut vegetantem animam, seu mediate ut ipsam corporeitatis formam, quam vegetans anima sui introductione corrumpit, ut explicatum est supra. Tertio quia si esset alia corporeitatis forma in homine præter animam, remaneret ipsa corporeitatis forma, homine mortuo, quod tamen regulis naturalis generationis omnino repugnat; nam secundum Illas, corruptio unius Corporis viventis, est generatio alterius Corporis nempe cadaveris; Ita ut quando homo Corrumptur, debeat generari alia corporeitatis forma, nempe ea cadaveris, aliter unum & idem corpus duabus Corporeitatis formis informaretur, quod absurdum omnibus videtur: ergo non est in homine alia Corporeitatis forma præter animam.

Confirmatur conclusio ex modo prædicationis; nam quæ sumuntur a diversis formis, prædicantur ad invicem; vel per accidens si formæ non sint sibi invicem subordinatæ; vel per se, si sint sibi invicem ordinatæ, qui est modus prædicationis conveniens proprietati, subjecti sui naturam necessario consequenti; atqui neque
anima,

anima, neque vivens, neque Corpus, prædicantur per accidens, aut per se de homine, tanquam illius proprietates; alioqui homo poneretur in definitione, tum animalis, tum viventis, tum Corporis, sicut subiectum poni debet in definitione suæ proprietatis; ergo per eandem animam seu formam aliquid est Corpus, vivens, animal, & homo, neque est in homine alia corporeitatis forma præter animam rationalem.

Fateor subordinationem animarum esse probabilem, sed nostra probabilior mihi videtur sententia, & rectæ rationi consonat; nam enti per se non potest convenire nisi una forma substantialis quæ dat esse toti rei, ut loquuntur Philosophi, cum forma substantialis sit essentia essentiæ; Itaque diversitas graduum in uno subiecto non importat diversitatem formarum, quod, ut ostendatur, notandum est formæ substantialis & informantis quatuor esse gradus, etenim alia est quæ dat esse simpliciter ut forma Elementi v. g. Ignis & aquæ, & forma Elementaris inanimati v. g. lapidis aut cujusdam metalli; alia est quæ dat esse & vivere, ut forma Plantæ & Herbarum; alia rursus est quæ dat esse, vivere, & sentire, ut animalis bruti, piscium, & avium forma; alia denique est forma quæ dat esse vivere, sentire, & intelligere, ut forma ho-

minis quæ anima rationalis nuncupatur ; ista autem anima alios gradus in se continens, Metaphysice non Physice ostendit unam tantum esse in homine formam substantialem.

Dicimus ergo tertio ; Non sunt in homine plures formæ partiales distinctæ, sed una tantum substantialis, in osse, carne, & nervis diffusa, cum una anima rationalis sufficiat ad omnium istarum partium quamvis dissimilium informationem, quemadmodum sola sufficit ad functiones diversarum animarum obeundas. Hinc Collige primo carnem & ossa non differre substantialiter in animali, sed tantum secundum qualitates & accidentia quædam sibi propria ; Secundo observa carnem & ossa a vivente separata non esse amplius carnem & ossa formaliter & univoce, sed analogice tantum aut æquivoce ; eadem prorsus ratione quæ cadaver hominis, hominis corpus non est nisi æquivoce.

CAPUT V.

*Qua in parte sit constituenda sedes
Animæ in Corpore.*

CERTUM est ex antedictis animam esse
actum Corporis, &c. Ideo questio
est

est solum quomodo illa sedeat in illo, utrum scilicet in omnes ejus partes Organicas diffundatur quas per presentiam suæ substantiæ actuet; aut in una tantum, velut Rex in urbium suarum aliqua florentissima residet, unde aliis virtutem suam impertiatur; hæc fuit ex Antiquis Philosophis multorum opinio, sed de residentiæ loco inter se dissident: nam Plato animam in toto Capite ponebat; Hipocrates in Cerebro tantum, Epicurus in pectore; *Philomedes* & *Tertullianus* in corde, vel ea in parte quæ cordis vicem gerit; *Diogenes* in concava cordis arteria, & alii in alia parte ex qua in omnes partes transcurreret pro necessitate: verum omiſſis istis opinionibus,

Dico primo, Animam esse totam in toto, & totam in qualibet parte animati; primo quia anima in eo est & ei unitur cui dat esse; atqui anima non solum dat esse animato, sed & singulis partibus ejus, ergo anima non solum est in toto animato & ei unitur, sed & singulis ejus partibus.

Objicies, Anima est actus ejus in quo est: atqui non potest esse actus singularium partium totius; nam anima est actus corporis Organici tantum, cujusmodi non sunt singulæ partes: non enim bene quis dixerit partem quamcunque totius esse corpus Organicum;

nicum ; sed potius esse Organum : Ergo anima non potest esse in singulis animati partibus.

Respondeo ad objectionem negatione minoris ; quia anima est actus ejus cui esse suum tribuit specificum , anima autem esse specificum tribuit singulis partibus totius , quia alioquin esset alia forma in partibus & alia in toto , quod ostendemus statim esse impossibile : ad id quod affertur in probationem minoris , animam esse tantum actum corporis Organici , & singulas partes non esse corpora Organica : dicendum est animam esse actum tantum corporis Organici , tanquam primarii perfectibilis ; eo quod illud perficere primo intendit natura per animam ; hoc vero non impedit quominus anima sit actus partium corporis Organici , tanquam perfectibilium secundariorum quæ conferunt ad perfectionem totius primarii perfectibilis : Etenim anima est actus primus corporis Organici , & secundarius singularium partium , in quantum perficiendo totum , simul perficit partes in ordine ad totum.

Unde secundo probatur conclusio nostra ; quia nisi esset anima in omnibus & singulis partibus animati , deberet in uno eodemque duplex esse forma substantialis , una scilicet per quam quæ sentiunt sentirent , & alia

alia per quam quæ vegetant vegetarent, quod dici non potest; quia inde sequeretur totum compositum animatum non esse ens per se, sed per accidens; siquidem notissimum est illud solum esse ens per se, quod unius est. tantum naturæ seu speciei: & compositum per accidens esse illud quod diversas in suis partibus habet formas substantiales, quemadmodum dicimus domum non esse ens per se, sed per accidens; eo quod non habet unam tantum formam substantialem, sed multas & longe diversas secundum suas partes quæ sunt diversæ omnino naturæ; unde etiam forma domus non confert esse substantiale & specificum omnibus suis partibus: nam lapis qui est pars domus, non est lapis per formam domus, nec similiter lignum est lignum per formam domus: sed entis per se, ut animalis, quæcunque pars, habet esse substantiale & specificum per formam totius, sic os est os, & caro est caro per formam totius animalis.

Probatur tertio esse unam tantum animam in toto & singulis animati partibus; quia alioquin posset una recedere anima non recedente altera; atque adeo manere effectus unius animæ, dempto alterius animæ effectus; quod tamen experientiæ repugnat, cum videamus recedente anima rationali ab homine, non solum perire hominem, sed

sed & animal, nec solum perire animal sed simul perire vivens : sicut recedente anima sentiente bruti nunquam remanet anima vegetans in superstitie trunco, ut postmodum vegetet, quamvis amplius non sentiat.

Dicimus secundo, Anima rationalis sicut & animalium perfectorum animæ sunt totæ secundum totalitatem substantiæ in omnibus & singulis corporis partibus, sed non secundum totalitatem suæ potentiæ in singulis partibus; nam experimur animam rationalem & animalium animas non exequi indifferenter omnes suas actiones per omnes partes divisim sumptas; ut visionem per manus; auditionem per oculos; & olfactionem per pedes; sed visionem per oculum; auditionem per aures; & olfactionem per nares. Unde,

Dico tertio, Plantarum anima vegetans, & sentiens animalium imperfectorum ut annulloforum, & aliorum; totæ quidem sunt secundum substantiam in omnibus & singulis partibus, sed non totæ secundum totalitatem quantitatis, quæ ipsis convenit per accidens; quatenus divisione quantitatis cui pro sua imperfectione coextenduntur, dividuntur; etenim ratione suæ imperfecti-
onis materiam habent fere similem in toto & in parte: atque ita habent indifferen-
tem fere habitudinem ad totum quantitati-

vum & ad ejus partes, unde earum divisione facta in ipsis perseverant sapissime; præterea istæ animæ non manent secundum totalitatem potentiæ seu totam virtutem in singulis partibus totius; arbor enim non agit per ramos quod agit per radices.

Sed forsan dicet aliquis, *Aristoteles lib. De motu Animalium*, dicit, Animam esse in corpore quomodo Rex est in civitate: atqui Rex non est secundum substantiam in omnibus partibus civitatis; ergo nec est anima in omnibus corporis partibus. Respondeo, comparisonem *Aristotelis* sic esse intelligendam, ut sensus sit, quod sicut Rex est secundum justitiam & imperium in omnibus civitatis, id est, regni partibus; ita anima est in corpore secundum virtutem motivam, vel secundum alias potentias quas unicuique parti, has aut illas pro cujusque conditione disperfit; ex quo nihil contra nos concludi debet.

Objicies secundo, Si anima rationalis est tota in omnibus & singulis corporis partibus, potentiæ quæ animam independentem a corpore sequuntur, ut intellectus & voluntas, erunt in singulis hominis partibus, & sic in pede, manibus, & aliis partibus, quod absurdum videtur.

Respondeo, Intellectum & voluntatem non minus esse in pede & manibus quam in capite.

capite, cum caput, sicut nec pes, aut alia pars corporea non sit subjectum, nisi remotum tantum & mediatum talium facultatum: nam subjectum immediatum earumdem est ipsa rationalis anima: nihilominus dicuntur tales facultates esse in capite & corde, speciali quadam ratione; scilicet, quia his in partibus multæ sunt dispositiones ad executionem actuum istarum facultatum requisitæ, quæ in alijs corporis partibus non inveniuntur.

CAPUT. VI.

Quæ partes in homine sint animatæ, quæ vivant, & quæ non vivant.

QUæ in solutione hujus dubii dicemus de homine, servata proportionem debent Intelligi dicta de quibuscunq; viventibus; hoc notato, Dico primo, Illæ solum partes in homine sunt animatæ & vivunt quæ per unam eandemque numero quantitatem continuantur; quantitas enim discreta vel plures partes quantitatis ab invicem sejunctæ duo aut plura subjecta distinguunt; sed ad majorem explicationem.

Nota

Nota quod in homine sunt partes multiplicas generis; aliæ sunt secundum se totæ animæ ejusdemque rationis unde homogeneæ, seu similes vocantur: tales sunt caro, ossa, & nervi; aliæ dicuntur dissimiles quæ in se constant multis minoribus partibus diversis; ut pes, brachium, & manus: aliæ rursus sunt partes quæ suo proprio nomine humores nuncupantur, nempe sanguis, pituita, colera, seu flava bilis, & melancholia: ad has partes accedunt spiritus vitales qui operationibus inserviunt; deinde sunt excrementa vel nociva, si retineantur, ut urina; vel non nociva seu utilia, ut semen; quædam etiam ex excrementis sunt genitæ partes, ut ex humoribus ungues & capilli. Ex quibus omnibus alia partes proprie appellantur, alia non nisi improprie vocantur, siquidem nec humores, nec excrementa saltem nociva, sunt animatis partes. De his igitur sigillatim dicendum est, & primo,

Dicimus secundo, Partes proprie dictæ animales quàm dissimiles, sunt omnes animatæ, tum quia sunt omnes continuæ, tum quia vivunt & quidem per intus suspensionem, ut apparet ex eo quod secundum omnes suas partes crescunt, & patebit consideranti.

Dico tertio, Sanguis non est animatus,
sicut

sicut nec vere pars hominis: quod autem de sanguine dicitur, de tribus aliis humoribus proportionaliter dicendum est: probatur Conclusio primo, quia sanguis non est corpori continuus, sed per venas Irriguus. Secundo, quia proximum est animalis alimentum ex medicis; nullum autem alimentum proximum vivens est cum debeat propriam deponere formam & mutari in substantiam viventis quod alitur.

Dicimus quarto, Consequenter ad præcedentem conclusionem; Spiritus vitales non esse animatos, quia non differunt substantialiter a sanguine, sed Illius sunt pars purissima & tenuissima; Cum ergo sanguis non vivat, nec Spiritus vivunt: Cæterum spiritus in sanguine est corpus tenue aeri persimile quod per totum animatum diffunditur, Emanatque ex tribus quasi fontibus; nam spiritus vitalis in sinistra parte cordis conficitur, & per arterias in totum corpus ad caloris naturalis conservationem mittitur: Spiritus animalis in cerebro conficitur, & per nervos ad operationes per sensus exercendas dispensatur: Spiritus naturalis denique in jecore conficitur, & per venas ad animæ quascunque alias functiones defertur.

Dico quinto, cum quibusdam Philosophis, capillos & ungues animatos esse & vivere:

vivere ; & quidem animatos esse et vivere anima rationali quæ unica est in corpore animato quod informat : Multis quidem argumentis veritas assertionis nostræ patet, primo quia in capillis & unguibus operatio vitalis, nutritionis & augmentationis reperitur, & per consequens anima quæ talium operationum principium est, animantur ; secundo quia deprehendunt medici uniri ungues per fibras nervosque tenues illis in partibus in quibus hærent ; adeoque Illos esse partibus Isthis eisque mediantibus toti composito non contiguos solum, sed continuos ; tertio medici etiam advertunt venulis quibusdam ad capillos alimentum deferri, eoque alimento nutrirî per intus susceptionem ; ex quo non obscure colligitur tum ungues tum capillos esse animatos, quia quod toti composito continuum & unitum est, pars necessario est ; pars autem totius necessario eadem forma & eadem anima qua totum actuatur, animatur ; *Thomas Aquin.* illud confirmat in 4. distinctione 44. articulo secundo ad tertium ; Capilli, inquit, et ungues nutriuntur & augentur ; quod esse non posset, nisi partes essent aliquomodo ab anima perfectæ : Ergo cum in homine unica sit anima, sequitur eos animari & perfici ab anima rationali, quamvis non usque ad hoc quod

operationem sensus participant ; sicut quod nec ossa.

Objicies primo , Illud quod augetur tantum secundum aliquas sui partes, non secundum omnes , non est vivens ; nam inquit Philosophus de anima textu 14. augmentum viventis fit secundum omnes partes et differentias ; atqui capilli & ungues non augentur secundum omnes sui partes & differentias ; imo augentur tantum secundum longitudinem, ergo non sunt partes viventes et animatæ.

Respondeo, Distinguendo majorem propositionem ; Illud quod non augetur secundum omnes sui partes , non est vivens, Si illud quod dicitur augeri est totum compositum, concedo majorem, si est pars compositi tantum nego majorem : Etenim non est de ratione partium , ut augeantur secundum omnes partes et differentias, cum sunt partes ipsæ , sed tantum secundum exigentiam. Concessa igitur minore propositione, neganda est consequentia ; Et sic Philosophum explicat *Thomas Lib. 2. De anima, Lectione 3.* Simpliciter tamen negari potest ungues et capillos non augeri secundum omnes sui partes , præsertim cum apertum sit barbam, pilos, crines, & ungues Leviores esse & tenuiores in adolescentibus quam in viris & senibus : Non est tamen augmentum multum notabile ; quia

quia cum Ista sint ad ornatum, si secundum omnem partem nobiliter auferentur, vererentur in dedecus & deformitatem corporis.

Objicies secundo, Quod nutritur tantum & augetur expulsionem excrementorum, non est vivens; aut pars viventis, sed excrementum tantum: atqui ungues et capilli excrementorum, et humorum facis expulsionem augentur & nutriuntur tantum: ergo non sunt partes viventis.

Respondeo, Distinguendo majorem, quod augetur tantum excrementorum expulsionem, vel clarius, quod augetur excrementis simpliciter dictis, non est vivens; concedo: quod augetur excrementis secundum quid & latiori modo dictis; i. e. per comparationem ad alimentum magis defæcatum, non est vivens; nego majorem: unde ad minorem dicendum, ungues & capillos excrementis sanguinis, Id est, rasseribus sanguinis partibus augeri & nutriri, non autem puris excrementis. Neganda igitur est consequentia: Ita enim respondet *Aquinas* eidem objectioni: dicendum enim est, inquit, quod illæ superfluitates quas sibi natura retinet ad generationem unguium & capellorum quibus indiget ad membrorum conservationem, pertinent ad perfectionem corporis humani;

ex quibus concludit eos esse animatos & partes viventis.

Objicies tertio, Quod non augetur per intus susceptionem & operationem vitalem, non vivit: atqui capilli & ungues non crescunt per intus susceptionem & operationem vitalem, cum pendulis in patibulo, vel aliis aliter mortuis crescant; Ergo non sunt animati.

Respondeo, Concessa majore, negando minorem, ad probationem ejus dico primo, Capillos & ungues mortuorum non esse capillos & ungues, nisi equivoce; Et proinde concedi posse quod in his crescant sine operatione vitali, quia quæ sunt diversæ naturæ possunt augeri & crescere diversis modis: Sed dico secundo, Posse negari ungues & capillos mortuorum crescere; & sustineri simul, cum non crescant, apparere tamen crescere propter attenuationem & decretionem partium quibus adhærent: Sicut & eadem ratione dentes videntur crescere in mortuis, quod tamen nec ipsi putant esse verum adversarii: Et sic apparet objectionem nullius esse momenti, cum tantum loquamur de capillis & unguibus viventium, qui proprie & non equivoce capilli & ungues sunt.

Dicimus sexto, Semen in animali non est animatum: Quia, ut jam dictum est supra, sanguis

sanguis non est animatus ; atqui ex *Aristotele* , Medicisque omnibus communiter, semen nihil aliud est quam portio quædam ultimi alimenti , nempe, sanguinis superfluens ; unde etiam excrementum dici consuevit, non simpliciter tamen, sed utile; nam semen non est excrementum nocivum, ut urina est. Præterea verum est, semen in utero matris a seminante decisum, non esse animatum , cum anima eadem in duobus locis non possit animare : Ergo semen non vivit per animam Illius cujus est semen, neque per aliam sibi propriam, cum in uno vivente una tantum sit anima ; unde *Aristoteles* dicit ex non animali fieri animal : ex semine autem fit animal ; ergo semen non est animatum ; similiter dicendum est de lacte & cæteris hujusmodi, quæ a sanguine non differunt substantialiter, vel sunt excrementa proprie coctionum.

De dentibus major est difficultas ; nihilominus *Aristoteles lib. 2. De generatione Animalium*, docet Illos esse ejusdem rationis atque ossa : Cum ergo ossa vivant, dixerim & dentes ; non tamen dixerim eos sentire ut quibusdam visum est, sed vegetare tantum quemadmodum ossa ; quod si igitur dentes dolent , ita contingit ratione carnis adjunctæ quæ est medium tactus ; necnon ratione nervorum quibus colli-

D 2

gantur,

gantur, qui sunt maxime sensitivi.

CAPUT VII.

De divisibilitate & indivisibilitate Animarum.

NOtandum est primo ad solutionem
quæstionis, Animam generice specta-
tam nec divisibilem esse, nec indivisibilem;
quemadmodum animal secundum se & uni-
versim spectatum; nec rationale est, nec
irrationale, sed ab utroque abstrahit: Se-
cundo ex animabus illam indivisibilem dici,
quæ tota in toto, & tota in qualibet parte
existit: Alteram vero divisibilem quæ tota
in toto, & secundum partem in partibus
seorsim sumptis existet. His duobus præ-
notatis; sigillatim de diversis animarum
speciebus dicendum est.

Dico itaque primo, Animam rationalem
esse indivisibilem; quia divisibilitas est ali-
quid consequens quantitatem & materiam,
solisque materialibus & quantis Entibus
conveniens: Atqui anima rationalis, neque
est materialis, neque quanta, sed omnino
spiritualis: unde quando per abscissionem,
aliqua hominis pars a toto dividitur, non
simul

simul ipsa dividitur ejus anima : alioqui quemadmodum ista pars corporis statim post abscissionem animari desinit ; Ita & animæ pars quæ in ipsa corporis parte abscissa fuisset, corrumpereetur ; cum e contra fides doceat animam rationalem esse immortalem & incorruptibilem.

Objicies, Caput ab homine separatum, aliquando locutum est, si historicis est habenda fides : Ergo anima rationalis in partibus separatis divisa manet.

Respondeo, Supposita historiæ veritate, Istud contigisse tantum per miraculum, ita ut potuerit anima tota quæ ante divisionem toto corpore continebatur reduci ad caput, Deo conservante in illa notabili hominis parte spiritus vitales necessarios ad aliquas actiones vitales per breve tempus exercendas ; hanc tamen historiam in dubium revoco.

Objicies secundo, Quicquid recipitur ad modum recipientis recipitur : atqui anima rationalis recipitur in materia & corpore divisibili : Ergo & ipsa anima materialis est corporea, & divisibilis.

Respondeo, Concessis præmissis negatione consequentiæ ; quia sensus hujus axiomatis non est, quod recipiens & receptum debent esse ejusdem naturæ & rationis ut supponitur in objectione ; sed tantum

quod debet esse aliqua proportio inter recipiens & receptum: multiplex autem proportio est animæ rationalis ad materiam & corpus, quamvis nec materialis nec corporea, nec quanta sit; nimirum anima rationalis, quamvis spiritualis, est actus materiæ & corporis, ad illius extensionem limitatur & ipso quasi loco definitur. Præterea idem præstat per materiam quod ipsa præstaret, si esset divisibilis & materialis.

Dicimus secundo; Animæ sensitivæ animalium, perfectorum sunt indivisibiles non tantum secundum essentiam, quomodo omnis forma substantialis est indivisibilis, verum etiam secundum quantitatem, seu per se, seu per accidens, quia propter majorem suam perfectionem, talem dissimilitudinem in materia postulant; ut tanta dissimilitudo & sufficiens dispositio in partibus decisis, ad talium animarum conservationem, reperiri nequeat, ut sic ad divisionem partium ipsæ etiam dividantur animæ; ut patet in Equis & Elephantibus, quorum animæ ad divisionem partium corporis non dividuntur. Sed:

Dico tertio; Animæ cæteræ, scilicet vegetativæ plantarum & sensitivæ animalium imperfectorum, ut vermium, indivisibiles quidem sunt per se, quia per se carent quan-

quantitate cui per se convenit divisibilitas ; Etenim quamvis istæ animæ sint materiales per se , eductæque ex potentia materiæ ; tamen per se non sunt divisibiles , sed tantum per accidens ; id est , per quantitatem cui coextenduntur , & ad cuius divisionem dividuntur ; eo quod cum sint valde imperfectæ & ad materiam accedentes , quomodo materia quantitati coextenditur , & ad divisionem ejus dividitur , sic animæ plantarum & animalium imperfectorum , quia non postulant magnam dissimilitudinem & dispositionem in materia & partibus corporeis , per accidens divisibiles sunt , & ad divisionem suæ quantitatis actu dividuntur , ut patet ex plantis & vermibus quorum partes decisæ vivunt .

CAPUT VIII.

De Animæ potentiis in communi, quid sint, quot sint ; Et quomodo ab Anima distinguuntur.

Animæ potentia definitur, vis seu facultas quam anima quasi ex sinu suo promittit ad operationes suas exercendas ; aliter etiam potest definiri potentia connaturalis qua anima utitur tanquam Instrumento ad operandum ; seu naturalis virtus animæ ad actus vitales exercendos circa proprium suum objectum . Quibus in definitionibus

potentia animæ dicitur virtus, vis, & facultas connaturalis ut distinguatur ab habitibus & speciebus, quæ vel sunt qualitates infusæ vel acquisitæ; non autem Connaturales. Hoc explicato

Dico; Duplicis generis sunt animæ potentiaæ seu facultates; aliæ enim dicuntur organicae; aliæ inorganicae: inorganicae potentiaæ eæ sunt quæ ex natura sua organum, id est, partem corpoream ad agendum non requirunt; suntque Intellectus & voluntas animæ rationali convenientes, per quas independenter a materia operari potest: organicae vero facultates sunt illæ quæ in suo esse & operari dependent a corpore & materia, cujusmodi sunt sensus omnes, visus, auditus, odoratus et alii, necnon omnes animæ vegetantis facultates.

Quod ad distinctionem, Dicimus potentias animæ ab anima realiter distingui, primo quia causa & effectus realiter ab invicem distinguuntur; atqui anima causa est suarum potentiarum tam organicarum quam inorganicarum: ergo realiter ab anima distinguuntur: secundo quia causa primaria & instrumentaria causa distinguuntur ab invicem realiter: siquidem causa primaria substantia est, Instrumentaria autem aliquod accidens; deinde primariae causæ virtus est effectui suo proportionata; Instrumentariae vero impropor-

pro-

proportionata, id est, insufficiens ad effectus productionem sine concursu primariæ causæ; atqui potentiæ in anima, seu organicæ, sive inorganicæ, sunt tantum instrumenta quibus utitur causa primaria ad suos effectus; ergo, &c. Præterea ita se habent potentiæ ad animam quam juvant in operatione, sicut se habent habitus ad animæ potentias, ut per illos facile operentur; atqui habitus realiter distinguuntur a potentiis, v. g. scientiæ ab intellectu; etenim potentiæ sunt a natura, habitus vero ab arte & studio; ergo etiam potentiæ realiter distinguuntur ab anima. Sed,

Argumenta ista quibus probatur distinctio realis quarumcunque potentiarum animæ ab ipsa anima, non nisi tópicæ sunt ut videtur; nam qui tuebitur animæ potentias non distingui realiter ab ipsa anima, indubitanter negabit potentias esse animæ effectus; negabit consequenter potentias esse causas instrumentarias & secundarias, animamque causam principalem & primariam: negabit iterum eodem modo se habere potentias ad animam, quo modo habitus ad potentias; defendetque animam dici intellectum, dum intelligit voluntatem cum vult, memoriam cum reminiscitur & sic de cæteris: unde contra ad confirmationem nostræ conclusionis dico, nulla forma substantialis creata, qualis est anima
immediate

immediate activa est per suam essentiam; atqui nisi distinguerentur potentia animæ ab ipsa & quidem realiter, sequeretur animam per se immediate esse activam per suam essentiam, cum potentia sint immediate activæ, ut fatentur adversarii, ergo distinguuntur realiter: probatur major propositio; quod est activum immediate per suam essentiam, illud est primum Agens, quia ab omnibus illud dicitur secundum Agens quod participat aliquod superadditum suæ essentia per quod agit; unde ex hypothese quod anima sit immediate per suam essentiam activa, nihilq; recipiat superadditum per quod agat, ipsa erit agens primum; atqui illud esse non potest, cum primum agens solus Deus sit, cujus esse est suum existere, ergo potentia animæ ab anima realiter distinguuntur; conclusio confirmatur secundo quia potentia ejusdem est generis cujus est actus ad quem est: atqui actus ad quem immediate sunt potentia animæ sunt aliquod accidens, v.g. Intellectio ad quam est intellectus, volitio ad quam est voluntas, sensatio ad quam est sensus; ergo potentia animæ sunt de genere accidentium & quidem de genere qualitatum: ergo manifestum relinquitur potentias animæ seu Organicas seu inorganicas ab anima quæ est substantia, realiter differre.

Si quæ sit ratio dubitandi de argumento, tota est de majori propositione, sed dubitatio tollitur; quia debet esse conformitas inter potentiam & actum ejus immediatum: nisi autem potentia & actus ad quem est immediate, essent ejusdem generis; non esset conformitas sufficiens inter ea; nam inter ea quæ sunt diversi generis, longa est disproportion: maneat ergo quod debet esse potentia ejusdem generis cujus est actus ad quem immediate ordinatur; & ex consequenti maneat quod conclusum est superiori argumento, potentias animæ distingui realiter ab ipsa anima, quia sunt diversorum generum, illæ & ipsa: illæ sint accidentia sub genere qualitatum, illa vero forma substantialis sub genere substantiarum.

Confirmatur tertio conclusio nostra; quia essentialiter anima est actus corporis atque ideo si potentiæ animæ ab ipsa non distinguantur realiter, sed sint unum & idem cum illa, ita ut anima sit immediatum principium cujuslibet suæ operationis; semper habens animam, actu habet operam vitam, sicut semper habens animam, actu est vivum: atqui invenitur habens animam non semper esse in actu operum vitæ; ergo invenitur etiam quod anima non est immediatum operationum vitalium principium; sed

sed e contra quod tale principium sunt potentia animæ a qua quidam sunt ipsæ potentia, sed nihilominus realiter distinctæ.

Sed quarto & ultimo, dilucide & breviter confirmatur assertio nostra de distinctione potentiarum ab anima; id quod est ex se indifferens secundum essentiam suam ad diversos actus quos potest exercere, debet per aliquod superadditum suæ essentia ab ea distinctum, ad aliquos actus potius quam ad alios determinari: atqui anima ex se & secundum suam essentiam spectata, est indifferens ad diversos actus: ergo per aliquod suæ essentia superadditum & ab ea distinctum, ad hos potius quam ad illos actus determinari debet; illud vero per quod anima determinatur, ipsum est quod facultates & potentias vocamus, quæ realiter ab anima distinguuntur.

Objicies primo, Si animæ facultates ab ipsa realiter distinguerentur, possent per virtutem divinam ab invicem separari, ita ut anima post illam separationem, amplius non esset principium vitæ, seu actus vitalis, quem sine potentiis habere non potest: atqui falsum videtur consequens: Ergo & antecedens.

Respondeo primo, dato quod possent animæ facultates ab anima separari, quod tamen videtur impossibile, remansuram adhuc

adhuc esse animam principium vivendi saltem radicale & in actu primo, quamvis facta suppositione talis separationis non foret principium in actu secundo: est enim solum essentiale animæ quod sit principium radicale & in actu primo operationum vitalium; accidentale autem quod sit principium earum in actu secundo; & proinde absurdum videri non debet, animam sine suis facultatibus permanere, cum non sit absurdum substantiam separari a suis accidentibus; vel potius accidentia separari a sua substantia: Hæc tamen responsio non omnino satisfacit, quia quæcunque accidentia non sunt separabilia a sua substantia saltem separatione reali; nam quædam sunt accidentia sine quibus substantiam manere impossibile multis videtur, & speciatim animæ facultates, quamvis accidentia ejus sint, videntur ab ea quacunque virtute inseparabiles.

Respondeo itaque secundo, Negando sequelam majoris; nec obest axioma: Accidens illud esse quod potest adesse & abesse sine subjecti interitu; unde videtur sequi quod vel potentiæ animæ non distinguuntur ab ipsa realiter; vel qui distinguere debeant, posse ab illa separari: non, inquam, axioma obest; nam vel illud intelligitur de separatione reali, vel intellectuali tantum; quod

quod si intelligitur de separatione reali & secundum existentia axioma non extenditur nisi ad accidentia communia quæ possunt separari realiter a suo subiecto sine illius interitu; nempe ad albedinem & nigredinem, aut alia accidentia communia : quod si intelligatur axioma de separatione per intellectum, convenire potest non solum accidentibus communibus, sed etiam propriis quæ necessario substantiam existentem sequuntur, cujusmodi sunt potentia & facultates respectu animæ, quæ sic per Intellectum ab ipsa anima sunt separabiles, ut intelligi queat animæ essentia non intellecta potentiarum natura; quamvis non possibile sit aut intelligibile animam sine illis potentiis existere, quia inintelligibile est speciem existere sine illis accidentibus quæ sequuntur principia illius essentialia.

Objicies secundo anima est potens producere per se & immediate suas potentias ex concessis vel concedendis : Ergo & potens est immediate suas actiones exercere nullis superadditis potentiis. Respondeo negatione consequentis, & dico disparitatem esse in eo quod potentia sint connaturalis, ab anima, per naturalem resultantiam, sicut ex luce naturaliter calor resultat; non autem per aliquam subiecti transmutationem quæ semper comitatur actionem proprie

proprie dictam ; unde non potest aliquid agere primo & per se in seipsum actione proprie dicta : actiones vero animæ non sunt ei connaturales sicut potentiæ , quemadmodum patet ex hoc quod facultates remanent in anima , actiones vero hic & nunc fiunt, & fluunt.

Objicies tertio, Accidentia, ut sunt animæ facultates , per se & immediate effectum producant, nempe, actiones : Ergo, a fortiori, anima per se immediate debet suas actiones exercere ; siquidem illa suis potentiis nobilior est. Respondeo negando consequens, admissio antecedente ; accidentia enim sunt causa instrumentalis substantiarum & earundem virtus , sicut & sunt facultates respectu animarum ; is est autem ordo naturæ, ut causæ Instrumentales suum effectum semper immediate attingant : nec propterea sequitur minor nobilitas in principali causa , nam totum esse causæ quod habet causa Instrumentalis, ipsi a principali confertur ; neque aliud est causa Instrumentalis , quam virtus causæ principalis.

Objicies quarto, Sanctum *Augustinum* multis in locis præsertim libro de Spiritu & anima Cap. 13. testari quod anima talis dicitur, dum vegetat, spiritus dum contempletur, sensus dum sentit, animus dum sapit, mens

mens aut intellectus dum intelligit, ratio dum discernit, memoria dum recordatur, & voluntas dum vult; Ita tamen ut ista non differant nisi nominibus, quia omnia ista sunt una anima, proprietates quidem diversæ, sed essentia una.

Respondeo primo, Doctores permultos, cum Lovaniensibus, ut ipsi etiam Conimbricenses notant, & cum illis Raconisius, negare testimonium illud esse Augustini; verum concessio quod ad illum pertineat: Respondemus secundo, non ex hoc sequi potentias animæ non distingui realiter ab anima si denominetur per potentias, vel si potentiarum nomen ipsa ferat dum per eas operatur; sed velle tantum sanctum Augustinum unicam animam esse primum & principale principium omnium operationum valde diversarum, unamque esse animæ essentiam ex qua tot diversæ emanent facultates; non autem esse multas animas ex quibus sint potentiæ multæ; quasi vero potentia sentiendi in homine sit ab alia anima quam ab anima rationali a qua est potentia intelligendi & volendi; quasi vero in eodem homine potentia vegetandi sit ab alia anima quam ab anima rationali, a qua est potentia intelligendi, volendi & sentiendi; si igitur dicat Augustinus animam dici spiritum dum contemplatur, voluntatem dum

dum vult, &c. Illud dicitur potentialiter, quatenus istæ omnes potentiaë ab illa emanant; non autem quod omnia ista sit identice, seu anima sit unum & idem re cum suis potentiis: nam si ita esset, præter alia multa incommoda de quibus supra, sequeretur quod anima superstitè nunquam potentiaë amitterentur, sed tantum usus earum, & quod is cui essent confossi oculi, non amississet facultatem videndi sed usum tantum; nec Christum cæcos natos illuminando, illis contulisse videndi facultatem, sed usum facultatis præbuisse tantum. Quæ ex aliis libris Augustini, aliorumque Patrum testimonia objiciuntur, eadem ratione sunt explicanda.

CAPUT IX.

De causa materiali seu de subjeçio potentiarum.

Dicimus primo, Subjectum adæquatum omnium potentiarum tam inorganicarum quam organicarum est totum animal: quia cum ejusdem sint potentiaë cuius sunt operationes, quæ ut Philosophi communiter loquuntur, sunt suppositorum, id est, completarum substantiarum, non

E

autem

autem materiæ solum, aut formæ solum; dicendum est potius hominem intelligere quam animam rationalem quæ est in homine.

Dico secundo, potentiæ inorganicæ, ut intellectus & voluntas, quæ insunt toti homini ut subjecto adæquato, animæ rationali immediate inhærent, unde ipsa earundem subjectum adæquatum immediatum dici potest, ad distinctionem hominis qui earum est subjectum quoque adæquatum sed mediatum, eo quod toti non insunt nisi mediante anima, cui immediate insunt: quod autem anima sit subjectum adæquatum immediatum patet ex eo quod dicuntur inorganicæ, idest independenter secundum naturam suam ab Organò corporeo; tum ex eo quod integræ manent in anima a corpore separata.

Dicimus tertio, potentiæ organicæ, non insunt soli animæ rationali tanquam subjecto adæquato; immediato, sed mediato tantum; quia subjectum adæquatum alicujus accidentis dicitur illud in quo accidens sufficienter secundum naturam suam potest conservari: atqui potentiæ organicæ, ut omnes fatentur, non possunt conservari in sola anima, cum sint corporeæ, a corpore dependentes; nec possit anima per se solam talium potentialium actiones exercere, v. g. nutritionem, visionem, &c. præterea læso organo Corporeo pereunt tales potentiæ, anima illæsa.

Obji-

Objicies tamen primo, Causa originans proprietatum est earundem subiectum adæquatum: atqui anima rationalis est causa originans potentiarum organicarum tanquam suarum proprietatum: Ergo, & ipsa est illarum subiectum adæquatum.

Respondeo, primo potentias organicas dici animæ proprietates, nomine proprietatis latius sumpto pro qualibet virtute quam substantia ex se fundere aut causare potest; hujus ergo generis sunt potentiæ organicæ respectu animæ rationalis quas quidem ex se fundit vel producit, sed mediate tantum est, mediante corpore: unde nec earum subiectum est adæquatum, sed & corpus requirit ad earundem sustentationem, quemadmodum & ad productionem: Sed respondemus secundo, Concessa majore distinguendo minorem. Anima rationalis est causa originans potentiarum organicarum, inadæquata & mediata, concedo; est causa originans adæquata & immediata, nego minorem: imo est totum animatum: quia potentiæ ejus sunt tantum cujus actiones per potentias esse possunt: atqui actiones potentiarum organicarum sunt tantum totius compositi, tanquam principii adæquati: Ergo & potentiæ organicæ sunt tantum totius compositi animati, nec possunt esse tanquam in subiecto

adæquato, aut in anima sola, aut in corpore solo, sed in duobus simul.

Objicies secundo, Id quod est ab aliquo, per actionem immanentem recipitur in eodem tanquam in subjecto adæquato; atqui potentia organica sunt ab anima per actionem immanentem, nempe, per emanationem; Ergo in ipsa anima recipiuntur tanquam in suo immediato & adæquato subjecto.

Respondeo distinguendo majorem, quod est ab aliquo per actionem immanentem, nempe, per emanationem, est in illo tanquam in subjecto adæquato & immediato, si illud subjectum sit adæquatum principium emanationis, concedo majorem; si secus; nego: atqui, inquis, potentia organica sunt ab anima tanquam per actionem immanentem, nempe, emanationem. Distinguo minorem; sunt ab anima tanquam a principio mediato tantum & inadæquato, quia anima potentias organicas promittit simul cum corpore & mediante corpore; Concedo, sunt ab anima tanquam a principio adæquato & immediato; quasi vero ex anima seorsim a corpore tales promanent facultates, nego minorem: Ergo, nego consequentiam.

Dico itaque quarto, Quemadmodum potentia organica emanant ab anima mediante

diante corpore, ita & in anima recipiuntur eodem mediante corpore, suntque in conjuncto, id est, in toto composito tanquam in proprio, immediato, & adæquato subiecto: quia ex *Aristotele*, nec anima nec corpus, sed totum compositum sentit; ratio etiam favet, nam solum compositum est simpliciter, ac proinde illi soli convenit accidentia sustentare simpliciter; præterea accidens corporeum, subiectum etiam corporeum postulat, nec per consequens in anima rationali sola potest conservari, cum ipsa sit spiritualis.

Quæres, cum anima rationalis sit subiectum adæquatum suarum potentiarum inorganicarum seu immaterialium; cur animæ brutorum aut plantarum, cum sint materiales, esse non possunt subiectum adæquatum & immediatum suarum potentiarum similiter materialium. Respondeo, rationem esse quod anima rationalis secundum suam substantiam non dependet a materia cui unitur: unde nec secundum potentias, sibi proprias ab illa dependere debet; cum e contra animæ brutorum & plantarum educuntur ex materia, nec non ab illa secundum esse suum & operari debeant: inde illarum potentia propria & actiones toti composito, i. e. materiae & animæ simul unitis debent esse communes.

CAPUT X.

*De Causa efficiente potentiarum
Animæ.*

CAusa efficiens prima, sed mediata potentiarum inorganicarum est ipse Deus, omnium actionum primus motor, qui dat esse animæ rationali, & per motum suum efficacem efficit, ut ex sinu suo facultates promat. Secundo, causa efficiens secunda, sed immediata, & adæquata earum, est anima rationalis quæ illas ex se fundit independenter ab omni materia, præmotā tamen a Deo tanquam ab authore naturæ. Tertio, causa efficiens potentiarum organicarum prima sed mediata, est etiam ipse Deus; sed causa efficiens secunda earumdem potentiarum, immediata & adæquata est ipsum animatum quod illas ex se fundit per animam, quemadmodum ignis ex se producit calorem & siccitatem per suam substantialem formam. Unde,

Dico primo, Non producantur potentia animæ quæcunque illæ sint, actione corruptiva, seu per expulsionem formæ contrariæ, sed actione perfectiva quatenus sine
illius

illius detrimento & corruptione ponuntur in animato quemadmodum lux in aere; neque perfectiva ista actio, actio est proprie dicta, quæ semper conjuncta est cum aliqua subjecti transmutatione a suo statu naturali, sed est emanatio seu resultantia & naturalis consequentia; quatenus ad positionem animæ consequenter ponuntur illius facultates, sicut ad positionem lucis consequenter & per resultantiam ponitur calor, & ad positionem aquæ ponitur frigus; neque potentiæ istæ sunt ab extrinseco principio, quemadmodum quam plures actiones animatorum quæ ab exteriori agente dependent, sed sunt ab intrinseco, utpote ex animati corporis essentialibus principiis fluunt; amplius ista actio, seu emanatio est continua & interrupta, quia potentiæ in suo esse & conservari dependent a suæ causæ presentia & influxu, sicut lux a sole, calor ab igne: Cæterum emanatio ista est realis & Physica, per quam scilicet resultat a causa originante effectus realiter ab illa distinctus.

Dico secundo; Animæ rationalis potentiæ organicæ corruptibiles sunt sicut & ipsa rationalis anima; adeo ut per nullam virtutem, nisi forte per divinam desinere queant; ita ut etiam dato (quod annihilari possint) anima remanente, si annihilarentur

statim, anima rationalis alias ejusdem speciei potentias naturaliter ex se funderet, tanquam suæ naturæ complementum & suarum operationum instrumenta necessaria.

Quoad potentias organicas dico tertio, eas esse corruptibiles, quia dependent ab organis quæ per causas naturales lædi & corrumpi possunt; verum est tamen hujusmodi potentias permanere semper in anima tanquam in radice, a qua statim exurgerent si organum sanaretur & iterum ad corruptam potentiam disponderetur.

CAPUT. XI.

De causa finali & specificatione potentiarum Animæ.

Dico primo, Finis proximus & immediatus potentiarum animæ est actus vitalis, verbi gratia, finis proximus intellectus est intellectio & intelligibile; finis vero remotus et ultimus potentiarum animæ est bonum viventis quod per actum vitalem circa illius objecta intenditur & quæritur; Ita *Aristoteles cap. 4. lib. 2. De Anima.*

Dicimus secundo potentias animæ specificari seu distingui specie, essentiamque
suam

suam & unitatem desumere ab actibus vitalibus & objectis eorum tanquam a proprio termino, & sine immediato ad quem sunt; ita philosophus lococitato; etenim si quid agendum est de facultate vivendi, sentiendi, & Intelligendi, prius agendum est, de vivere, sentire, & intelligere quia prius sunt ratione facultatibus functiones & actiones; actiones autem dicuntur prius ratione facultatibus, ut omnes communiter docent; quia ab actionibus facultates suam desumunt essentiam, tanquam a termino ad quem relationem dicunt tanquam transcendentalem.

Dico tertio, non ita tamen potentia specificantur a suis actibus & objectis eorum, ut tot sint potentia in specie quot actus vel objecta materialia specie diversa, sed specificantur tantum a suis objectis formalibus.

Conclusio nostra explicatur & probatur in Intellectu, qui idem specie manens, tres operationes distinctas operatur, videlicet apprehensionem, iudicium, & discursum, versaturq; circa omnia omnino Intelligibilia, non specie solum sed etiam genere aliquando diversa: Specificantur ergo potentia animae ab actibus & objectis in quantum conveniunt in quadam ratione quæ est veluti formale objectum, Id est, ratio sub qua operantur

operantur potentia circa objecta ad quæ sunt : Hoc modo intellectus dicitur una potentia ab intelligibili, sub cujus ratione actiones suas, quæcunque sint, circa quodcunque objectum exercet.

Nota itaque ad maiorem explicationem, quod non quæcunque diversitas objectorum diversificat potentias animæ, sed diversitas differentia hujus ad quod per se potentia respicit, verbi gratia, sensus per se perspicit, passibilem qualitatem quæ per se dividitur in colorem, sonum & hujusmodi; ideo alia est potentia sensitiva coloris, nempe visus, alia est potentia sensitiva soni, scilicet auditus; sed passibili qualitati scilicet colorato, accidit esse Musicum vel Grammaticum & ideo penes hujusmodi differentias facultates animæ non distinguuntur.

CAPUT XII.

De actû vitali.

AD hanc questionem dicimus primo, Quod actus vitalis, est actus fluens potentia vitalis & animæ circa proprium objectum. Dicitur primo actus id est perfectio seu qualitas perficiens suum subjectum: dicitur secundo fluens ut distinguatur ab habitibus,

habitibus, speciebus intentionalibus aliisque qualitatibus quæ permanent: Dicitur tertio potentia vitalis & animæ ut significetur illius subjectum proprium & immediatum, nec non ad distinctionem aliarum qualitatum quæ quidem animato conveniunt, verum non ratione animæ aut potentiarum ejus; cujusmodi sunt color, calor &c. Dicitur demum circa proprium objectum ut designetur terminus a quo specificatur, & ad quem dicitur essentialem ordinem.

Dico tamen secundo; dividitur actus vitalis in transeuntem & immanentem, actus vitalis transiens ille dicitur quem potentia producit in objecto extrinseco, in materia cui non unitur: tales sunt actus animæ vegetantis potentiarum v. g. nutritio quæ est ad alimentum convertendum; unde & potentia istorum actuum dicuntur simpliciter activæ, nimirum quia agunt in aliud per qualitates corruptivas, & alterativas, nihilque ex suo actu in se recipiunt: actus autem vitalis immanens ille est quem producit potentia in seipsa: hujusmodi sunt actiones omnes potentiarum, sensitivarum, & rationalium, ut visio quæ in vidente oculo recipitur, & intellectio quæ in intelligente intellectu est, & hæ potentia actuum immanentium productivæ vocantur

cantur passivæ; quia agendo patiuntur; tum suas actiones, tum species sibi ab objectis extrinsecis impressas, in se recipiendo.

Quæres, utrum actus vitalis produci queat ab extrinseco, id est, ab alio agente, quam a potentia cujus est: ad quod pro Responsione ad quæsitum, dico tertio; actus vitalis transiens potest fieri ab extrinseco secundum entitatem sine potentia vitali; quia Deus sine alimento & citra alicujus qualitatis additionem nutrire potest, imo augere vivens quodcunque corpus; nec major hac in re videtur esse difficultas quam in eo quod secundum fidem certum & indubitatum tenemus, nempe Deum semper Servaturum esse in statu immutabili quotquot ad gloriam resurgent homines.

Dicimus quarto, actum vitalem immanentem non posse esse ab extrinseco secundum entitatem sine potentia vitali cujus est actus; quia actus immanens nihil aliud est, quam tendentia actualis potentiæ in objectum suum; præterquam in potentia a qua exit formaliter esse debet, unde immanens dicitur: ergo repugnat talem esse actum ab aliquo extrinseco sine potentia.

Sed hic notandum est Deum operari cum causis secundis actus vitales & transeuntes & immanentes, motione efficaci & prævia, secundum

secundum entitatem; quia illud quod a se esse non habet, per se & sine præmotione primi Agentis operari non potest; cum per se etiam sine primo agente durare non potest, quod a se non est; omnis enim virtus ab essentia procedit, & operatio a virtute; unde cujus essentia ab alio est; oportet quod virtus & operatio ab alio sit; & hanc veritatem optime notat *Aquinas in 2. dist. 47. quest. 2. artic. 2.* cum dicit; par est ratio de esse & operari.

Objicies primo ad illud quod notatum est; si Deus sic producat actus vitales, sequitur non esse distinctionem entitativam inter motionem Dei virtuosam in creaturis & actionem; sed absurdum videtur consequens; ergo & antecedens: Respondeo nihil esse absurdi; cum verum sit motionem Dei in creaturis, & actionem earum esse unam & eandem entitatem; quia per eandem actionem, per quam creatura agit, Deus operatur cum causa secunda; est tamen distinctio causalis; quia Deus est causa universalis prima, & homo v. g. particularis secunda; nec dicas si ita esset idem moveretur & ageret esset in actu & potentia in eodem instanti; nam idem moveretur & ageret diverso respectu; esset in potentia quatenus moveretur, & in actu quatenus ageret; & illud nullo modo videri

deri debet absurdum; cum non absurdum sit ut una & eadem entitas sit actio, & passio, actio quatenus ab agente, passio quatenus est in passio; sic etiam unus & idem intellectus agens & patiens est in eodem instanti sed diverso respectu; agens in quantum producit species intelligibiles; & patiens quatenus easdem in se recipit.

Objicies secundo contra quartam conclusionem, si Deus operatur actus vitales cum causis secundis; ergo sine potentiis, verbi gratia sine oculo & intellectu, visionem & intellectionem aliosque actus vitales immanentes producere potest: Respondeo, Deum quidem operari actus vitales cum causis secundis; sed actus immanens, ut dictum est supra, non potest produci sine potentia sua; quia Deus per se solum potest, quicquid non dependet essentialiter a causis secundis sed non per se potest sine causis secundis, quicquid essentialiter ab eis dependet: visio autem dependet essentialiter ab oculo, & intellectio ab intellectu; ita ut nisi esset oculus, neque visio esset; neque intellectio, si non esse intellectus quia illorum ab his essentialis est dependentia; ergo Deus sine potentiis actus immanentes producere minime potest; seu potius nulla virtute actus immanentes sine potentiis produci possunt.



Pars secunda hujus Tra-
ctatus de anima
vegetante.

Hanc partem distribuemus in quatuor
disputationes in quarum prima de
anima vegetante in Communi, nec
non de illius potentiis & instrumentis
dicemus: in tribus vero aliis de tri-
bus ejusdem animæ potentiis nempe
Nutritiva, Augmentativa, & Ge-
nerativa facultate speciatim differe-
mus.

Disputatio

Disputatio prima
De Anima vegetante in Communi.

CAPUT. I.

*Quid sit Anima vegetans, &
quod ejus subiectum.*



Definitur anima vegetans, actus corporis Organici quo vivit simpliciter vivens, nutritur, crescit, ac generat; dicitur primo actus corporis Organici, ut assignetur genus in quo cum aliis animalibus convenit; dicitur secundo quo vivens vivit simpliciter, ad distinctionem aliarum animarum, nam per sentientem, vivens non solum vivit, sed etiam sentit; & per rationalem animam, vivit, sentit, & intelligit; dicitur demum tertio, quo nutritur, crescit, ac generat; ut expriman- tur potentiae & facultates per quas anima vegetans suas exercet operationes vitales in animato corpore cujus ipsa dicitur actus.

Subjectum

Subiectum animæ vegetantis quod simpliciter vivens dicitur, planta est, & dividitur in arborem, fruticem, & herbam; ita ut plantæ solum convenient istæ tres potentia, nutritiva, augmentativa, & generativa.

In arbore autem hæ sunt partes integrantes per animam vegetantem animatæ, radix, fibræ, truncus, rami, surculi, flores, fructus, folia, cortex interior, & exterior, & quæ sunt ejusmodi: istæ enim omnes partes una quantitate censentur continuatæ, & per consequens una eademque anima informatæ. Unde

Dico; Non est animatus succus ille interior per totam diffusus arborem, sed illius censetur esse alimentum, & in ea se habere quo modo se habent sanguis & spiritus vitales in animalibus: neque sunt animata semina arborum, nuclei, pepini, & hujusmodi alia quæ in plantis sunt instar Seminis. Sed

Nota circa assertionem nostram qua supra dictum fuit in arbore & planta esse corticem tum interiorem, tum exteriorem, illam interiorem dici quæ partes arboris tangit ab interiori; sic ut tegatur alia cortice exteriori quæ a nobis videtur & tangitur; rursus notandum est tam exteriorem quam interiorem corticem vivere qui-

dem quantum ex se est, per accidens tamen vita privari posse, quod præsertim & sæpius exteriori contingit, per temporis injurias quibus exponitur, quamvis arbor reliqua vita fruatur.

CAPUT. II.

De Potentiis animæ vegetantis in Communi.

Dicimus pro conclusione tres sunt tantum potentiæ seu facultates animæ vegetantis, nempe nutritiva, augmentativa, & generativa; quia nec plures nec pauciores requiruntur ad animæ actiones vitales, quemadmodum inductione patet: siquidem unicuique viventi inditum est a natura sese conservandi desiderium in suo esse: cum autem calor naturalis ex se activus absumat paulatim & consumat ipsum vivens, ita ut tandem interimeret nisi resarcirentur ruinæ, vis & facultas per eandem naturam viventi indita est qua reparare queat deperditum, transmutando in se aliam substantiam seu alimentum. Et ista virtus, nutritiva nuncupatur.

Præterea

Præterea non modo viventi concessum est desiderium essendi simpliciter, sed & bene essendi; ita ut unumquodque contendat ad acquisitionem status perfectissimi secundum naturam suam; & hac de causa eidem viventi indita est facultas per quam illum perfectum statum sibi compararet, accumulando & conjungendo sibi, beneficio quantitatis, perfectiones aliarum substantiarum quas in se convertit per nutritionem; & hæc secunda facultas, augmentativa appellatur.

Demum, quia individua quæcunque sublunaria, corruptibilia sunt; omne autem vivens, non modo esse, & bene esse, sed & semper esse appetit, concedenda quoque illi fuit potentia per quam esse suum aliquo pacto faceret perpetuum; quæ quidem potentia generativa dicitur per quam vivens sibi simile producit & in producto reviviscere æstimatur.

CAPUT III.

De Instrumentis præcipuis animæ vegetantis.

IN corpore humano hoc capite exponemus quæcunque in aliis viventibus proportionem

portione servata, essent hac de re explicanda : Sed in primis notandum est ista esse præcipua animæ vegetantis instrumenta, nempe Spiritum, calorem naturalem, humores & humidum radicale : de Spiritu;

Dico primo, Spiritus substantiam in corpore cognosci ex motibus qui in illo excitantur per ipsum ; etenim medici dicunt sanguinem ex secta arteria erumpere majori cum impetu ; quia in arteria sanguis Spirituosior est quam quilibet alius. Definiunt autem Spiritum esse substantiam ætheream, tenuissimam, & subtilissimam ; animæ ministram in ciendis motibus ; & illius sedem ponunt in sanguine, cujus Spiritum tenuissimam purioremve partem esse docent ; tradunt etiam ejusdem usum potissimum esse, unire animam corpori ; quod tamen non ita Intelligi debet, ut sensus sit, animam prorsus vinculis corporeis quamvis tenuioribus in corpore alligatam coerceri ; sed tantum quod sit Spiritus dispositio ad animæ conjunctionem cum corpore requisita ; unde statim atque Spiritus evanescit, anima a corpore separatur ; vel defectiones & deliquia hominibus contingunt, propter defectum Spirituum qui non satis cito pervenire possunt ad corporis partes quæ illis opus habent ; vel quia citius ad aliquam

quam partem transcurrendo , aliam deferunt.

Dicimus secundo de Calore naturali; illum esse ita affinem Spiritui, ut inter utrumque per celebres medici nullum discrimen agnoverint; in eo tamen differre videntur calor & spiritus, quod calor sit accidens cujus subjectum est spiritus; adeo ut ex Utroque compositum, calidum naturale seu nativum vocare soleant; cæterum naturalis calor duplex est, vel potius duplici nomine insignitur, quatenus sub diversa dupliciratione consideratur; calor quippe naturalis considerari potest, vel ut fluens, vel ut fixus; fixus dicitur calor qui unicuique parti animatæ convenit, & in quam spiritus diffunditur; fluens vero calor nominatur cum in sua origine consideratur; scilicet talis dicitur qui in corde est, & qui a corde in reparationem fixi caloris in partibus per totum corpus prorogatur.

Dico tertio, cum calor quilibet natura sua activus sit, illud in quod agit calor naturalis vocatur humidum primogenium, seu radicale; & hoc nihil aliud est quam substantia aerea, oleosa, & pinguis, ex humoribus temperata; ex qua calor naturalis nutritur tanquam alimento proprio; simili fere modo ei quo Lampadis flamma oleo alitur & conservatur.

Quoad humores dico quarto; humor liquidum est corpus, genitum ex alimento quod inter ipsum alimentum & vivens medium est; quatenus nempe sub humorum genere recensentur fluida illa corpora ex quibus tota sanguinis massa seu substantia in venis constituitur, non eo præcise quod humectandi vim habeant; sed solum quod substantiam habeant fluxilem.

Sed nota duplicem esse humorem in genere; scilicet alius generans dicitur quo mediante tanquam Instrumento generatio fit, ut semen; alius dicitur genitus qui in hominibus v. g. genitis permanet, quique subdividitur in quatuor alios humores, puta in sanguinem, pituitam, choleram seu flavam bilem, & melancholiam: Isti autem quatuor humores in homine cognoscuntur & distinguuntur juxta temperiem & proportionem quam inter se servant in optime temperato: temperies vero ipsa & proportio colligitur ex eorum substantia, quantitate, et qualitatibus: sanguinis autem substantia seu consistentia mediocris est; pituitæ substantia proxime ad sanguinis consistentiam accedit; Cholera consistentia tenuis est, melancholiæ crassa; cæterum hæc est quantitatis humorum debita proportio, ut in homine v. g. plurimum sit sanguinis, minus pituitæ, Paulo minus melancholiæ, minimum cholerae.

Quantum;

Quantum attinet ad qualitates humorum; ex illis aliæ sunt primæ, ut calor, frigus, siccitas, & humiditas; aliæ secundæ dicuntur quia a primis ducunt originem, sapor videlicet & color. Sanguis itaque qualitatibus primis humidus est & calidus respondens aeri, secundis qualitatibus ruber est & dulcis. Pituita primis qualitatibus humida est & frigida aquæ respondens; secundis qualitatibus alba est, & insipida. Cholera seu flava bilis primis qualitatibus respondet igni; siquidem sicut ille calida & sicca est; secundis qualitatibus flava est & amara. Melancholia denique respondet terræ, & cum illa primis qualitatibus frigida est & sicca; secundis vero nigra est & acida.

Ex his omnibus constat tota sanguinis moles potissimum in venis existens; velut mixtum ex elementis & mistilibus. Quod si quilibet humor a temperie sua deficiat, seu secundum quantitatem, seu secundum qualitatem; hominem v.g. denominat vel sanguineum, vel biliosum, &c. Et ex isto humorum peccato seu deficiente temperie morbi generantur prope omnes.

Disputatio secunda.

De Facultate Nutritiva.

Hac in disputatione Nutritiva potentia cognitionem requiremus ex iisdem principiis ex quibus suam habet speciem seu essentiam ; namque explicabimus primo quid sit alimentum : Secundo quid nutritio : Tercio quid ipsa sit nutritiva facultas ; & ultimo quæ nutritivæ facultatis sint instrumenta , seu facultates subministræ.

CAPUT I.

De Alimento, quotuplex sit, quid sit, & quale sit.

Duplex alimentum a philosophis & medicis admittitur ; alterum dicitur remotum , seu indigestum, quod mediate tantum convertitur in substantiam ut panis , caro, & huiusmodi quod ore sumitur quaecunque aliud, & illud vocatur alimentum dissimile a philosopho ; Id est adhuc

huc distat a viventis substantia : Alterum proximum vocatur, et illud est quod digestionem completa immediate in substantiam viventis convertitur, ut sanguis; Tale alimentum Aristoteles simile vocat; Idest viventi proximum, cui nimirum statim debet subjici, & ejusdem formam recipere.

Utrumque alimentum tam proximum quam remotum distinguitur in alimentum potentia, & in alimentum actu; Alimentum remotum potentia est verbi gratia panis apud pistorem adhuc existens: Dicitur vero alimentum remotum actu, Idem panis quatenus comeditur: Alimentum proximum potentia est ipse sanguis realiter distinctus a corpore viventis per omnes illius partes diffusus, Actu autem proximum alimentum, est idem sanguis prout calore naturali viventis paulatim mutatur, & in ejus propriam substantiam convertitur. Hoc posito.

Dico, omne alimentum, proximum præcipue, debet esse substantia corporea; nam ut ait Aristoteles, eisdem quibus nutrimur, constamus: Atqui constamus substantia corporea; Ergo & substantia corporea nutriendi sumus, & alimentum, nutritionis materia, debet esse substantia corporea; quia alimentum sumitur ad substantiam

stantiæ deperditæ reparationem, quatenus virtute caloris naturalis trahitur in unitatem formæ substantialis viventis aliti: Cum ergo substantia deperdita, & reparanda, sit corporea ut & ipsum vivens quod alitur, alimentum quod in reparationem sumitur, sit quoque substantia corporea necesse est.

Objicies. *Plinius lib. 7 naturalis hist. cap. 2.* De quibusdam populis orientalibus refert, quod ore carentes, nec comedebant, nec bibebant, sed solo alebantur odore quem ex floribus & radicibus aspirabant: Atqui odores sunt accidentia; Ergo & accidens nutrit, nec necesse est omne alimentum esse substantiam.

Respondent quidam odorem aspiratum non merum esse accidens sed & simul esse substantiam aliquam tenuem ex qua fieri potest nutritio. Aliter tamen Respondeo dicendo recreare quidem odores quamvis etiam cum substantia tenui aspiratos; sed ipsum non nutrire vivens; quia ex Aristotele medicisque omne alimentum trajici debet in ventriculum: Aspirati autem odores cum substantia tenui non ad ventriculum sed ad cerebrum deferuntur. Ad experientiam dico quosdam esse homines talis complexionis, ut per plures dies sine cibo & potu vivant; eos nempe qui pluribus

bus abundant humoribus quos interim absumit calor naturalis; fierique posse ut odor elevatus ad cerebrum humores provocet descendere ad ventriculum, ubi alimentum præparari debet ad nutritionem: Hujusmodi fortasse erant illi populi de quibus loquitur Plinius, raro comedebant, & sæpè odoribus recreabantur; tandem, fabulam historico ascribere non est valde periculosum.

Dicimus secundo alimentum debet esse corpus mixtum non simplex seu elementum. Quia iisdem nutrimur quibus constamus: Atqui constamus mixta substantia; ergo & mixta substantia seu corpore mixto nutrirì debemus: Confirmatur conclusio nostra quia non fit nutritio sine alimenti concoctione prævia; nec coctio fit alimenti, quin per vivens aliquæ alimenti superfluitates foras mittantur; sicut constat maxime ex gummis arborum: atqui si alimentum esset corpus simplex seu elementum, nullæ essent superfluitates in alimento quæ concoctione secernerentur, & expultrice viventis virtute in secessum abirent; cum in corpore simplici nulla sit partium deformitas Præterea corporibus simplicibus ut elementis qualitates primæ conveniunt secundum gradum intensum, mixtis vero ut plantis in gradu remisso. Hinc igitur sequitur

quitur quod non possunt mixta, habere corpora simplicia pro alimento: Quia cum id quod alitur, debeat sua majori virtute agere in alimentum, ipsum alterare, & tandem in se convertere; vivens quia mixtum est, haberet qualitates refractas, debiliorisque esset virtutis ipso alimento in quo ut simplici essent qualitates non refractæ, sed intensæ.

Dico tertio, alimentum debet esse tale ut possit converti in substantiam viventis; etenim hoc est discrimen inter medicinam & alimentum, quod licet utrumque agat in vivens, & ab eodem repatiatur; medicina tamen minus patitur, & magis agit; alimentum e contra magis patitur, & minus agit. Hinc est quod metalla nutrire non possunt; quia eorum consistentia tenacior est quam ut calore naturali dissolvi queat; nec est quod quis apponat aurum ab ipsis medicis nobis interdum ægrotantibus præscribi; nam non tanquam alimentum sed tanquam remedium confortans præscribunt.

Dicimus quarto, alimentum natura sua debet esse calidum & humidum; calidum quia calorem naturalem fovere debet; humidum quia oportet ipsum per totam corporis massam diffluere; verum calidum sicut & humidum in alimento debet esse tempe-

temperatum ; nam si calidius quam par est, humidum radicale breve consumeret; si fluidius e contra & humidum vix posset corpori agglutinari & consistentiam acquirere. Habenda quoq; est ratio quantitatis etenim nec in multo majori, nec multo minori quantitate sumidebet; siquidem copiosius alimentum cruditates, indigestionesve causat, nec non nativum calorem opprimit; si tenuius, partes corporis calore naturali marcescentes sufficienter reficere nequit, unde languescit vivens, corrugatur membrana ventriculi, & in rugis ejus noxii ingenerantur humores qui difficulter tantum removeri possunt : & proinde tenuius longe quam par sit alimentum, gravissimorum morborum origo est.

Ex his præmissis conclusionibus diversi alimentum definiri potest, corpus mixtum calidum & humidum, proportionem habens cum viventis substantia in quam vitali virtute est convertendum.

CAPUT VII.

De Nutritione, quid sit, & quo modo fiat.

Nutritio essentialiter est conversio alimenti in viventis aliti substantiam, positio

positio ista probatione non indigit, sed tantum explicatione,

Nota igitur primo ad plenam illas significationem, nutritionem esse duplicem, alia dicitur vitalis, alia non sed metaphorica: nutritio non vitalis est per juxta positionem quæ additur rei existenti de alimento etiam metaphorico, non ad intra, sed ad extra & in superficie; hoc genere nutritionis dicimus ignem nutriri ligno cui apponitur; nam ex ligno igni addito major excitatur ignis non secundum omnes suas partes sed tantum secundum illas in quibus ejusdem ignis & ligni fit contactus.

Nota secundo, nutritionem vitalem iterum esse duplicem, seu potius dupliciter sumi, proprie nempe seu stricte, & improprie seu late; nutritio proprie dicta illa est quæ tum exercetur cum alimentum immediatum actu & de facto convertitur in substantiam viventis per intus susceptionem, quatenus alimentum saltem secundum suam materiam viventis existenti additur secundum omnes suas partes, vivente ipso sic alimentum per suam vitalem virtutem distribuyente; nutritio vero improprie seu late dicta sumitur pro dispositionibus & alterationibus præviis ad alimenti conversionem.

Nota tertio illam conversionem quæ nutritio

tritio proprie dicitur, includere in sua formali ratione; transitum ab una substantia in aliam, manente re aliqua communi, nimirum materia & quantitate, manentibus etiam aliis qualitatibus saltem iisdem in specie; unde hæc conversio & generatio physica dici potest; nam in eo solum distinguuntur, quod generatio est ad formam substantialem nondum existentem; conversio vero hæc seu nutritio est ad præ-existentem, & propterea a quibusdam dicitur aggeneratio, agglutinatio, & assimilatio; sed optime omnium aggeneratio, quatenus per istam conversionem materia alimenti formæ substantiali viventis jam esistenti subijcitur; quia hæc quasi se extendit forma ad eam materiam informandam, si sit forma ineducibilis ex materiæ potentia, vel si sit educibilis (qualis est in quolibet vivente, homine excepto) partes materiæ sub forma substantiali additæ, transeunt in totum præcedens, & fiunt unum substantialiter cum illo.

Dico itaque nutritionem hoc fieri modo; primo alimentum ore exceptum, & si durius fuerit dentibus comminutum, per œsophagum in ventriculi fundum demittitur ubi non fluitare debet, aut natare; nam inde morbi multi originem ducunt; ibidem decoquitur beneficio caloris ipsius ventriculi

triculi quem stomachum vocant quamvis
 minus proprie; calori ventriculi succurrit
 calor partium circumstantium, cordis, he-
 patis, & aliarum; hac coctione fit omnium
 ciborum generis quantumvis diversi, una
 veluti substantia æquabilis, pulti persimilis
 quæ tandem ipsa concoctione prima con-
 vertitur in chylum, id est, in substantiam
 quamdam mixtam quæ lactei cremoris spe-
 ciei refert. Excrementum istius coctio-
 nis, stercus est aliaque sæculenta materia;
 nam secundo post illam primam concoctio-
 nem in ventriculo perfectam, aperitur in-
 ferius ventriculi orificium quod pylorus
 dicitur, per quod chylus in intestina la-
 bitur, ubi pars inutilis & sæculenta foras
 per sentinam expellenda relinquitur; pars
 autem utilis a jecore per venas mesenterii
 attrahitur, & ab eisdem venis per mayo-
 rem venam in qua desinunt, quæque por-
 ta dicitur chylus, perducitur ad jecur, ubi
 per secundam coctionem in sanguinem
 transmutatur; excrementum hujus conco-
 ctionis urina est. Tertio sanguis a jecore
 per venam cavam ad omnes corporis par-
 tes transfunditur ministerio venarum quæ
 capillares dicuntur, quod tenuitate sua
 capillis sint similes, quæque a cava vena
 hinc inde pullulant, ut rami ab arboris
 trunco, ita ut subtiliores sanguinis partes
 superius,

superius, crassiores inferius devehantur, & tandem illis in partibus corporis viventis fit tertia concoctio quæ similis dicitur, quia per eam sanguis seu alimentum fit viventi simillimum, tandemque ipsum vivens: Ultimæ hujus coctionis quasi excrementa sunt pili & ungues, dico quasi excrementa, quia proprie excrementa non sunt sed viventis partes, ut supra diximus, cum crassiori sanguinis parte nutriantur.

CAPUT III.

Facultate nutritiva & ejus Subministris.

Facultatem nutritivam dicimus esse animæ vegetantis potentiam, convertentem alimentum in substantiam viventis propter illius conservationem. Dicitur convertens alimentum in substantiam viventis ut distinguatur ab augmentativa facultate, quæ præcise alimenti substantiam non convertit in substantiam viventis, sed tum alimenti conversi quantitatem additam quantitati viventis, tum quantitatem præexistentem viventis in majores dimensiones extendit. Additur propter illius conser-

G

vationem,

vationem, ad discrimen potentia^e generativa, quæ non bonum proprium individui viventis cujus est potentia & conservacionem, sed speciei bonum commune spectat.

Dico secundo, Nutritiva facultatis communiter alia^e sunt quatuor facultates subministræ, attrahens seu attractrix, expellens seu expultrix, retinens seu retentrix, & concoquens seu concoctrix.

Probatur prima pars conclusionis, quia experimur alimentum ad singulas corporis partes, etiam superiores pervenire; atqui illud cum natura sua grave sit, ascendere per se non potest, nec etiam ad eas partes superiores violentia quadam pellitur, alioquin inutilia simul & utilia illuc pellerentur: Ergo admittenda est illis in partibus superioribus virtus aliqua specialis alimentum ad se attrahendi, illa autem virtus est quæ nomine attractricis significatur. Quod autem de superioribus partibus dicitur, de his quoque partibus quæ sunt a latere, & aliis quibuscunque est intelligendum.

Jam explicata attractio alimenti tribus fit modis; nam primo aliquando attrahitur alimentum calore partis, unde medici nonnunquam remedia calida præscribunt pro partibus corporis marcescentibus; v. g.

frixiones

frixiones quibus calor naturalis partium confortatur, & deinde a partibus alimentum facilius pertrahitur : secundo similitudine, seu sympathia, siquidem experimur multa alimenta quadam virtute occulta ab una parte potius trahi quam ab alia, cujus aliam rationem assignare non valemus quam sympathiam alimenti cum parte attrahente ; sic cerebrum trahit ad se pituitosum sanguinem, & pulmo, biliosum ; eademque virtute jecur chylum ad se vocat : Tertio metu vacui fit attractio ; quemadmodum enim in rerum natura, seu magno mundo ad vitandum vacuum, quæ deorsum sunt, ascendunt sursum ; vel e contra, & quibuscunque modis aliter moventur quæcunque corpora, seu gravia sint, seu levia ; sic & in microcosmo, seu parvo mundo, id est, in homine sanguis a pedibus ad caput, vel a capite ad pedes motu recto, vel a quibuscunque partibus ad quasvis partes motu transverso eadem de causa devolvitur.

Probatür secunda pars conclusionis, quia cum omnis nutritio sit cum alteratione & ex consequenti successive fiat ; ne alimentum attractum effluerit ante perfectam nutritionem, concedenda fuit animæ facultas retinendi attractum alimentum, ut ex eo sufficienter præparato vivens nutriri

posset ; et hæc facultas retentrix nuncupatur : Hoc tamen loco notandum est, quod quædam ex partibus retinent simpliciter per seipsas, id est, per virtutem naturaliter sibi insitam ; ut de cerebro, spinæ, medulla, & aliis ferunt : quædam vero non retinent ex seipsis, sed quibusdam utuntur instrumentis ad retinendum, v. g. Fibris, aut aliis hujusmodi ; sic ventriculus cibos ingestos retinet, vena sanguinem, & uterus Maternus attractum semen.

Tertia pars nostræ conclusionis probatur ; quia cum alimentum in principio fuerit dissimile, & in fine viventi assimilari debeat, necesse fuit aliam viventi concedi virtutem, nempe concoctricem per quam vivens caloris naturalis beneficio alimentum cocqueret, & coctum sibi assimilaret ; sicut autem tres fiunt mutationes alimenti indigesti antequam convertatur in substantiam viventis ; ita & tres sunt coctiones, nam coctio nihil aliud est quam actio per quam mutatio cibi in vivente fit : prima concoctio fit in ventriculo, ubi fit mutatio cibi in chylum ; Secunda fit in jecore, ubi est chyli mutatio in sanguinem ; tertia denique coctio fit in singulis viventis partibus, ubi est mutatio sanguinis in viventis substantiam.

Probatur quarta seu ultima pars conclusionis,

sionis, quia cum ab initio alimentum sit dissimile viventi, debeatque ei assimilari ad nutritionem perficiendam, sicut statim ante dictum est; ut ad perfectam assimilationem alimentum perduceretur, non modo viventi necessaria fuit concoctrix facultas per quam primo & per se assimilaret; verum præterea addenda fuit expultrix facultas per quam mediante calore homogenea ab heterogeneis segregaret servatis necessariis, expulsis vero excrementis & inutilibus; expultrice ergo virtute per intestina fæces aliique humores foras ejiciuntur; eademque virtute urina in distans mittitur, & partus ex utero materno funditur. Nec tantum ista facultas expellendis inservit quæ nociva sunt, sed per illam quoque ventriculus chylum in intestina deponit, & hepar sanguinem ad alias partes transmittit; unde facultati attrahenti opitulatur.

CAPUT IV.

De Fame & Siti.

NOta ad conclusionem duplicem esse famem & duplicem sitim; alia animalis dicitur, alia naturalis. Naturalis fa-

mes & sitis est langor adveniens partibus viventis ex defectu alimenti, convenitque omni viventi, tum plantæ tum animalis; animalis vero fames & sitis animalibus propria, est dolor quidam qui sentitur in ventriculo quo potum, cibumque expetant. Hæc tamen inter utramque ponenda est distinctio; Quod naturalis fames & sitis sit appetitus alimenti propter ipsius alimenti substantiam; animalis vero sit ejusdem alimenti appetitus propter illius qualitates. Hoc posito,

Dico pro conclusione, Famem naturalem esse appetitum alimenti sicci qua alimentum est, naturalem vero sitim appetitum esse alimenti humidi, qua etiam alimentum est: Quæ fames & sitis & si conveniat animali magis proprie tamen viventi simpliciter competit: Unde,

Dicimus; Fames animalis est appetitus calidi & sicci qua calidum & siccum est; sitis e contra appetitus frigidi & humidi, qua frigidum & humidum est.

Nota tamen primo, Ubi fames dicitur appetitus sicci, non esse sensum quod cibus abundet siccitate, sed ideo famem dici appetitum sicci, quia cibus consistens esse debet; omnisque consistentia supponit siccitatem. Dicitur etiam cibus siccus comparate ad potum qui fluidus esse debet;

bet ; nota secundo, ex cibo & potu alimentum adæquate componi, in quo proinde temperies quatuor qualitatum reperitur ; quod si alimentum fuerit siccum magis quam decet, sitim excitat in ventriculo, movetque appetitum ad potum.

Alio modo ex effectibus fames & sitis animalis definiri possunt, scilicet, fames dolor stomachi, seu ventriculi causatus ex ejus divulsione seu corrugatione, qua vehementer cibum anhelat ; sitis autem dolor causatus in ipsomet ventriculo propter anhelitum potus.

Ista autem incommoda famem & sitim sequi solent, nempe, membrorum exinanitio, tractus & anhelitus partium, divulsio stomachi, ejusdem corrugatio ; dolor ex divulsione, dolor in appetitu sensitivo optante alimentum externum, ut sibi, & toti viventi consulat ; iste enim actus appetitus sensitivi sæpe numero fames, sitisque nuncupatur. Et hæc de nutritiva facultate.

Disputatio III.

De Facultate augmentativa.

Hac in disputatione exponendo quid sit augmentatio, naturam ipsius facultatis notam faciemus, tum ea ad ipsam viventis augmentationem spectantia discutiemus. Sit itaque.

CAPUT I.

De Augmentatione & natura augmentativæ facultatis.

ARistoteles quinto Physic. docet alimentum esse objectum facultatis nutritivæ & augmentativæ sub diversa ratione consideratum: Nempe esse objectum nutritionis quatenus substantia est & corpus, idem vero esse objectum augmentationis, quatenus est quantum. Hoc ita posito.

Dicimus primo, Augmentatio est actio auctricis facultatis circa alimentum, ut quantum. Sed nota primo, augmentationem in genere sumptam, duplicem esse.

Alia

Alia est quæ fit cum additamento, quando unum corpus alteri adjungitur, ut aqua aquæ, unde fit majus quantum : Alia sine additamento fit, per simplicem rarefactionem, adeo ut nova quantitas non addatur corpori, quod dicitur crevisse; cum crevisse tantum dicitur, quando post rarefactionem in se, majorem occupat locum; sic aqua fervens major dicitur se ipsa frigida.

Notandum est secundo, augmentationem primo modo sumptam, duobus adhuc modis fieri posse; primo, mutatione alicujus substantiæ, ut, quando lignum convertitur in ignem, ex quo ignis idem fit major : Secundo, sine ulla mutatione, ut quando aqua aquæ additur, unde fit major aqua : Quæ autem fit cum mutatione augmentationis, vel fit per intus susceptionem & per omnes partes, solisque viventibus convenit; vel fit per juxta positionem, & secundum unam vel aliquas partes tantum, quomodo crescit ignis ex additione ligni, convenitque rebus inanimatis.

Nota tertio, has mutationes in augmentatione per intus susceptionem (de qua sola hic ex professo) contingere; primo, alimenti alterationem; secundo, ejusdem corruptionem; tertio, generationem partialem viventis seu aggenerationem; quarto

to acquisitionem & extensionem quantitatis ejusdem alimenti in viventis substantiam conversi, his notatis ad explicationem primæ conclusionis nostræ.

Dico secundo, Augmentationem viventis non consistere formaliter in duabus primis mutationibus dictis ultimo notabili: Si quidem alteratio est ad qualitatem; augmentatio vero ad quantitatem: Corruptio est ad non esse; augmentatio vero ad majus esse.

Dicimus tertio, Neque ipsa aggeneratio in qua consistit nutritio, est formaliter augmentatio; quamvis hæc sine illa nullatenus fieri queat; prima pars conclusionis probatur, quia ad substantiam non datur motus proprie dictus sed mutatio; atqui ut patet augmentatio est motus proprie dictus: Ergo non est ad substantiam, sicut aggeneratio quæ est quædam generatio. Favet philosophus qui docet nutritionem respicere alimentum ut corpus; augmentationem vero alimentum respicere ut quantum: Secunda pars conclusionis patet; nam quantitas sequitur substantiam, & perficitur solum augmentatio in vivente ex consequentia nutritionis & aggenerationis, seu conversionis alimenti in viventis substantiam. Unde,

Dico quarto, Augmentationem formaliter

er consistere in acquisitione majoris quantitatis ; tunc enim solum vivens censetur revivisse , cum corpulentius factum est quam ante esset : Istud autem fit per acquisitionem majoris quantitatis.

Ex his autem conclusionibus colligitur primo, Quod augmentatio secundum suam naturam est acquisitio majoris quantitatis in vivente facta per potentiam auctricem, consequenter ad aggenerationem novæ substantiæ per facultatem nutritivam, ut vivens quantitatem sibi debitam ad suas operationes rite exercendas , acquirat: Colligitur secundo, Quod potentia augmentativa bene definiri potest, facultas per quam vivens secundum omnes suas partes, in longum, latum, & profundum cre- scit, seu in se extenditur, servata eadem specie & continuitate, consequenter ad additamentum quantitatis alterius materiæ, scilicet et alimenti conversi factum.

Ista de finitione excluduntur tres augmentationis modi improprii, quorum primus est per additionem, quæ fit non extendendo omnes partes, sed extendendo totum, secundum aliquam partem, quomodo cre- scit acervus lapidum per alios lapides additos ; secundus per rarefactionem ; nam rarefactione corpus non extenditur in se, sed solum in ordine ad locum : hoc modo dicunt

dicunt philosophi, unam partem aquæ extendi posse rarefactione utque ad decem aeris partes, & aquam ebullitione seipsa frigida fieri majorem; tertius, per repletionem secundum quem modum (quamvis valde improprie) dicimus, nonnunquam hydropici ventrem pravis humoribus tumorem crevisse.

CAPUT II.

*Quo tempore fiat augmentatio
& quomodo.*

Primæ partis hujus questionis duplex est medium; primum, an toto vitæ tempore fiat augmentatio in vivente per quam illud crescat? secundum, an continuo crescat vivens utque ad statum perfectæ consistentiæ? pro solutione dubii primi, dicimus primo; non fieri augmentationem toto vitæ tempore: constat enim experientia, hominem non multo post annum 25. amplius crescere; sed e contra manere in eodem magnitudinis statu, quem consistentiæ statum vocant: Pro solutione dubii secundi, dico secundo; neque augmentatio fit continuo, id est, sine intermissione a primis annis ad consistentiæ statum; tum defectu

effectu caloris naturalis, tum propter ali-
menti proximi inopiam, sæpe numero con-
ingentem ex diversis morbis etiam laten-
bus ; vel alio casu.

Quod ad solutionem secundæ partis
propositæ questionis : Dicimus tertio, vi-
vens sic crescere, ut nulla sit illius pars
nobis perceptibilis, & formalis, id est,
abens situm & figuram, cujusmodi sunt ma-
nus & digiti, quæ non augeatur : Aug-
mentatio enim sequitur nutritionem & ca-
orem naturalem, quibuscum per omnes
corporis partes censetur propagari. Di-
tuitur in conclusione pars formalis & per-
eptibilis, tum quia sine dimensionum pe-
etratione fieri non posset, ut quantitas no-
a in quacunque materiali minutissima, &
on perceptibili parte viventis suscipere-
ur ; etenim suscipitur alimentum, &
x consequenti quantitas additur partibus
corporis per poros ; in minutissimis autem
artibus non sunt pori ; tum quia si singu-
æ partes materialiter sumptæ, id est, qua-
enus abstrahunt a situ, figura, & virtute,
ingulis augmentis augerentur, vivens fie-
ret duplo majus singulis augmentis, quod
est contra experientiam. Cæterum ad-
verte omnes istas partes perceptibiles simul
prescere hoc modo, ut majores magis, & mi-
nores minus, servata semper proportionem in-
ter se debita, augeantur.

CAPUT

CAPUT III.

*Utrum idem numero vivens
maneant per totum vitæ
spatium.*

AD solutionem dubii notandum est aliquid dici, remanere unum tribus modis, primo secundum se totum, hoc modo cœlum semper remansit unum nihil perdendo, nihilque accipiendo novæ entitatis a primo suæ creationis instanti; secundo secundum magis præcipuam sui partem: sic homo, quamvis mutaretur omnino secundum corpus, censeretur idem numero semper manere, propter manentem animam in se incorruptilem: tertio per æquivalentiam, ita ut in toto deperdantur quidem aliquæ partes, sed quibus aliæ succedunt æquivalentes; sic fluvii aqua semper dicitur eadem, licet illius partes continuo fluant, quia aliæ partes in fluentium locum succedunt. His prænotatis.

Dicimus primo vivens manere idem numero toto vitæ spatio ante & post augmentationem. Constanter illud asserunt omnes, dissident enim tantum in assignando

modo

modo quo possit idem numero conserva-
 ri; & ratio diffidii est quod, ut alii no-
 tant, non potest conservari vivens idem
 numero toto vitæ suæ tempore, nisi in illo
 conservetur eadem numero forma, & ea-
 dem numero materia; cum tamen in nullo
 vivente, nequidem in ipso homine, ut ip-
 sis videtur, maneat semper eadem numero
 materia, sed fluat, & refluat, id est, calo-
 re naturali absumatur & reficiatur alimen-
 to, secundum partes, ita ut futurum sit
 aliquando nullam superesse prioris mate-
 riæ partem, si ad multos annos homo vix-
 erit: in aliis autem viventibus, ut alii te-
 nent, non solum materia fluat, verum et-
 iam cum materia forma; eo quod forma
 materialis ut pote ex materiaeducta sic ab
 illa dependet, ut omnino sit naturaliter
 inseparabilis, nec tamen cogitandum sit
 materiam viventium ita fluere secundum
 omnes partes suas sigillatim, ut forma ea-
 dem numero integra manens a fluenti ma-
 teria transeat ad aliam materiæ partem
 nutritione additam quam informet; alio-
 quin daretur transitus formarum de sub-
 jecto in subjectum & sequeretur ulterius
 quod ad abscissionem partis viventis, in
 reliquis corporis partibus anima coarctaretur
 & veluti duplicaretur; præterea per
 se ipsam anima moveretur, quod tamen
 videtur

videtur inconueniens omnibns philosophis qui communiter docent animam non esse mobilem per se, sed tantum per accidens, seu ad motum corporis.

Jam apparet propositam questionem gravissimis utrinque urgeri difficultatibus; quia si dicamus quod vivens manet semper idem numero ante & post augmentationem, eo quod eadem semper manet forma in fluente & refluxente materia in reparationem, habemus solvendas duas insolubiles difficultates; jam circa transitum formæ de subiecto in subiectum; secundam circa motum animæ per seipsam; si e contra vivens dicamus idem manere numero, quamvis fluat per partes forma, & refluat, id est, absumatur, simulque cum materia reparetur, videmur nihil dicere aliud quam vivens manere non proprie idem numero, sed idem tantum secundum speciem, vel ad summum secundum æquivalentiam; quemadmodum navis diceretur eadem cujus successive & per longum tempus trabes omnes, & tabulæ ad unam usque essent immutatæ: Vel aqua lagenæ continuo guttatim una ex parte fluens diceretur eadem, si alia ex parte guttatim in eandem lagenam aqua altera funderetur; hoc tamen repugnat communi hominum estimationi, qui sibi persuadent

suadent vivens non solum manere idem toto vitæ tempore secundum æquivalentiam; tum etiam experientiæ, ex qua habemus animalia in memoria ad mortem usque conservare multarum rerum species impressas, quod communiter apparet in canibus qui post diuturnam dominorum suorum absentiam, eorum sic bene recordantur, ut ipsi irrationales rationalibus creaturis possint istud significare, & insolitis motibus, & circumsaltationibus testari; quod tamen non contingeret, nisi eadem numero anima servata maneret; & ulterius non solum per æquivalentiam eadem; quia nihil aliud præstare potest æquivalentia, nisi ut animal rem eandem addiscere, aut eandem impressionem recipere aptum sit; non autem ut eandem actu retineat, sicut navis in qua quidem sunt inpressi characteres, manebit quidem eadem secundum speciem & æquivalentiam, si post aliquod tempus veteres tollantur & restituantur novæ tabulæ: nec tamen eosdem numero retinebit characteres, sed tantum apta erit cui similes imprimantur. Graves itaque etiam sequuntur posteriorem hanc expositionem difficultatis; nihilo minus ei tanquam probabiliori adhæremus, suscipimusque eam conclusionibus quibusdam magis declarandam, adjecta

ad illas objectionum solutione.

Dico igitur secundo, Vivens manere idem numero toto vitæ suæ tempore, non primo quidem modo, dicto notabili præposito ad quæsitum, quia hoc modo eadem numero manere possunt sola incorruptibilia, de quibus non loquimur; neque etiam secundo modo tantum, quia in vivente præcipua pars, scilicet anima manet invariabilis; nam licet concedamus istud de anima rationali, illud tamen negamus de quacunque alia anima quam profite-mur esse corruptibilem & generabilem, sicut fluentibus partibus materiæ viventis, maxime vegetantis, & animalis imperfecti, simul etiam fluant partes animæ ejus, advenientibusque partibus materiæ per nutritionem, partes quoque adveniant præexistenti formæ, quia vivens augetur alimenti conversione per generationem in carnem, quæ addita carni præexistenti, illam auget; generatio autem terminatur ad novam formam animantem, si id quod augetur sit vivens; dico itaque vivens manere idem numero toto vitæ suæ tempore tertio modo, id est, secundum æquivalentiam, in quantum si vivens, aliquarum partium quarum detractio minuitur, jacturam faciat, alias ejusdem rationis quibus augetur, recipit.

Verum

Verum maxime notandum est, his terminis, secundum æquivalentiam, nos non velle tantum vivens manere idem numero, quia fluentibus quibusdam ejus partibus, alias recipit, quæ eundem situm habent respectu totius, quem habebant corruptæ ejusdem corporis partes: quemadmodum volunt quam plures, qui suam mentem explicant exemplo aquæ ex lagena guttatim effluentis, & alterius aquæ ad recessum præcedentis, guttatim eadem ingredientis lagenam quam dicunt manere eandem numero secundum æquivalentiam; sed velle nos, vivens acquirere novas materiæ partes, quæ eundem quidem situm obtineant, sed præterea eandem numero totius formam participent, quemadmodum materiæ ejusdem viventis partes quæ præterfluxerunt, eandem totius retinebant formam: Unde ad exemplum allegatum dico maximum esse discrimen, inter identitatem numericam aquæ ex lagena fluentis & refluente in illam, & identitatem numericam viventis, quia in vase nihil remanet idem secundum numerum, ut patet, sed tantum secundum speciem; in animalibus autem semper manet aliquid secundum numerum idem; quia aqua quæ advenit, non transit in eandem numero substantiam cum aqua quæ prius

advenit; sed est extra ipsam quamvis continua; in partibus vero eorum quæ nutriuntur, illud quod advenit, transmutatur in illud cui advenit, & efficitur unum numero cum illo; ita ut nihil unius sit extra aliquid alterius; Et ideo manent eadem numero in actu, toto tempore vitæ, quamvis aliquid ex eis resolvatur & aliquid eisdem adveniat partibus.

Objicies, Dato quod fiat partium materiæ absumptarum reparatio in vivente sicut dictum est, ita ut fluente una parte, altera redeat, atque adeo vivens semper conservetur, saltem sequitur, quod aliquando fiat, in senio, ut in vivente nulla pars remaneat materiæ quæ prius in tenera ætate fuerat in illo & per consequens, cum non possit aliquid idem numero permanere, nisi quamdiu eadem materia constat, necessum est quod aliquando annosum vivens non sit amplius idem numero cum seipso alias juveni.

Respondeo ad objectionem negando primam antecedentis sequelam, quia nunquam contingit in vivente, quod omnes partes quæ præerant, ita abscedant, ut nihil prioris materiæ remaneat, sed semper manet aliquid (ut statim explicabitur conclusione tertia) & illud quod advenit viventi ex alimento converso, efficitur unum

num quid cum partibus quæ præerant.

Instabis primo speciatim de anima irrationali; ex diversa numero materia, educitur diversa numero forma; ergo si ex diversis numero partibus alimenti, paulatim novæ partes materiæ aggenerantur per nutritionem, tandem fiet in hypothesi, ut absumptis omnibus partibus materiæ prioris nullæ supersint nisi de novo acquisitæ, atque ideo novæ etiam tantum partes formæ simul cum materialibus partibus aggeneratæ, & per consequens, quod tum vivens non sit idem numero, cui nempe nihil superest prioris formæ & materiæ.

Respondemus, Dictum jam esse nunquam contingere ut sic abscedent omnes viventis partes, quod nihil prioris materiæ permaneat. Deinde distingo antecedens instantiæ; ex diversa numero materia educitur diversa numero forma; si ex materia, v. g. carna seorsim sumpta educatur forma concedo; si educatur ex materia conjuncta, & quæ transeat in præ-existentm materiam per participationem ejusdem formæ; ut si educatur ex materia cibi quatenus jungitur, & transmutatur in substantiam viventis, nego antecedens. Ex hoc patet falsum esse consequens; quia in hypothesi, licet daremus

mus nihil permanere præcedentis materiæ, non sit mutatio substantialis omnium partium viventis seorsim, sed tantum cum conjunguntur & aggenerantur advenientes partes partibus præexistentibus, ut cum illis unum idemque numero faciant; quia partes advenientes sigillatim, transeunt in substantiam totius præexistentis induendo illius formam, ita ut nihil advenientis sit extra aliquid alterius præexistentis cui advenit, sicut multoties dictum fuit.

Instabis secundo, Forte gratis dici non fieri mutationem omnium viventis partium si ad multos annos vixerit; præsertim cum videamus ex tam exigua quantitate quam in ortu habent multa vivencia, ad tantum quantitatis molem successu temporis perducere.

Respondeo, Patere satis hoc non esse gratis dictum, cum quasi admissa transmutatione omnium omnino partium materiæ viventis, negaverim tamen inde sequi non mansurum vivens idem numero in senectute cum seipso in juventute, eo quod non tota simul mutetur materia, sed per partes tantum quæ successu temporis ita mutantur omnes sigillatim, ut advenientes de novo, semper transeant in substantiam antiquarum præexistentium partium

tium & faciant unam numero materiam totalem cum illis. Itaque cum non sit gratis dictum non totam materiam viventis ita fluere secundum partes, ut in senio nulla pars ejus supersit quæ prius in juveni fuerat; sed imo manere semper aliquid prioris materiæ, gratis assero probationem hujus responsionis in sequenti conclusione.

Dico igitur tertio, In quocunque vivente quantumvis annoso semper manet aliquid materiæ statim ab initio habitæ, scilicet, quia partium viventis aliæ sunt quæ calore naturali consumuntur, aliæ quæ consumi non possunt, eo quod partium istarum quædam sunt humidæ, & quædam siccæ & terrestres; humidæ autem calore naturali absumuntur, nam sunt proprium illius pabulum; partes vero siccæ & terrestres permanent, quemadmodum etiam in his quæ comburuntur, inspicimus, nam toto humido per ignem consumpto remanet civis qui est pars liegni sicca & terrestris, quam ob ejus maximam resistantiam ignis consumere non potest; jam vero viventia omnia in sui ortus initio humidissima sunt, sed procedente ætate fiunt paulatim sicciora, quia calor consumit humidum radicale, & quamvis adveniat humidum cibale reparans & re-

strans ipsum, tamen advenit eo etiam aliqua pars terrestris quæ postea remanet cum abortu ducta terrestris parte; & semper ætate procedente magis a calore naturali densatur & indurefcit. Testimonio sunt ossa quæ post mortem animalis diutissime durant; nam eorum materia maxime terrestris est, & magnam vim resistendi habet terra. Testimonio etiam sunt cicatrices in adolescentia receptæ quæ remanent eadem in senectute, quod non contingeret nisi aliqua materiæ pars eadem numero in sene remaneret, quæ ante in adolescente fuit.

Objicies, Si ex eo quod manent eadem cicatrices in sene quæ ante fuerunt in juvene, licet concludere eandem materiam numero per omnem ætatem in vivente manere, concludendum est quoque, cum eadem cicatrices maneant in cadavere, eandem in eo manere materiam quæ ante fuit in vivente, & idem manere accidens in corrupto quod prius erat in vivente, atque sic non dari resolutione usque ad materiam primam in generatione & corruptione quæ omnia sunt contra Aristotelem ut patet *lib. De ortu & interitu.*

Respondeo negando multiplicem illam sequelam objectionis primo, quia planum est non esse idem numero subjectum cada-

ver

ver & vivens ex quo cadaver est ; unde etiam patet non posse esse in eo eadem numero accidentia , puta cicatrices quæ erant in vivente , nam unitas numerica accidentium est desumenda ab unitate numerica subjectorum. Secundo quia nec concludi debet ex similibus cicatricibus in cadavere manere quoque in cadavere eandem numero materiam cum communiter & proprie eadem numero materia non dicatur , nisi illa cujus est semper una numero forma substantialis ; cum etiam adversarii libenter fateantur diversam esse formam substantialem cadaveris & viventis. Ex his patet ad tertium incommodum, nihil sequi ex nostra ultima conclusione contra philosophum.

Tantum ab est ut credam nostram conclusionem esse absurdam quin potius velim illam ita confirmare, ut facta suppositione mutabilitatis totius materiæ viventis, adeo ut ne humidæ nec terrestres, & siccæ partes ullæ sint immutabiles, sed perpetuo fluant, sustineam tamen permanere in vivente toto suæ vitæ tempore aliquam partem materiæ statim ab initio habitæ ; quia cum illud quod advenit ex alimento aggeneratum, sit permixtum ei quod prius inerat, & similiter unum effectum sit ex ambobus, semper deperditio sit in utroque

que proportionaliter ; & ideo nunquam contingit quod totum illud quod prius inerat ita abscedat ut nihil prioris materiae maneat ; sed imo semper manet aliquid, & illud quod advenit unum cum illo quod præerat , efficitur , & ideo est una materia & unum individuum per totam vitam.

Soluto nihilominus dubio solutionis usque adeo difficilis , cum Zabarella non mediocriter ingenii philosopho hanc ad solutionem nitente , fateri debemus , plurima fieri in natura quorum rationem & modum non intelligimus ut & alii , de inveniendis ejusdem dubii solutione desperantes , illud taceant : Occasio tamen iterum se offert dicendi & alio difficili dubio de terminis magnitudinis in vivente. Sit igitur,

CAPUT

CAPUT IV.

*Cur dentur termini magnitudi-
nis in Viventibus, & in
his certo tempore
cesset accretio.*

Hic supponimus tanquam certum dari terminos magnitudinis in viventibus; nam cujuscunque est determinata natura, ejus etiam determinata est quantitas, quia quantitas unius cujusque est proportionata virtuti suæ causæ, & virtus determinatæ naturæ, etiam est determinata; atqui omnis viventis natura substantialis & specifica, est terminata, terminatamque habet virtutem; ergo & quantitas est terminata, & proinde in vivente dantur termini magnitudinis; unde,

Dico primo, Duabus de causis cessare accretionem v. g. in adolescentibus, & servata proportionem aliis viventibus, & in illis dari terminos magnitudinis. Prima causa est finis cujus gratia extensionem terminorum, accretionemque natura confert: Scilicet, ut posset vivens facile & commodo

commode exsequi omnes suas actiones secundum speciem suam, quas quidem cum exercere non possit pro debilitate sua quam diu manet sub exigua illa quantitate quam ab ortu acceptam habet cum sua substantia, natura sapiens quæ in necessariis non deest, sicut non abundat in superfluis, augmentativam concessit viventi potentiam qua ad requisitam illam quantitatem, quam statim ab initio obtinere non potuit, paulatim perducatur, quam ubi attigit (quia cessante causa etiam cessat effectus) desinit extendi & crescere, atque adeo assequitur terminos suæ magnitudinis: Altera vero causa illius cessationis sumenda est ex indispositione subjecti ad ulteriorem extensionem; nam quantum est ex parte agentis naturalis, seu potentiae augmentativæ & caloris naturalis qui est auctricis virtutis instrumentum, vivens non minuitur secundum virtutem Augmentativam, quæ perpetuo manet æqualis virtutis in vivente, nec deficit calor naturalis, imo sane validissimus est in adolescente, nec minus aptus ad augendum quam in puero, quamvis nulla fiat accretio in illo. Ad maiorem itaque explicationem.

Dico secundo, Impedimentum accretionis, v. g. in homine adolescente tribuendum

lum est indurationi & exsiccationi præcipuarum ejus partium, scilicet, ossium ad quorum extensionem in tenera ætate, quia mollia & ductilia adhuc sunt, vivens augetur, & crescit secundum omnes dimensiones; sed eorum exsiccatione, & induratione, exsiccante & indurante ea calore naturali, processu ætatis fit tandem ut circa adolescentiam finitam & virilem ætatem inchoatam, amplius extendi non possint, nec consequenter reliquæ corporis partes, cum ossa sint basis & quasi fundamentum cæterarum partium; verum est tamen quod vigente per hanc ætatem calore naturali, & concurrente faculate nutritiva quæ multum de alimento convertit in propriam viventis substantiam, carnosiores fiunt homines & pinguiore, sed Augmentatio hujusmodi non dicitur accretio, quia nomine accretionis intelligi solet secundum omnes dimensiones extensio, non tantum secundum latitudinem.

Disputatio quarta.

De Generatione viventium.

Hac in disputatione dicemus quænam sit generationis objectum, quid sit ipsa genera-

generationis actio, ut inde concludamus quid sit ipsa generativa facultas; in discursu post ea breviter differemus de quibusdam consequentibus hanc potentiam, de similitudine, natorum ad parentes, de vita, morte, respiratione, sanitate, morbo, & etate.

CAPUT I.

De Objecto generativæ facultatis Et generationis actione.

DUplex est hujus facultatis objectum, nempe, semen & vivens generandum ex semine, illud proximum & immediatum quod in generante, hoc vero remotum sed principale quod extra ipsum generans producit; quid sit vivens patet ex antedictis; semen autem definiri potest, pars superflua alimenti ultimi, potens producere vivens simile ei a quo est. Dicitur primo pars superflua, eo quod nec vivit, cum non sit viventi continua, nec alit unde a quibusdam excrementum appellatur, sed utile ad distinctionem ejus a facibus nocivis. Dicitur secundo alimenti ultimi, id est sanguinis purissimi & decoctissimi; super abundans enim est pars ista ex nutritione

nutritione seu conversione illius sanguinis
vivens, unde ut multis videtur, non
istinguitur essentialiter a sanguine, sed
ortio quædam est illius ulteriori coctione
er genitalium virtutem ad generationem
ræparatam. Dicitur tertio, Potens pro-
ucere vivens simile ei a quo est, ut signi-
cetur finis & effectus propter quem est,
tud semen tanquam instrumentum.

Gravissima quæstio hoc loco proponi so-
et; utrum fœminis & maribus semina-
e conveniat; seu utrum fœminæ activæ
d generationem prolis. Affirmativa non
lacet Aristoteli, sed e contra sustinet
x minas passive tantum concurrere, sicut
erra concurrit ad productionem planta-
um, semen in se fovendo, donec ex eo
eneratur prolis. Ita ut pater sit efficiens
ausa principalis & totalis, non partialis
antum: Semen vero illius causa quoque
otalis, activa instrumentalis, frustra que
equiratur semen fœmineum quod sit
ctivum. Medici ex opposito docent, pro-
antque mulieres constare partibus genita-
bus, sicut & viri constant, ut ex earum
issectione patet, quæ partes a natura cum
rustra concessæ non fuerint, sunt illis ar-
umentum quo probent in fœminis virtu-
em esse activam physicam ad generan-
lum.

Hic

Hac in controversia standum mihi videtur pro parte Aristotelis multas ob rationes exponendas: sed in primis nota primo humanum proprie loquendo non esse semen viri solum, aut sanguinem menstruum fœminæ solum, cum nusquam homo solus sine consortio generet, nec fœmina sola in utero fœtum concipiat; sed semen humanum illud esse quod ex viri semine & menstruo sanguine ad generationem præparato mixtum est, quodque uno nomine conceptus dici potest nota secundo in semine sic explicato, esse tum virtutem passivam secundum quam possit ex eo animal generari, tum virtutem activam quæ virtutem illam passivam ad actum reducat immediate tanquam instrumentum proximum generantis. Nota tertio in generatione triplicem reperiri actionem, unam principalem quæ proprio nomine dici potest formatio, seu organisatio corporis; aliam minus principalem & præambulam actioni principali quæ distincto nomine actio præparatoria ad principalem nuncupatur; tertiam demum concomitantem vel sequentem actionem principalem. His notatis,

Dico primo ad hoc, Ut aliqua fœmina mater dicatur vere & proprie, non requiritur quod ipsa concurrat active ad principalem actionem qua vivens generatur, sed

sed sufficit quod ad præcipuam illam actionem concurrat passively, & materialiter exhibendo materiam in qua principalis actio generationis recipiatur, nempe sanguinem menstruum qui semen passivum dici potest.

Probatur conclusio, quia si esset de necessitate matris ut ad generationem, id est, ad principalem conceptionis actionem seu corporis organisationem foemina active concurreret, beata Virgo non posset dici mater Dei; nam beata Virgo non concurrat active ad conceptionem Christi, utpoteque de Spiritu sancto conceptus est: Atqui falsum consequens & hæreticum; ergo & falsum antecedens, scilicet, esse de necessitate matris ut ipsa active concurrat ad principalem generationis seu conceptionis actionem.

Probatur sequela majoris & probatio ejus, quod beata Virgo active non concurrerit. Nam conceptio Christi tota simul seu in instanti perfecta est: ergo illa non potuit ad illam active concurrere, quia nulla creatura corporea cum facultate corporea, qualis est generativa facultas, ad actionem instantaneam active concurrere potest; factam autem esse Christi conceptionem in instanti, suadet primo personæ dignitas cujus corpus formabatur,

non enim erat congruum, ut filius Dei humanum corpus assumeret, nisi formatum cum etiam anima Adami non corpori nisi formato data fuerit; præterquam si aliter esset, filius Dei conceptus fuisset non Christus homo, sed Christus embrio: Secundo idem suadet agentis, scilicet, Spiritus sancti virtus infinita; cum enim virtus agentis eo citius perficiatur quo plus virtutis habet agens, maxime si talis actio rei agendæ non repugnet; cum autem, ut fatentur, non repugnet conceptionem Christi, seu organisationem corporis ejus fuisse in instanti perfectam, imo potius dignitas filii Dei id postulet, concludendum est Christi conceptionem virtute Spiritus sancti in instanti fuisse perfectam, adeoque beatissimam virginem ad istam actionem active concurrere non potuisse, quamvis Christi, filii Dei Mater revera sit: Nec dicas illud fuisse extraordinarium: quia tantum abest, ut illud activitatem Matris impediret: quin imo si quæ fuisset ad principalem generationis actionem requisita in cœmina activitas, tunc ea totaliter concurrisset active ad eam, cum Spiritus sanctus causa materialis (ut homines sunt) conceptionis Christi nullo modo fuit; nam ut optime dicit Augustinus; conceptus est Christus non de substantia Spiritus sancti, sed de ejus potentia,

potentia, non generatione, sed jussione & benedictione. Unde,

Dicimus secundo, Consequenter ad præcedentem conclusionem, solus pater est principium activum dictæ principalis actionis in generatione, mater autem ejusdem actionis est principium passivum: Ita ut (quemadmodum dictum est secundo notabili, cum in semine humano quod est ex semine viri & foeminae menstruo sanguine simul mixtis constat, sit duplex virtus, una passiva secundum quam ex illo semine possit animal generari; altera activa quæ virtutem passivam ad actum reducat) passiva virtus sit ex parte matris exhibentis materiam aptam ad patiendum a virtute active seminis per virum exhibiti.

Probatur conclusio primo, Quia repugnat istud ordini naturæ quæ non abundat in supervacaneis, ut foeminae concesserint virtutem activam generativam cum sit multis experiientiis apertissimum, talem maribus concessisse virtutem, pateatque maxime in oviparis animalibus, nam teste philosopho *lib. primo De gener. Animalium*, evenit in generatione oviparorum, ut ubi foemina ova ediderit, mas semen aspergit, & quæcunque attigit, foecunda efficiuntur; quæ non attigit, remanent infœcunda; Ex quo patet non eodem modo conferre ad

generationem marem & foeminam, sed marem esse principium activum, foeminam vero passivum, seu materiam ministrare.

Probatur secundo, Quia impossibile est quod unum & idem sit activum & passivum respectu ejusdem; atqui si foemina per sanguinem menstruum, aut aliquod semen, ut volunt medici, concurreret active ad principalem generationis actionem sequeretur hoc incommodum, supposito, sicut probatum, quod semen viri se habeat ad generationem tanquam principium ejus activum, nam cum necessarium sit ubi est alicujus actionis naturalis activum principium, adesse etiam passivum tanquam objectum terminans & recipiens actionem agentis, vel alterutrum principiorum seu seminum est passivum tantum, & sic habemus intentum, vel utrumque est passivum & activum simul, & hoc est quod contendimus impossibile; quia quod activum est, perfectum est respectu ejus quod passivum est, & e converso; atque ita (præterquam est inconveniens multiplicare principia generationis, ponendo sic duo passiva & duo activa principia, cum unum activum possit sufficere cum uno passivo) sequeretur unum & idem esse perfectum & imperfectum respectu ejusdem, nec non seipsum reducere de poten-
ita

tia in actum quo nihil dici potest a vera philosophia magis alienum.

Probatut tertio, Quia si virtus activa & passiva simul convenirent menstruo sanguini vel alicui alteri semini quod fœmina ad generationem ministrat, sequeretur fieri aliquando ut fœmina naturaliter sine viri auxilio conciperet, quod tamen est inauditum; sequela videtur manifesta, nam adversarius non potest od hoc aliud respondere, nisi quod virtus illa activa quæ semini fœmineo convenit, debilis est & imperfecta, adeoque indiget sibi adhiberi seminis virilis virtutem activam perfectiorem: Sed ut intuenti patebit, responsio ista nulla est, nam cum natura nitatur ad perfectum, non potuit concedere fœminæ virtutem generativam activam ex sua ratione & essentia imperfectam, ita ut nusquam in nullo individuo perfectionem ad generationem actualem requisitam, consequatur.

Probatut quarto, Quia distinctio maris & fœminæ concurrentium ad generationem arguit distinctas eorum operationes: Si quidem res unaquæque est ex natura propter suam operationem; cum igitur per naturam facta sit illa maris & fœminæ distinctio, sequitur vel quod ipsa frustra sit, vel quod alia sit operatio fœminæ, alia

operatio maris in generatione, & quod hic virtutem obtinet activam in semine, illa passivam in sanguine menstruo; confirmatur ratio hæc ex plantis, in quibus, quia utraque vis tam activa quam passiva commiscetur, non est distinctio maris & fœminæ.

Objicies, Concedendo fœminam habere tantum virtutem passivam, secundum sanguinem menstruum quem ministrat, qui fœtus generandi materia est; rursus aliam habere virtutem activam in semine ejusdem rationis cum virili semine, quod emittit quemadmodum & ipse vir. Quod autem ita sit, probatur multis indiciis; primum est, quod sicut patet in dissectione anatomica; fœmina testes, interius gerit, quos vir habet exterius: Quare cum sint ipsi seminis artifices, videtur quod semen a fœmina sicut a viro emitte debeat; secundum indicium in eo est, quod fœmina etiam similibus arteriis quibus fit seminis ejaculatio per virum, prædita est; tertium, voluptate actus venerei fœmina sicut vir afficitur: Ergo fœmina non prebet solum sanguinem menstruum, sed & verum semen in quo virtus est activa ad efformationem & organisationem corporis hominis generandi, & consequenter fœminæ ad actionem generationis principalem concurrat active.

Respon-

Respondeo cum Aristotele ad ista argu-
 menta quæ ipse sibi opponit & solvit *lib.*
Primo de generat. animal. cap. 19, 20,
et. Et ad primum indicium dico, mulie-
 res quidem interius testes obtinere, non
 destinatos tamen ad seminis activi confecti-
 onem, sed ad sanguinis menstrui concocti-
 onem, & præparationem requisitam, ut ex
 eo tanquam ex materia prima & passiva
 animal possit generari: Ad id quod obji-
 cebatur cœminam non menstruum tantum
 sanguinem tundere, sed aliud etiam semen
 simile semini virili in quo virtus activa in-
 ideat, dicendum contra indicium esse
 non tale semen a fœmina ministrari quale
 a mare; nec amborum mistura generari;
 quod sæpe numero fœminæ concipiant
 sine illa quæ per coitum fit, voluptate,
 & proinde hoc indicium est fœmineum se-
 men totum consistere in menstruis quod
 cum maribus semen fieri incipit, & fœmi-
 nis menstrua innotescunt eadem ætate.

Ad secundum indicium dico; Esto sint
 in fœmina venæ seu arteriæ ejaculatoriæ,
 non inde sequi, tale semen a fœmina mi-
 nistrari, quale a viro, sed solum tale,
 quale sit semen fœmineum, & ideo re-
 quiri in fœmina canales, venas, & arterias
 ejaculatorias, ut seminis istius, id est, san-
 guinis menstrui ad generationem præparati

&

& decocti cuius respectu ille qui a foeminis singulis mensibus exit, est quasi excrementum, emissio & commixtio fieri possit cum semine virili eadem ratione qua necessarium est causam materialem, & efficientem, activam & passivam invicem se tangere ad naturalis cujuscunque corporis generationem.

Quoad tertium quo dicitur pari voluptate virum & foeminam affici exercitio veneri actus. Respondeo indicium illud non videri sufficiens, ut ex eo concludi possi semen ejusdem rationis & a foemina & a viro emitti, quia, inquit philosophus, cum per coitum foeminis, voluptas & maribus cum trectatione ejusdem loci veniat, tamen humor ille quem multi medici putant esse semen non hac emittitur sed uteri excretio est, quæ forsan non omnibus evinet. Præterea voluptas quæ per coitum sentitur; non solum semine exeunte accidit, sed etiam spiritu ex quo consistens semen emittitur, ut patet tum in his qui nondum emittere possunt, tum in viris qui genituræ expertes sunt in quibus omnibus scilicet palpando, voluptas nascitur: Addo prævidisse naturam, ut foemina actu illo voluptate perfundatur, imo majori voluptate quam ipse vir, ne ob incommoda, difficultates, & ipsius vitæ periculum, quod incurrit

incurrit ipsa si fœtum gerat, ita ab isto actu abhorreret ut in illum congregari nunquam vellet; rebus enim positis ut sunt, contingit ut cum difficultatibus, morbis, & vitæ ipsius periculo, si fœtum conceperit, fœmina a congressu removeatur, prætextu voluptatis ad coitum veniat; cum itaque voluptas sentitur per Spiritus virtutem, sequeretur majorem esse efficaciam in semine fœmineo quam virili quod absurdum est ex adversariis; nam majori proculdubio afficitur voluptate, etiam si homo semen non emittat in congressu; Etenim si natura providerit ut ex sumptione cibi & potus voluptas aliqua perciperetur, tanto majorem sine dubio providit voluptatem in coitu, qui est ordinatus ad speciei conservationem, quanto excellentior est species individuo cujus conservandi causa, cibus potusve sumitur.

Dico tertio fœmina concurrere active ad generationem prolis actione minus principali, seu præambula ac præparatoria ad principalem, sicut etiam ad aliam actionem consequentem, vel concomitantem actionem principalem. Probatur conclusio secundum utramque partem, & quantum ad primam quidem, quia generatio esse non potest indifferenter ex quacunque materia, quoniam sicut apparet, multæ sunt

sunt foeminae steriles, sed necessario debet materia per virtutem vitalem in utero preparari ad conceptum; preparatio autem haec foeminae haud dubie convenit, cum alteri non possit convenire. Quantum ad secundam conclusionis partem, res clara est; nisi enim semen virile ad debitum pervenerit locum, evanescit & labitur sine effectu: Quod si e contra ad locum generationis, quomodo decet, delatum fuerit, caeteraque sint paria, tunc semen valet; unde colligitur quod locus facit ad bonitatem generationis, bonaque matricis dispositio operatur ad bonam proles dispositionem, quasi praebens fomentum, quamvis active aliud non praebat, quemadmodum notat Avicenna, *cap. De diluvio*.

Matrix facit ad meliorationem concepti; ex quibus omnibus, ut supra concluditur, foeminas simpliciter & proprie active non concurrere ad proles generationem seu corporis formationem & organisationem, sed tantum ad actionem preparatoriam & principalem concomitantem actionem.

Sed active dico ad duas ultimas actiones extrinsece concurrere ex parte loci, id est, matricis, & actionis vitalis in utero circa foetum exerciti, non vero intrinsece ex parte sanguinis menstrui cum semine virili mixti,

mixti, quia quidquid a matre actu venereo exciditur, ad actionem principalem materialiter tantum & passive se habet.

Objicies tamen rursus in secundam conclusionem, Quibus convenit una eademque specie forma, eisdem convenire debent omnes speciei facultates; atqui mulieri v. g. sicut & viro una specie forma, nempe anima rationalis convenit; ergo & eidem convenire debent omnes illius facultates, atque adeo facultas generandi activa.

Responderi potest breviter, Concesso toto argumento, negatione subsumptæ consequentiæ, quia facultas activa generandi, aut passiva non est facultas consequens speciem, sed tantum consequens modum & dispositionem speciei individuum; unde quamadmodum dispositiones & modi non sunt de essentia speciei, sic nec activa facultas, aut passiva seorsim non consequitur essentiam speciei, sed facultas generativa tantum quatenus abstrahit a passiva & activa; quo sensu concedimus esse facultatem generativam in quocunque speciei individuo, saltem in actu primo, sive fuerit mas sive fœmina.

Sed aliter Respondeo, Distinguendo majorem. Quibus convenit una specie forma, eisdem convenire debent omnes ejusdem

eiusdem speciēi facultates, saltem in actu primo & secundum suam entitatem abstractendo ab actibus vitalibus, concedo: convenire debent in actu secundo. Et cum ordine actuali ad operationes vitales quas aliquando exerceant; nego maiorem, unde concessa minore propositione distinguenda est similiter consequentia prima; ultima vero quæ subsumpta est, simpliciter negari debet.

Instabis videri absurdum potentiam generandi activam esse in actu primo in omnibus foeminis, quæ nusquam reduci possit in actum secundum in aliqua foemina, ut de facto active generet.

Respondeo e contra istud non videri majus absurdum, quam furiosos pro insigni defectu aliquo interno qui reparari naturaliter non potest, omnes quidem obtinere potentiam intelligendi in actu primo, quamvis nunquam evinire possit naturaliter, ut in aliquo eorum, potentia hæc reducatur ad actum secundum, ut de facto aliquis eorum intelligat & ratiocinetur; non videtur magis absurdum, inquam, nam mulier ex defectu foemina est, non mas, ut fatentur nobiscum, unde philosophus, *lib. 4. De generat. animalium cap. 3.* Habet quod primum initium degenerandi ex proprio genere est foeminam generari, non

non marem, quamvis hoc sit naturæ necessarium.

CAPUT II.

De Generatione viventium facultate generativa, & similitudine natorum ad parentes.

DE generatione viventium quam plura præcedenti capite explicata sunt; dicti eo loci addo solum, generationem viventium optime definiri, ut communiter originem seu processionem viventis a vivente in similitudinem naturæ, principio vitæ conjuncto; ita ut dicatur primo, origo seu processio viventis ad distinctionem aliorum non viventium quæ non procedunt proprie, sed producuntur; dicatur secundo, [Secundum similitudinem naturæ seu speciei, ad distinctionem quorumcunque viventium quæ quidem sunt a vivente, sed non secundum similitudinem speciei; dicatur tertio, principio vitæ conjuncto, ad insinuandum debere in vivente genito manere aliquid quod fuerit in generante; sicut revera in quibuscunque viventibus corporeis, hominibus, scilicet, brutis, atque plantis aliquid generantis permanet, nampe virtus defluxiva

fluxiva simul cum materia sementiva ; & si de increatis incorporeis divinisque sermo est, aliquid generantis manet ingenito, siquidem eadem numero est natura divina in patre & filio, eamque filius sibi communicatam a patre habet.

Circa itaque secundam partem definitionis hujus nota ad hoc ut procedens a vivente dicatur filius ejus a quo procedit, non sufficere, si sit similitudo in natura rationali seu intellectuali (filiatio enim rationalibus intellectualibusve substantiis tantum attribuitur) sed requiri præterea ut processio illius sit a vivente vi istius similitudinis seu assimilationis quæ pertinet ad intellectum in divinis ; unde defectu hujus conditionis, Spiritus sanctus non est filius Dei, quamvis ipse vivens procedat a Deo vivente in similitudinem naturæ, principio vitæ conjuncto, per communicationem ejusdem numero naturæ divinæ, quia, scilicet, non procedit vi similitudinis, seu assimilationis per intellectum, sed vi amoris per voluntatem distincto prorsus sicut & inexplicabili modo ; unde a Scholasticis doctoribus dicitur per spirationem procedere, ut distinguatur a filio qui per generationem a patre procedit.

Ex his autem & præcedentibus simul, potest hæc facultatis generativæ colligi definitio,

definitio, qua dicitur facultas animæ, qua vivens adhibito semine tanquam instrumento simile sibi in specie producit.

Nunc dubium de causa similitudinis natorum ad parentes, contemni non debet, sed solutione indiget, quia multi ex similitudine natorum ad parentes, tum patrem tum matrem ad principalem actionem generationis active concurrere argumentum sumunt; nam sic argumentantur: Natorum similitudo ad parentes est ex formatrice corporis virtute semine in existente: Atqui nati suis parentibus tum patri, tum matri similes sunt; ergo formatrix virtus est in semine tum patris, tum matris, & iterum ergo, cum illa virtus formatrix sit activa, mater concurrat active ad corporis organisationem, ita argumentatur Reconisius; Q. 3. De facultate generantiva art. primo, ubi solvit quæsitum utrum solus vir ad generationis actionem principalem active concurrat.

Verum dico pro conclusione & Response simul ad argumentum concessis majore & minore, negandam esse consequentiam, quia quamvis admittam similitudinem natorum esse ad patrem & matrem, eamque oriri similitudinem ex virtute active formatrice, contendo tamen virtutem illam activam formatricem non esse in semine

ne matris; & similitudinem natorum matri, non patri, oriri ex debilitate virtutis activæ in semine patris vel abundantia contrariæ qualitatis in semine, id est sanguine menstruo matris ad generationem præparato: nam quemadmodum, cum aliqua causa est efficax ad agendum, effectus sequitur causam, non solum secundum id quod fit, verum etiam secundum modum fiendi, ut loquuntur philosophi, & essendi; ita ex debilitate virtutis activæ in semine contingit quod filius nascatur dissimilis patri in accidentibus quæ pertinent ad modum essendi; ita Aquinas prima parte 2. 19. art. 8. in corpore. Ex quo infero, quod cum est efficacissima virtus activa formativa in semine viri, tum nascitur proles patri similis, non tantum in specie sed in sexu, nec tantum in sexu, sed etiam in aliis levioris momenti accidentibus; & contra quod cum deficit virtus formatrix active seminis virilis, deficit quoque proles a similitudine patris, vel plus, vel minus, ita ut aliquando nascatur proles nec matri, nec patri, similis nisi secundum speciem.

Quæres, Unde igitur sit quod aliquando mas quidem generatur. Sed matri similis, & contra, aliquando foemina sed similis patri.

Respondeo cum Aristotele lib. 4. De gener. anim. cap. 3. Contingere quia omne quod

quod mutatur, non in quodlibet transit, sed in sibi oppositum proximum: Opponitur autem fœmina mari, materque patri; unde sequitur quod illud quod in generatione non omnino superatur, transeat in oppositum pro modo & facultate qua non superarit illud quod generat & movet; ita ut si quatenus est mas, non poterit superare, fœmina gignatur: quod siquidem quatenus est mas potuit superare, sed non quatenus talis mas est, mas quidem generetur, verum non patri sed matri similis.

Causa autem istorum est, quod omne agens patitur ab ipso patiente, sicut quod secatur hebetatur per illud quod secatur, quod calefacit, refrigeratur per illud quod calefit: Unde fit etiam in generatione, ut semina maris & fœminæ aliquando actione & passione mutua sic confundantur, ut quod generatur nec patri, nec matri simile sit, sed commune tantum relinquatur & homo sit simpliciter, quia particularia sequuntur communia seu universalia, homo autem est universale & speciei patri & matri communis, talis vero pater & talis mater utrique particulare est, nec necesse habet talitas ista alterutrius proli communicari, sed sufficit si talitas fuerit secundum speciem. Quod si contingat aliquando

K

prolem

prolem talem non esse in specie quales habet parentes, monstrosa tunc non naturalis regularisve generatio est.

Ex his ergo patet non solum ad objectum nobis argumentum, sed etiam ad quæsitum de causa similitudinis natorum ad parentes, causam ejus effectivam esse virtutem formatricem activam semini maris inexistentem, cui si efficax multum est, proles magis assimilatur; sin minus, minus proportionaliter.

CAPUT III.

De vita, morte, & respiratione.

NON dubito dicere cum philosopho *lib.*
 I. *De Respir.* Vitam esse perman-
 sionem animæ vegetantis in corpore cum
 calido. Dicitur permanens ut distingua-
 tur a productione viventis, seu ab unionem
 fieri ejusdem animæ cum corpore, a qua
 vita non differt realiter, sed connota-
 tione tantum quatenus vita supponit factam
 unionem animæ ad corpus, & productionem
 viventis. Dicitur animæ vegetantis, quia
 licet anima rationalis & sentiens sint etiam
 principium vitæ, ratio tamen vitæ non
 sequitur immediate gradum sentiendi

sentiendi aut ratiocinandi, sed vegetandi.
Dicitur demum cum calido, ut intelligatur calorem naturalem esse animæ instrumentum necessarium & quasi vinculum strictissimum illam in corpore retinens, sic ut deficiente calore naturali, necessario sequatur mors.

Nota autem ad clariorem hujus conclusionis explicationem duplicem esse vitam unam substantialem, alteram accidentalem quam definivimus, utramque tamen esse naturalem; substantialis vita dicitur residere in anima omnium potentiarum & actionum vitalium radice, quæ in solutione viventium in brutis atque plantis perit, & in homine manet, cum animæ brutorum & plantarum cum corpore pereunt; anima vero rationalis integra manet a corpore separata: Accidentalis autem vita ea est quæ perit in quoque vivente etiam rationali in solutione animæ a corpore, illaque vita est totius, & quasi facultas qua actiones vitales exercentur, consideratur; Unde,

Dico secundo, Mors quæ vitam illam accidentalem sequitur, est separatio animæ a corpore cessante calido; quæ separatio intelligi debet de unionem seu presentia formali animæ; ita ut anima desinat uniri corpori: Nam alioqui posset anima

remanere adhuc in corpore per virtutem divinam quasi in loco, etsi ei formaliter non unita, & proinde non esset separata ab ipso corpore quantum ad presentiam in loco substantialem; nihilominus esset mors vera, quia tunc esset separata anima quantum ad unionem & presentiam formalem, seu quantum ad assistentiam animæ in ratione causæ formalis præbentis esse toti composito viventi.

Dicimus tertio, Respiratio est attractio aeris ad cor, ejusdem aeris remissio per pulmones: attractio autem ista hoc fere fit modo; aer interventu diaphragmatis per arteriam vocalem ad pulmones, qui instar follium dilatati eum in se recipiunt & circa cor dispertiunt, trahitur: aer autem idem æstu cordis post modum calefactus per pulmones ex repressione remittitur, ut misso aeri liberam faciant viam ita, ut exinde iterum dilatatione sua alium recipiant aerem pulmones; ex quibus, attractione & remissione, respiratio constat. Hinc collige pulmones instrumentum esse respirationis ita necessarium, quod Aristoteles dicat solum animal quod pulmones habet, respirare; sed pro intelligentia hujus conclusionis, sciendum est quod diaphragma est musculus rotundus qui interjectus est inter viscera spiritalia, & naturalia

naturalia, ut loquuntur, id est, inter cor & pulmones, & inter jecur & lienem, ipsumque cor & pulmones intersepit, dirimitque a jecore & liene; unde a *διαφράγματος*, ab interferendo dicitur diaphragma.

CAPUT IV.

De Sanitate, morbo, & etate.

SAnitas est apta complexio seu concordia primarum qualitatum, humiditatis, frigiditatis, siccitatis, & caliditatis, in animali, tum in ordine ad substantiam, tum in ordine ad omnes actiones ejus, scilicet, vitæ, sensus & rationis: Ordo autem ad substantiam hoc loco nihil aliud est quam proportio elementorum in compositione animalis, adeo ut posita debita hujusmodi proportione, vivens recte se habere censeatur quoad substantiam: Ordo autem ad actiones viventis seu animalis, est facultas recte operandi: Ita ut non sit perfecta sanitas in animali, quamvis substantia sit illius proportionata, si in ipsa substantia aliquod lædatur organum, nec possit expedite suis fungi actionibus; unde patet morbum, per oppositionem, prædictæ complexionis seu concordie esse dissolutionem.

Quoad ætatem dico eam definiri spatium seu durationem vitæ ; unde solis tribuitur viventibus ; sed de viventibus corporeis quæ sub tempore, numero motus secundum prius & posterius sunt, illud intellige ; nam incorporeis aut immaterialibus substantiis ætas non competit, sed alia earum duratio ipsis convenit, ævum Angelis, æternitas Deo.

Ætatum autem divisio petitur ex notabili mutatione calidi & humidi, propterea ex Aristotele pro duplici inligni mutatione caloris & humoris ab ortu ad consistentiæ statum, & a consistentiæ statu ad interitum, duplex in universum ponenda est ætas, prima generationis quæ incipit a natiuitate & perseverat ad perfectissimum vitæ statum ; secunda corruptionis a dicto perfecto statu ad ultimam decrepitudinem : Alii alio modo distinguunt ætates, ut primam incrementi ætatem dicant, secundum virorum, tertiam senum, & quartam decrepitorum.

Astronomi vero septem constituunt ætates quibus dominantur septem planetæ ; infantiam cui luna præest propter humorum abundantiam ; pueritiam cui Mercurius propter loquelam ; adolescentiam cui Venus propter concupiscentiæ ardorem ; juventutem cui Sol propter vigorem ; viri-

litatem

litate cui Mars propter animositatem ;
senectutem cui Jupiter propter morum
gravitatem ; decrepitudinem cui Saturnus
propter morositatem. Et hæc de anima ve-
getante speciatim.

Pars Tertia.

Hujus tractatus de Anima Sentiente.

*Ex antedictis de anima in communi tum
de anima vegetante speciatim sic brevi-
ter anima sentiens recte potest definiri,
actus primus corporis organici potesta-
te sensitivam vitam habentis, seu quo
sentimus, appetimus, & loco movemur;
supposita itaque animæ sentientis na-
turæ satis manifesta explicatione, da-
bimus tantum operam hac in parte,
ipsius animæ sentientis facultatibus ex-
plicandis ; quod ut faciliori methodo
præstemus ; hanc partem dividemus sicut
& præcedentem in 4. disputationes; qua-
rum prima erit de sensibus in commune;
secunda, De speciebus intentionalibus,
quibus mediantibus sensatio fit; tertia, De
sensibus externis & eorum objectis; quarta
demum, De sensibus internis, tum vero De
potentia loco motiva et appetitu sensitivo.*

Disputatio I.

De Sensibus in communi.

CAPUT Primum.

De Animæ Sentientis facultatibus.

PRæsupponendum est nos hic dicturos
 esse de anima sentiente quatenus talis,
 id est, quatenus distinguitur a vegetante
 & rationali, seu quatenus præcise sentiens
 est, & animal constituit in esse animalis
 formaliter : Hoc supposito,

Dicimus primo, Tres facultates, scilicet,
 sensitivam, appetitivam, & loco moti-
 vam animæ sentienti convenire; quia
 unumquodque natum est propter bonum
 suum, finemque proprium, quem ut con-
 sequi possit, a natura provida parente re-
 cepit simul cum esse suo vires & faculta-
 tes ad id necessarias; atqui bonum anima-
 lis, quatenus animal est, non solum na-
 turale est, sicut bonum plantarum & ina-
 nimatorum, verum etiam spontaneum
 seu apprehensum & proinde sponte compa-
 rabile

abile ab eodem : Sponte vero animal operari, suumque bonum quærere, nihil aliud est quam bonum suum sensu apprehensum appetere; ergo animæ sensitivæ per quam animal constituitur in ratione animalis, convenit facultas appetitiva: At vero quemadmodum in moralibus patet, appetitum rationalem non operari nisi ex prævia intellectus cognitione; ita servata proportionem hoc loco dicendum est appetitum sensitivum non operari nisi ex prævia sensus cognitione; unde sequitur quod animæ sentienti per quam animal constituitur in suo esse, convenit facultas sensitiva; demum quia aliquando bonum appetitum, & sensibilibiter cognitum distat ab animali; ut hoc illud possit acquirere sibi presens reddere, opus habet alia potentia, nempe, loco motiva per quam ipsum idem quemcunque in locum prosequatur, & hinc sequitur quod tres sunt in anima sentiente facultates sensitiva, appetitiva, & loco motiva. Sed,

Dico secundo, Tres istæ facultates, sensitiva, appetitiva, & loco motiva, inter se realiter differunt, tum quia earum organa proxima diversa sunt; sensus enim maxime in capite & cerebro viget; appetitus in corde & præcordiis; & loco motiva

potentia

potentia in musculis & nervis: Tum quia modum operandi plane diversum habent, objectumque formale omnino distinctum, ut amplius patebit ex dicendis, obtinent.

CAPUT II.

Quotuplex sit sensus in genere.

Notum est fere omnibus duplicem esse sensum, internum, videlicet, & externum. Ita philosophus loquitur secundo & tertio de anima; facile probatur conclusio ab indigentia; nam natura concessit sensum animali, non modo ut bonum materialiter, sed & formaliter sub ratione boni cognosceret, nec non a malo distingueret; scilicet, ad hoc fugiendum, illud prosequendum: Atqui ad istud sufficere non potest sensus externus; nam lupus per oculum non videt ovem nisi quatenus bonum suum est materialiter; non autem sub ratione boni formaliter, videt enim tantum ovis colorem, & ejus balatum audit, minime vero rationem illam propter quam ovis bonum suum est; ergo lupus alio sensu, id est, interno, nempe, estimativa donandus fuit per quem boni apprehenderet

leret rationem, qua intellectus ipse suum bonum prosequeretur.

Confirmatur rursus conclusio experientia; etenim experimur, non modo nos videre, sed & cognoscere quod videmus, quæ cognitio intellectui attribuenda non est; cum ea nobis qua animalibus convenit; nam & ipsi infantes rationis usu carentes etiam cognoscunt se videre; immo quod magis est canis similiter non modo videt Dominum, sed cognoscit se videre illum & non alium: Ergo in animalibus admittendus est aliquis sensus præter externos.

Præterea animalia bruta rerum præteritarum recordantur, Dominos quærunt quos non vident, nec audiunt, nec alio externo sentiunt modo & domos e longe repetunt; hæc autem & similia per sensus externos præstare non possunt; ergo sensum habent internum animalia. De sensibus internis & externis in particulari agendum est; Sed prius de sensibus externis in communi, quorum ergo sit

CAPUT III.

Quot sint sensus externi.

NOtandum est hoc loco, Ubi de sensibus animalium sermonem instituimus, nos abstrahere ab animalibus his aut illis, sermonemque habere de sensibus externis qui animali universim sumpto, quatenus animal est, convenire possunt; quique in animalibus perfectis quibuscunque reperiuntur, hoc notato.

Dico, Quinque sunt sensus externi, visus, auditus, olfactus seu odoratus, gustus & tactus; Etenim probatur necessitas istorum quinque sensuum; quia sensus externus animali concessus est, ut bonum suum per qualitates sensibiles percipere queat; unde tot sunt admittendi sensus externi quot sunt qualitates sensibiles quibus mediantibus animal suum bonum percipere potest: Atqui quinque sunt huiusmodi qualitates, ergo quinque sunt sensus externi; major argumenti nulla videtur indigere probatione; minor vero inductione probatur; nam tot talesque qualitates sunt sensu perceptibiles, calor, frigus, humor, siccitas, sonus, odor, lumen, color,

color, & sapor; quatuor autem primæ qualitates tactu ita percipiuntur, ut alio sensu percipi nequeant; color & lumen ita visu ut nunquam alio sensu; sonus similiter sic auditu, ut alio sensu nusquam; odor item olfactu seu odoratu tantum percipitur; sapor denique gustu solo; ergo quinque sunt sensus externi.

Objicies, Aristoteles secundo de anima asserit gustabile esse tangibile, nec fieri unquam gustum sine tactu; Ergo gustus & tactus non sunt duo sensus & ulteriori consequentia pauciores sunt quam quinque.

Respondeo, Aristotelis mentem esse, quod omne gustabile materialiter sumptum tangibile est, proindeque tactus semper comitatur gustum, quamvis in ipso, quod gustabile est & tangibile, diversæ qualitates perceptibiles sint admittendæ tanquam rationes formales, per quas idem subiectum materialiter sumptum ad diversas potentias refertur; quatenus igitur illud quod tangibile est, in se saporem habet, gustabile formaliter constituitur, & quatenus humidum est, sit formaliter tangibile; quod autem de sensibili dicitur, proportionem servata, dicendum est de sensu gustus & tactus; eadem enim lingua gustat & tangit sed per diversos sensus. Unde,

Dicimus,

Dicimus, Quinque suprapositos sensus realiter ab invicem distingui, quia eorum objecta formalia plane sunt ab invicem distincta, distincti quoque sunt modi operandi, nec non distincta subiecta immediata, cum visus sit in oculis, auditus in auribus, olfactus in naribus, gustus in lingua & palato, tactus vero per totum corpus diffusus reperiatur.

CAPUT IV.

De Objecto sensus seu sensibili, & quotuplex sit sensibile.

NOta primo sentiens, sensitivum, sensum, sensationem, & sensibile sic ab invicem distingui, ut sentiens sumatur pro animali, sensitivum pro organo, per quod animal sentit, v. g. pro oculo; sensus pro ipsa potentia naturali seu facultate sentiendi organo cuidam insita; sensatio significet actionem ipsam seu tendentiam sensitivi, id est, organi, per sensum ad objectum suum, quod quidem sensibile nuncupatur.

Unde nota secundo, sensibile duobus modis accipi, Primo formaliter, quatenus est præcise

præcise terminus relationis quam sensus seu facultas sentiendi habet ad suum objectum, & ut sic, est ens rationis quod intellectus concipit advenire ipsi objecto per sensum circa illud operantem; secundo materialiter quatenus est ens aliquod physicum & reale quibusdam accidentibus physicis affectum per quæ potest sensum immutare, & ut sic sensibile, objectum sensus appellatur: Hujusmodi sunt illuminatum & coloratum respectu visus, seu facultatis visivæ; De sensibili autem hoc modo spectato nunc dicendum est.

Sed nota tertio, Sensibile aliud esse per se aliud per accidens; sensibile per se illud est quod secundum entitatem propriam sensu percipitur, ut color respectu oculi; sensibile vero per accidens illud est quod non per se, sed per alterum quod per se est sensibile, sentitur; hujusmodi sunt omnes substantiæ quæ non nisi per sua accidentia sub sensum cadunt.

Nota quarto, Sensibile aliud esse proprium, quod uni sensui tantum respondet, quomodo sonum respectu auditus; aliud commune quod venit sub plures sensus; verbi gratia magnitudinem & motum quæ tum visu tum tactu percipiuntur.

Nota

Nota denique hic tantum esse questionem de sensibili externo quod ad sensus externos refertur ; nam de sensibili interno simul & de ipsis sensibus internis infra dicendum erit. His omnibus prænotatis.

Dicimus primo, Bene definiri sensibile, accidens materiale perfectivum sensitivi per intimam cum eo unionem. Dicitur primo accidens, ut distinguatur a substantia quæ per se non sentitur. Dicitur secundo materiale ut excludantur accidentia Spiritualia, v. g. Intellectus, voluntas, & hujusmodi alia quæ sensu non sunt perceptibilia; Dicitur tertio, perfectivum sensitivi, quia in organo producit aliquam perfectionem agendo in idem, & illud ipsum veluti informando ; unde colligendum est sensus potentias esse passivas, & ita dici, quia ab objectis suis patiuntur, perfectionemque recipiunt. Dicitur ultimo, per intimam cum eo unionem, ut intelligatur tunc solum sensationem fieri cum sensibile unitur sensui, seu immediate, immediatione entitatis, ut si sensibile secundum entitatem suam in sensu recipere- tur ; vel immediate, immediatione virtutis & ratione specierum quas sensibile in sensum emittit ; quomodo color distans videtur ab oculo.

Dico

Dico secundo, Hæ sunt conditiones ob-
jecti sensu externo perceptibilis ; prima,
ut sit accidens ; secunda, ut accidens istud
sit materiale ; tertia, ut per intimam cum
sensu unionem, eundem perficiat ; quar-
ta, ut singulare sit, nam quicquid sensu
percipitur, hoc aliquid est & digito de-
monstrabile ; quinta, ut sit extensum &
divisibile in partes quantas ab invicem di-
stinguibiles, seu sit ista extensio successi-
va, seu sit permanens, continua, aut discre-
ta ; modo localis sit, & externa, non in-
terna tantum, nam quod extensum est so-
la interna extensione sub sensum non
cadit.

Dicimus tertio ad aliam Capitis partem,
quinque esse sensibilia in genere juxta
quinarium sensuum externorum numerum
qui circa ipsa sensibilia occupantur, tan-
quam circa proprium & adæquatum ob-
jectum, visibile, audibile, odorabile, gusta-
bile, & tactile ; ista vero sensibilia seor-
sim considerata, subdividuntur in species
inferiores : v. g. Visibile in lumen & co-
lorem, tactile in calorem frigus, humorem
& siccitatem ; & sic de aliis : Hæc au-
tem sensibilia sunt particularia & propria.
Unde,

Dico quarto, Sensibile commune est eti-
am quintuplex ex philosopho, magnitudo,
L. nempe,

nempe, figura, numerus, motus & quies. Sensibile autem commune dicitur, quod secundario & ex consequenti sensibilis proprii plures sensus afficit; sic quaturatura mensæ per colorem visu apprehenditur, & per qualitates primas tactu percipitur.

Dicimus quinto, Sensibile commune non facere differentiam circa immutationem sensus quantum ad speciem agentem, sed solum quantum admodum actionis: Oculus enim uno eodemque intuitu, atque adeo per unam & eandem speciem agentem, album videt & extensum: At vero si diversa esset species agens sensibilis proprii & sensibilis communis una posset recipi in sensu sine alia sicque oculus videre posset sensibile proprium, non visi sensibili communi, puta videre coloratum, non viso magno aut parvo, quod est contra communem experientiam.

Dico sexto, Sensibile commune per suam speciem modificat solum sensibile proprium: Ita ut illud determinet hoc vel illo modo percipiendum; sic color qui ex se indifferens est ut videatur magnus aut parvus, movens aut quiescens ad alterutrum modorum istorum determinatur per sensibile commune; fieri enim non potest ut eadem species eodem modo considerata aliquid

aliquid representet quod nunc quiescat,
 & nunc moveatur; debet ergo modificari
 & determinari quando percipitur ut quies-
 cens; modificatio autem ista aliunde con-
 venire non potest speciei sensibilis proprii,
 quam a magnitudine, figura, numero,
 motu & quiete quæ sunt communia sensi-
 bilia; cum hæc sint per se satis manifestæ.
 Sit.

CAPUT V.

Utrum Sensus errare possit.

Sensus si aliquando errare potest circa
 sensibile, Maxime his tribus modis; pri-
 mo in ratione generica, ut si auditus per-
 ciperet visibile pro audibili; Secundo in
 ratione specifica, ut si oculus rubrum pro
 nigro apprehenderet; Tertio in applica-
 tione sensibilis ad subjectum suum, ut si ru-
 borem in vitro existentem apprehendere-
 mus in pariete. Hoc posito,

Dicimus primo, Circa sensibile commune
 in ratione generica consideratum sensus er-
 rare potest, ut quando oculo horologii cus-
 pis apparet immota, quamvis ex hypothesi
 moveatur. Item circa sensibile commune,
 sensus errare potest in ratione specifica

ut quando sol quasi bipedalis oculo videtur. Item circa sensibile commune errare etiam potest sensus in applicatione sensibilibus ad Subiectum, ut cum sol in occasu, vel ortu suo quasi terræ contiguus appareret. Dico,

Dico secundo, Circa sensibile proprium in ratione generica nunquam errat sensus, nec errare potest; nullo quippe modo oculo apparere potest id quod audibile est tantum sed sensus errare potest circa sensibile proprium in ratione specifica; & de facto aliquando oculo apparet nigrum, illud quod album est; gustu quoque nonnunquam dulcis tanquam amarus percipitur, etiam quando cum excellentia dulcis est; Et iterum errare potest in applicatione sensibilibus ad subiectum v. g. color existens in medio, puta in vitro apparere inter terminos, & visu tanquam in pariete hærens apprehendi potest.

Dicimus tertio, Error circa proprium obiectum, seu sensibile proprium contingit in sensibus, ex tribus potissimum, primo ex objecti nimia distantia, ut cum oculus videns hominem de longe venientem, ipsum ut vestibus nigris indutum apprehendit, cum vestibus rubris indutus sit; item cum turrin quæ quadrata est, apprehendit rotundam; Secundo ex medio quod non

non est uniforme, ut cum baculus partim in aere, partim in aqua positus, fractus aut curvus apprehenditur, cum defacto non sit fractus sed rectus; tertio ex læso organo, ut quando aliquis febris laborans gustat amara pro temperatis.

Objicies in universum contra precedentes conclusiones, sensus operatur pro ratione specierum sibi a sensibili objecto emissarum; ergo cum objecta eadem in se semper permaneant, & easdem proinde species semper emittant in sensum, sensus quoque semper eodem modo operatur ac apprehendit, & ex consequentia ulteriori vel semper errat; vel nunquam errat.

Respondeo concessio antecedente, negatione consequentis, quia sicut verum est objecta ex se easdem semper species emittere, ita & verum est species illas non recipi semper eodem modo in sensu; tum quia sæpe ob distantiam nimiam debilitantur; tum quia non est semper ejusdem rationis medium; tum quia organum sensus non semper eodem modo disponitur, unde neque species sensibiles eodem modo in ipso recipiuntur, quia quod recipitur, sequitur modum recipientis.

CAPUT VI.

Unde Sensus lædantur.

Certissima constat experientia, sensus non nunquam lædi, & vitiis pluribus laborare; læsionis autem istius diversæ sunt causæ; unde dico pro conclusione; prima læsionis causa est sensibile excellens seu vehemens, hebescit enim visus his qui excellentius lumen intuentur; testatur etiam falenus quosdam fuisse excæcatos quod solem eclipsim patientem pertinacius perspexissent; accidit enim quia majus lumen spiritus visuales dissipat; quibus deficientibus visus quoque deficiat necesse est; sonus similiter vehementissimus aures obtundit propter magnam nimis aeris commotionem. Item adoratus læditur adorbibus fragrantissimis propter nimium exhalationis calorem quo qualitates olfactiles absumuntur, tactus autem & gustus læduntur exuperantia qualitatuum primarum; unde si quis acidum quid gustaverit, vix deinde saporis suaves potest percipere; similiter si quis ferrum candens aliquo casu contrectaverit, ea parte amplius tangere non potest.

Secunda læsionis causa in sensu est longior objecti fruitio; per illam enim dissipantur

pantur spiritus, sine quibus sensatio nulla est; tertia causa est alimenti tenuitas, nam deficiente alimento, deficiunt spiritus et sentiendum necessarii; unde qui parum manducant, ægre vident, ut experientia patet; quarta causa est longa sensationis intermissio, nam intermissione ista fit ut spiritus recedant ab organo, quod proinde ineptum relinquitur operationi sibi convenienti exercendæ; quinta causa est crebra perceptio objecti nimis exigui vel distantis; tunc ut objecti perceptio fiat, facultatis sensitivæ magna contentio est, & ex consequenti multorum spirituum consumptio; sexta denique læsionis causa, est viscosus humor in organo quemadmodum contingit, apparetque in catarrho laborantibus.

CAPUT VII.

Utrum Homo, sicut & animæ, ita & sensuum externorum excellentia, cæteris animalibus præstet.

AD hanc quæstionem dicimus hominem cæteribus animalibus sensuum externorum excellentia antecellere; nec obstat vulgare carmen

L 4.

Nos

*Nos Aper auditu, Linx visu, Simia gustu,
Vultur odoratu, præcellit Aranea tactu:*

Nam simpliciter potest negari illud, aut secundum dicenda explicari; etenim nostra conclusio duobus modis potest explicari & intelligi, primo ita, ut, cum forte aliquod animal comparatum homini secundum aliquem sensum, puta Vultur secundum odoratum, eidem homini præstet, nihilominus homo nobilitate sensuum unicuique animali simpliciter sit anteposendus; eo quod animal illud quod hominem uno sensu superat, ab eodem homine multis aliis simul sensibus superatur; secundo ita, ut homo singulos habeat sensus excellentiores, quam cetera quæcunque animalia.

Manifestatur nostra conclusio in hypothesis, nam supposito quod dicitur de Vulture, ipsum sentire cadaver ad quinquaginta millia, adeoque odoratu hominem superare; verum est tamen dicere quod homo sensibus Vulturi præstat; quia cum uno sensu Vultur hominem superet, pluribus simul sensibus puta tactu & gustu Vultur ab homine superatur; eadem ratio valet pro quibuscunque aliis animalibus comparatis ad hominem secundum sensus; nam quibuscunque tactu & gustu ho
ideo

deo præstat, ut gustus sit quidem tactus,
 & tactus excellens sit secundum excellen-
 tiam & bonitatem complexionis seu tem-
 peraturæ quæ in homine est optima, quem-
 admodum patet ex eo quod cum materia
 sit propter formam seu corpus propter a-
 nimam, hominis anima omnium formarum
 præstantissima est; & ex consequenti cor-
 pus ejus omnium viventium præstantissi-
 mum, optime complexionatum & tempe-
 ratum sit necesse est.

Præterea satis manifestum consideranti
 patebit hominem etiam singulos habere
 sensus excellentiores quam cætera quæ-
 cunque animalia; quia homo non solum eis
 gustu & tactu antecellit, sed etiam visu,
 auditu, & odoratu, alia vincit animalia;
 visu quidem non quia percipiat objectum
 magis remotum, sed quia plures percipit
 rerum differentias, colorum mixtiones, &
 proportionales delectabiles, de quibus cæ-
 tera animalia vix aliquid percipiunt; au-
 ditu similiter, nam quamvis sonos etiam
 rerum sonabilium magis distantium perci-
 piant alia animalia; sonorum tamen diffe-
 rentia, & compositiones non ita decer-
 nunt; odoratu vero homo cætera vincit
 animalia, nam cum sensus eo melior sit quo
 melius discernit objectum; homo autem
 optime omnium de odoribus discernit, se-
 quitur

quitur ipsum cæteris odoratu præstare animalibus.

Sed ut occurras objectionibus quæ de odoratu præsertim fieri solent pro parte negativa ; nota, quod dupliciter potest comparari odoratus hominis ad odores ; uno modo ad odores ut sunt delectabiles vel contristabiles , atque adeo ad species odorum secundum se, non autem per comparisonem ad alimentum comparari potest ejus odoratus ; alio modo ad odores delectabiles vel contristabiles non secundum se spectatos & ut tales , sed per accidens, id est , per comparisonem ad alimentum , & quatenus conjuncti sunt cum saporibus vel illis coordinantur in alimento. Primo modo homo præstat odoratu cæteris animalibus ; Secundo vero modo multa animalia homini sunt anteposenda secundum odoratum : Dicitur nihilominus debet simpliciter , ut supra quod odoratu homo aliis animalibus antecellit, quia prius est considerare objectum odoratus per se, quam considerare odoratus objectum ratione alterius, scilicet, saporis, per accidens.

CAPUT VIII.

De Ordine sensuum inter se.

DIco primo, Visus omnium sensuum est nobilissimus; quod probatur primo ex parte organi seu oculi, cujus structura & compositio omnino est mirabilis; secundo ex parte situs qui illi in anteriori est superiorique animalis parte; tertio ex parte objecti quod non color tantum est, sed lumen quoque qualitas omnium nobilissima, cœlestibus ipsis conveniens; quarto ex parte modi operandi, visio enim fit in instanti, & fertur in remotissima objecta, & quidem ad plura simul quamvis sub ratione unius, nec solum ad sublunaria, sed ad cœlestia quoque.

Dicimus secundo, Quod visum sequitur proxime auditus, cæteris præstans sensibus; tum artificiosa sui organi constructione; tum objecti præstantia, siquidem versatur circa sonoram proportionem numerorum, seu harmoniam de qua musica habetur; illius quoque finis nobilissimus est, scilicet, scientiarum adeptio, earumque non modo humanarum, verum etiam divinarum, nam ut Scriptura docet, fides est
ex

ex auditu; præterea dicitur auditus, prudentiæ sensus, quia multarum rerum auditione hæc virtus potissimum comparatur; valet etiam auditus ad animos componendos, nam per harmoniam, ut sacris legimus paginis David Sahulem hypocondriacum temperare solebat.

Dico tertio, Ad visum & auditum, accedit odoratus, cujus actio fit per species, & ad distantia objecta; sequitur gustus qui tactum tanquam fundamentum supponit, & supra ipsum aliquid addit; ultimo igitur loco ponendus est tactus, sensuum omnium communissimus, maxime materialis, sed maxime necessarius.

Objicies primo, Bonum eo melius, quo diffusius; atqui tactus diffusior est & communior quam quilibet sensus, imo præ cæteris necessarius, unde quibuscunque animalibus tam perfectis quam imperfectis convenit; ergo omnium sensuum est nobilissimus.

Respondeo, Concessa majore, negando minorem, ad probationem dico bonum oculi, seu visus diffusius esse quam bonum tactus, non quidem ratione subjectorum inhæsionis, nam tactus in omnibus animalibus est, non visus, sed ratione objectorum, cum visus circa plura & diffusiva objecta versetur, nempe circa ipsa cœlestia omnia
&

sublunaria : Quod autem de visu dicitur, de aliis sensibus, proportionem servata licendum est, quando ipsi cum tactu comparantur.

Objicies secundo, Ab Aristotele tactum uncupari in homine exquisitissimum. Respondeo, Aristotelem vocare tactum in homine exquisitissimum, non comparando illum cum aliis sensibus secundum se sumpti, sed tantum cum tactu in animalibus æteris existente.

Objicies tertio, Ille sensus est omnium præstantissimus qui facit magis scire; atqui sensus auditus est hujusmodi, ut patet ex eo quod cæci nati, non surdi, sunt sapientiores urdis natis, non cæcis; patet etiam quia longe facilius est multa ex magistro addiscere per auditum quam illa invenire per visum. Ergo visus non est omnium sensuum præstantissimus, sed auditus.

Respondeo, Distinguendo majorem; sensus est præstantissimus qui facit magis scire per se & ex natura sua, concedo majorem; qui facit magis scire per accidens, nego majorem propositionem; atqui sensus auditus facit magis scire, per accidens concedo, per se & ex natura sua nego; quia auditus addiscit quod facit non per se, ut fatentur, sed tantum per accidens, de quo non est quæstio; unde simpliciter neganda est consequentia.

Dispu-

Disputatio secunda.

De Sensatione.

Hac in disputatione quæremus de sensatione quid sit, utrumve possit ipsa sentiri, id est, aliquo sensu percipi, item de speciebus intentionalibus, an eæ sint admittendæ; quæ sit earum natura, quas qualitates, causas, & officia habeant, videbimus.

CAPUT I.

Quid sit Sensatio.

Dico primo; Sensatio non est species rerum intentionalium qualiscunque receptio, sed formaliter consistit in attentione, seu in actione & tendentia sensus ad suum objectum mediante specie sensibili. Primo quantum ad primam partem, qui oculis apertis dormiunt, vel qui vigilantes animum intendunt ad alia, recipiunt quidem species impressas ab objectis, & tamen non vident; ergo sensatio non consistit in qualicunque specierum recepti-

one.

ne ; Secundo quantum ad secundam partem ex definitiones ; definitur enim sensatio actus vitalis sensitivæ facultatis circa objectum sensibile. Dicitur actus vitalis ut significetur eam non consistere præcise in receptione specierum. Dicitur facultatis sensitivæ , ut insinuetur sensationem fieri non posse sine facultate vitali ; additur circa objectum sensibile ; ad distinctionem aliarum actionum vitalium, v. g. nutritionis, & augmentationis quæ circa quædam objecta determinata versantur, quemadmodum & sensatio, sed sub alia ratione quam quod sint sensibilia, seu sensu perceptibilia.

Objicies, Ex Aristotele passim sentire est quoddam pati : Objecta vero sunt effectiva sensationum ; ergo sensatio passio est & receptio, non autem actio.

Respondeo Aristotelem quibusdam in locis ita locutum esse ; Quia sensatio, seu actio sensus, circa objectum, non exercetur nisi interveniente specierum ab ipso objecto impressarum receptione ; quamvis non crediderit sensationem in tali receptione consistere ; nam e contra , *lib. 2. De Anima, textu 38.* Docet sensationem consistere formaliter in actione virtutis sensitivæ, asserit etiam quod sensibile facit sensum agere & operari ; nec non vocat animam

mam sensationis causam efficientem; e quibus omnibus sole clarius est, estimasse Aristotelem sensationem actionem esse non passionem tantum; quod si aliquando dicat sensum esse potentiam passivam & objecta esse sensationum effectiva, benigne & ad mentem est explicandus, ita ut ex tali loquendi modo colligendum sit solum, quod idem sensus est potentia passiva respectu objecti sensibilis externi a quo movetur ad agendum, & potentia operativa actione immanente quæ in se recipiatur.

Dicimus secundo, Sensationem non esse iudicium proprie dictum, quasi vero sensus actione sua possit unum cum alio componere per affirmationem, vel unum ab alio dividere per negationem, solius enim est intellectus tale tamque perfectum proferre iudicium; sed est simplex objecti apprehensio. Verum est tamen nonnunquam sensui, maxime interno, iudicium tribui, sed sane metaphoricum tantum, quatenus ita discernere potest inter objecta, ut cognoscat unum non esse aliud verbi gratia nigrum non esse album, vera & simplici apprehensione citra affirmationem aut negationem in qua iudicium, ut philosophi volunt, consistit; affirmatio vero aut negatio non sunt qualiscunque compositio
unius

unius cum alio, divisio unius ab alio, sed simul sunt cognitio rationis, cur compositio aut divisio sit, quod nulli sensui, seu externo, seu interno convenire potest.

CAPUT II.

Utrum Sensus possit sentire sensationem suam.

Satis manifestum est quod sensus externus sensationem suam percipere non potest, v. g. oculus, suam videre visionem, & auris suam audire auditionem nequit; quia si sensus suam perciperet sensationem, se supra ipsum reflecteret, quod potentiis materialibus, quales sunt sensus externi non potest convenire; si igitur aliquando philosophus dicat videre visum se vedere, aut quid huiusmodi; vel talia tantum dicit disputatione, & ex opinione aliquorum, non autem assertive & ex propria sententia: Vel dicit visum videre se videre, & auditum auditionem audire, applicando nomina sensuum exteriorum sensui communi interno, ad quem terminantur sensuum exteriorum sensationes,

M

tanquam

tanquam illius objectum quod percipit & de quo iudicat suo modo, ita ut sensus internus modo visus, modo alius sensus externus appelletur; quando, scilicet, de sensatione alicujus sensus dijudicat, propter intimam conjunctionem quam habet sensus internus ad externos, quibus tanquam ministris diversorum sensibilium, diversis etiam modis species referrentibus ad iudicium utitur. Unde,

Dicimus; Sensus internus cognoscit sensationes sensuum externorum; ratio est, quia ipsa bruta sicut & homines videns se videre, sentiunt seu percipiunt se audire & sic de cæteris: Ergo visio & auditio, atque adeo sensatio est in illis objectum alicujus sensationis & sensus; non quidem sensus externi ut jam dictum est: Ergo sensus interni; unde sequitur sicut conclusum est quod sensus internus cognoscit sensationes sensuum externorum.

Nunc vero dico nullum sensum agendo percipere privationem sui objecti; quia sensus agit tantum circa sensibile quod sensum immutat; atqui privatio sensibilis objecti non est quid sensibile, nec potest immutare sensum: Ergo sensus agendo circa ipsam privationem non percipit privationem sui objecti.

Objicies, Oculus potest discernere lucem

cem a tenebris ; Experimur enim quod si lupus adest ; ovise cito fugit ; quod si e contra abest, tutā manet : Ergo sensus agendo percipit absentiam sui objecti: Respondeo concedendo antecedens, negatione consequentis ; quia quamvis animal sensutum interno, tum externo inter objectum præsens & absens discernit ; non tamen ita, quia illius privationem seu absentiam agendo percipiat, de quo tamen quæstio est, sed tantum quia non sentit, seu amplius non percipit sensu objectum suum ; agendo facultate sensitiva in ordine ad ipsum quatenus illud absens, non amplius impressione suæ speciei sensum movet.

CAPUT III.

Utrum sint admittende species intentionales.

Quidam cum Empedocle & Platone docuerunt visum (de aliis sensibus est par ratio) operari circa objectum non per receptionem specierum ab ipso objecto, sed per emissionem quorundam radiorum ab ipso oculo in objectum ; e contra alii

opinati sunt cum Epicuro & Democrito visionem fieri per species ab objectis impressas; verum illas ponebant esse corpuscula ab objectis in sensus defluxa; sed hæc opinio stare non potest, nam hujusmodi corpora vix recipi possent tum in aere medio, tum in organo sine dimensionum penetratione, quicquid dicant, adversarii. Præterea vix ac ne vix quidem recta deferrentur ad sensum, quia pro sua tenuitate in aere facile de uno loco in alterum ventis & tempestatibus voluerentur. Neque etiam corpuscula hujusmodi ab objecto prodirent sine diminutione substantiæ ejus; vel etiam totali corruptione, si sensibile longe distaret a sensu; ista autem omnia ipsis sensibus sunt repugnantia. Unde,

Dico aliter dari accidentales species intentionales, sed sensibus ab objectis impressas; ita philosophus his libris cum proficitur sentire esse quoddam pati, & sensum recipere ab objecto seu esse quarundam formarum susceptivum: nihil enim est cur sensus pati aut recipere ab objecto dicatur, nisi objectum aliquid imprimat in ipsum sensum, nempe, speciem sui accidentalem: quia sensus v. g. visus est ex se indifferens ad hæc aut illa objecta percipienda; objectum ergo quod nunc videtur,

tur, sensum visus determinare debet ut videat; ergo ulterius debet aliquid in illum imprimere quo ipse determinetur: Istud autem quod imprimitur ab objecto, species quidem est non substantialis ut diximus, sed accidentalis.

Præterea, oculus non videt seipsum, nec ea quæ a tergo sunt. Quod si oculo speculum objiciatur, statim seipsum & quæ a tergo sunt videbit, atqui hujus rei ratio alia esse non potest, nisi quia objecta sui speciem immittunt in speculum, & speculum eas reflectit in oculum: Ergo ut supra dantur species intentionales.

Præterea, multorum recordamur præteritorum quæ describimus ut vidimus; atqui istud præstari non potest nisi per species accidentales sensibilibus objectis impressas sensibus externis, & illis mediantibus sensui interno; ergo ut prius dantur accidentales species intentionales.

Obicies, Non possunt esse duo accidentia ejusdem speciei, seu solo numero diversa in eodem subjecto: Atqui admisis speciebus duorum alborum in oculo, in eodem ex consequenti admittuntur duo accidentia solo numero distincta, nempe, duæ species quæ ab invicem realiter distinguuntur quomodo & objecta ipsa; ergo non

dantur species intentionales, seu illæ non sunt admittendæ.

Respondeo, Accidentum duo esse genera; alia enim dicuntur homogenea, quorum eadem est habitudo, idemque effectus; verbi gratia, ut sunt duo colores, duæ quantitates; alia sunt heterogenea, quæ quidem numero tantum distinguuntur, sed nihilominus diversas habent habitudines, diversosque formales effectus; huiusmodi sunt duæ species, duæ similitudines duorum alborum; nam effectus & habitudo unius speciei ad unum album, non est effectus & habitudo alterius speciei ad alterum album. Hoc ita posito, concedo maiorem objectionis si ea intelligatur de accidentibus homogeneis; e contra nego eandem si de heterogeneis accidentibus sit intelligenda.

CAPUT IV.

Quid sit species intentionalis.

Species intentionalis sic dicta quia per ipsam sensus tendit ad objectum, est qualitas quæ ad secundam speciem, nimirum ad potentiam naturalem refertur; non quod revera sit ipsamet potentia, sed quod ad potentiam sic pertineat, ut non possit

possit naturaliter operari potentia sine concurrente objecti specie intentionali.

Tam necessaria species illa definitur similitudo objecti seu ejusdem imago per illud ipsum in sensu producta. Dicitur similitudo, non quidem in natura, quasi sit species ens ejusdem rationis cum objecto cujus est species, sed similitudo tantum secundum representationem, & in ordine ad actionem sensus; per speciem enim illam agit objectum sensibile quatenus movet determinatque potentiam ad sentiendum seu percipiendum; unde non nunquam definitur, qualitas objecti representativa quæ determinat, redditque facultatem proxime dispositam ad agendum circa idem objectum percipiendo ipsum.

Non prætermittendum est sine animadversione quod species aliquando vocatur principium vitale, non quod sit a principio vitali, nam producitur quoque ab objectis inanimatis; sed ideo præcise quod cum principio vitali, id est, potentia sensitiva concurrat, tanquam unum agens totale ad sensationem producendam: Quod in causa est cur a nonnullis species sic definiatur, potentia animæ sentientis ad sensationem circa sensibile exercendam necessaria.

CAPUT V.

*De Quibusdam affectionibus
speciei intentionalis.*

Dicendum est primo, Quod species intentionales, quodammodo sunt extensæ & divisibiles per accidens, i.e. per extensionem & divisionem subjecti in quo recipiuntur, puta organi & medii: at vero secundum se & suam propriam rationem non sunt extensæ aut divisibiles, sed indivisibiles quemadmodum probatur per hoc quod in quacunque parte medii, v. g. aeris, est tota species ad representationem, ita ut idem objectum totum videatur a diversis, in diversis medii partibus collocatis.

Dicimus secundo, Species intentionalis non est ipsum lumen, vel in medio, vel in organo existens; cum enim lumen idem maneat in utroque subjecto; species e contra sæpe diversificatur, siquidem nunc album videmus, nunc nigrum in eodem medio, unde etiam non producitur species ab ipso lumine propter eandem rationem.

Dico

Dico igitur tertio, Species intentionalis producitur ab objectis v. g. a coloribus respectu visus, ratio est quia mutato objecto mutatur & species; unde sequitur quod species ab objecto pendet in ratione causæ efficientis, ita ut ab ipso producatum in medio, tum in organo, sicut calor ab igne, & lumen a sole efficiuntur in aere & corpore opaco in ipso existente.

Objicies, Colores non habent vim agendi, ergo ab illis nulla species producitur.

Respondeo distinguendo antecedens, Colores non habent vim agendi per quam producant sibi simile in natura immutando subiectum; concedo, non habent vim agendi per quam producant sibi simile secundum representationem sine immutatione subiecti, nego antecedens. Ut tamen hujus conclusionis veritas magis innotescat, sciendum est quod omnis forma in quantum hujusmodi, est principium agendi sibi simile: unde cum color, quædam sit forma virtutem habet producendi sui similitudinem in medio; sed est quoque observandum, quod cum ex formis una sit perfecta; alter imperfecta, ea quæ perfecta est forma, non tantum habet virtutem producendi sui similitudinem in susceptivo seu subiecto, sed præterea virtutem habet sufficien-

tem

tē ut susceptivum faciat proprium similis formæ subjectum per ejus immutationem; sic calor non tantum aliquam sui similitudinem producit in aere, sed etiam calorem verum, aeremque per immutationem reddit calidum: forma vero imperfecta habet quidem virtutem producendi sui similitudinem in susceptivo, puta in aere, sed non virtutem sic disponendi susceptivum ut illud faciat aptum subjectum similis formæ per immutationem; sic color producit quidem sui similitudinem in susceptivo puta in aere & oculo, sed non potest propter imperfectionem suæ formæ, vel aerem, vel oculum sic immutare, ut faciat eorum unum, aut alterum esse coloratum, vel proprium coloris subjectum.

Dicimus tertio, Producentur species intentionales ab objectis in instanti sicut lumen a sole: scilicet, quia species intentionales sunt qualitates perfectivæ, quæ cum nullam habeant qualitatem contrariam debellandam, vel in subjecto, vel in medio, statim in ipsis recipiuntur & producentur.

CAPUT VI.

*Utrum Species intentionales sint
sensu perceptibiles.*

Dico primo, Species objectarum non sunt sensibiles seu sensu perceptibiles; probatur conclusio nostra in sensu visus (de cæteris eadem est ratio) quicquid videmus, aut lumen est, aut color, seu luminosum aut coloratum; atqui species nec lumen sunt nec color, nec luminosæ, nec coloratæ: Ergo non sunt visibiles seu visu perceptibiles. Item species in oculo miscentur, objecta vero colorata, nigrum v. g. aut album non miscentur, cum e contra distincta videantur: ergo species objectorum non sunt sensibiles.

Dico secundo, Non species objectorum, sed ipsa objecta mediantibus speciebus sentiuntur, v. g. videntur in speculo; quia species quæ in speculo recipitur, sic in glacie recipitur ut locum mutare non possit, immota manente glacie; nec esse potest major quam ipsa speculi glacies: Atqui objectum quod in speculo videmus, nobis remotum a glacie apparet, nec non
mobile

mobile de loco in locum, ut si aliquis speculo oppositus accedat modo, & deinde recedat: In parva etiam speculi glaci objectum videmus maximum; ergo non species sed ipsum illis mediantibus videtur objectum, non quidem directa visione nam objectum sui speciem non mittit directe in oculum, sed per reflexionem quatenus objecti species in speculo recepta ad oculum usque nostrum reflectitur per speculi opacitatem.

Objicies primo, Non potest cognosci signatum incognito signo; atqui species est signum objecti: ergo objectum signatum videri non potest specie non visa.

Respondeo, Signum aliud esse formale, & aliud instrumentale: signum formale voco illud quod quocunque modo signatum representat, & est accidens aliquod ab ipso signato productum: hoc modo calor dicitur signum formale ignis: instrumentale vero signum, res est aliqua aliam rem diversæ omnino rationis significans, sic hædera præ foribus appensa, signum est instrumentale vini vernalis; hoc posito dico ad objectionem, speciem signum esse formale non autem instrumentale objecti; & objectum cognosci per tale signum quamvis signum ipsum non videatur; quia signum hujusmodi se habet tanquam forma
seu

seu principium cognoscendi in sensu ; illud autem quod cognoscitur, non debet se habere tanquam forma & principium cognoscendi, sed tanquam objectum seu finis ac terminus cognitionis ; istud autem apparet in luce quæ ingreditur compositionem oculi, nam quamvis ipsa sit principium videndi & instrumentum formale visionis, seu forma faciens oculum aptum ad videndum, lux tamen ista nunquam videtur ab oculo videntis.

Objicies secundo, Per quod unum quodque est illud, est magis tale : atqui per species intentionales, est aliquod sensibile, verbi gratia per species visibiles, aliquid est visibile ; ergo species sunt sensibiles, seu sensu perceptibiles.

Respondeo, Distinguendo majorem, per quod unum quodque est illud, est magis tale, si ea quæ comparantur inter se sint ejusdem ordinis, concedo majorem ; si sint diversi ordinis, nego illam : unde concessa minore, nego consequentiam, quia species sensibiles, & objectum sensibile cognoscendum per illas non sunt ejusdem ordinis sed diversi ; illa enim sunt in ordine principiorum cognoscendi ; hoc vero est in ordine finium, seu objectorum cognitionis.

Quæres quomodo intelligendum sit illud

Iud axioma, sensibile supra sensum positum non facit sensationem.

Varii varie respondent ad quæsitum; Quidam enim contendunt dictum illud intelligendum esse tantum de sensorio visu, seu oculo quem putant sine additione sensum vocari per excellentiam hac ratione ducti, quod si immediate applicetur visibile supra oculum nulla visio objecti fit: in aliis vero sensibus ad sensationem sensorii contactus per sensibile intervenit, ita ut sonus ad auditionem aures feriat; odores per exhalationem ad sensorium seu organum ad odorationem transvolent; sapores sua entitate sensum gustus ad gustationem immutent; & tactile objectum suum etiam entitate organo tactus conjungi debeat, ut ejus perceptio fiat.

Alii opinantur axioma istud non visui solum convenire, sed etiam auditui & odoratui, hac ratione quod objecta sensibilia si applicentur immediate sensoriis seu organis, sensum lædant; quæ autem sensum lædunt, dum percipiuntur, non proprie sentiuntur; nec actio ista sensuum circa talia objecta, sensatio dici debet, sed insensatio potius; nec ipsa objecta sunt dicenda sensibilia, sed potius insensibilia: sed eadem ratione, ut apparet, potest dictum illud cæteris convenire sensibus, gustui

gustui, nempe, & tactui quia nimirum eadem sensatione sensibile vehemens illis notivum est & sine læsione ab illis non percipitur.

Verum etsi probabilitatem aliquam habeat prior expositio, & priori probabilior sit secunda, tertia tamen quæ posterior est, qua simpliciter dicitur axioma præfatum pertinere ad omnes sensus æqualiter, quia nullus eorum est qui percipiat objectum si illius contactus sit ad sensorium, mihi omnium est probatissima, licet in multis quoque sit falsa, si sensorii nomine (ut fieri solet) intelligatur proximum exterius organum sensus; v. g. pupilla respectu visus auris exterior, respectu auditus, nasus respectu odoratus, lingua, respectu gustus; & caro exterior respectu tactus: nam quemadmodum experientia patet ad contactum sapidum ad linguæ cuspidem sensatio sequitur; & ad carnis contactum per tactile, etiam sit ejus perceptio. Sed cum ista proprie organa non sint, seu sensoria, sed potius media per quæ debent transferri species objectorum ad ultima sensoria in quibus sensatio fit, ut patebit ex dicendis infra de sensibus in particulari, adhærendum est tertiæ huic sententiæ, quare.

Dicimus tertio, Pro conclusione verum esse

esse in universam de omnibus sensibus quod sensibile supra sensum positum non facit sensationem; quia sensibile non agit in sensum cujus objectum est, quomodo contrarium, in contrarium, aut dissimile in dissimile, aliquid corrumpendo aut alterando in sensu alteratione corruptiva, sed agit tantum perficiendo & alterando ipsum alteratione perfectiva, i.e. inducendo speciem sui, seu similitudinem citra abjectionem alicujus qualitatis qua antea perficeretur.

Iterum cum agat sensibile in sensum isto modo, id est, perficiendo illum seu inducendo in ipsum sui speciem; species illa non potest immediate recipi in sensu, adeo ut secundum suum esse physicum & reale per illam receptione qualitatis sensibilis, qualis est in sensibili objecto, sensus immutetur: nam sensus quilibet debet discernere inter quælibet singularia sensibilia quæ cadere possunt sub eundem sensum; atqui si sensus immediate reali specie recepta sensibilis objecti afficeretur, sic ut per illam physice & realiter immutaretur, recipiendo qualitatem illi quæ in objecto est similem, non posset inter singularia sensibilia discernere; quemadmodum si aliquo colore oculus sit affectus, non potest amplius alios colores discernere, ut experientia

rientia apparet in his qui per vitrum coloratum alia conspiciunt objecta, quibusque omnia videntur ejusdem coloris cum vitro medio: similiter si pravo sapore lingua conspersa fuerit, pravi quoque apparent omnes reliqui sapes, par est ratio de cæteris sensibus; ergo probatum relinquitur quod sensibile supra sensum positum non facit sensationem.

Disputatio tertia.

De sensibus externis in particulari.

CAPUT I.

De objecto visus.

Satis perspicuum est quod nec color solus, nec lumen sine colore est adæquatum visus objectum; Ideo,

Dico primo, quod utrumque simul, seu visibile generatim quatenus lumen & colorem complectitur, est adæquatum visus objectum; adeo ut nihil percipiatur ab oculo nisi lumen & color, vel utrumque simul in colorato & illuminato quæ sub visibili continentur. Sed,

N

Notan-

Notandum est, lumen esse primum visus objectum, ut pote quod se solo & sine alterius ope visum terminare potest, quemadmodum patet in lucidis, non coloratis; cujusmodi sunt cœlestia corpora. Quare,

Dicimus secundo, Colorem esse tantum objectum visus secundarium, quia non nisi per lumen percipitur; unde si in tenebris nonnunquam ligna putrida aut hujusmodi quidquam aliud videri possunt; non ita contingit per colorem, sed per lucem aliquam eis inexistentem, ex qua ea nobis sunt visibilia.

Præterea, ad videndos colores lumen requiritur, tum ex parte medii, tum ex parte organi, tum ex parte ipsiusmet coloris. Requiritur quidem lumen ex parte medii; quia lumen est motivum perspicui actus, id est, medii transparentis, quatenus objectum oculum movere non posset, nisi per ipsum lumen in medio diffusum. De organo etiam patet; nam si quis oculos claudat, adeo ut non illuminentur, nequaquam objectum videbit. Idem denique ostenditur de objecto colorato; nam experimur, quod tabella in eodem loco posita diversis temporibus secundum aliquas partes nobis melius magisque apparet, quam secundum alias: Istius autem differentię origo alia non est, ut liquet quam
majoris,

majoris, vel minoris luminis dissimilitudo;
seu participatio. Ergo ad videndos colo-
res lumen requiritur, tum ex parte medii,
tum ex parte organi, tum ex parte ipsius
coloris.

CAPUT II.

De Luminis quidditate & proprietatibus.

NOta ad sequentes conclusiones, quod
quamvis lucis, luminis, & splendo-
ris eadem sit ratio formalis; illa tamen
diversa est materialiter considerata, & ex
parte diversorum subjectorum: ita ut
eadem qualitas, lux dicatur in corpore lu-
cido v. g. in sole; lumen in medio, verbi
gratia in aere; & splendor in objecto il-
luminato lucem illam reflectente, v. g. in
pariete. Hoc supposito,

Dico primo; Lumen non est substantia;
quia omnis substantia, vel corpus est, vel
spiritus: atqui lumen non est corpus, alio-
qui produci non posset in aere sine dimen-
tionum penetratione; siquidem aer nullos
habet poros, per quos lumen diffundi possit;
sed continuissimus est; nec valet aeris

repressio aut condensatio ; quia admissa ista repressio aut condensatione aeris sequeretur quasdam aeris partes luminis proximas esse illuminatas , & quasdam alias ejusdem aeris, nempe, remotas, non ita esse luminosas, sed aliqua obscuritate affectas ; quod experientiæ communi est contrarium ; præterea, corpus illud aere ventis agitato transferretur de loco in locum ; & sic posset fieri , ut secundum ventorum exitus partes aeris illuminatæ redderentur tenebrosæ, & sic sole lucescente multæ civitates lumine privarentur ; quod omnibus absurdum videtur : neque etiam lumen spiritus est ; quia nullus spiritus est sensibilis ; lumen autem est sensibile , id est, sensu perceptibile : Ergo, ut in conclusione lumen non est substantia ; Sed,

Dicimus secundo, Lumen esse qualitatem ; quia lumen producit a corpore lucido, in distante alio corpore, per medium : atqui solis qualitatibus inter cætera accidentia sic produci convenit ; ergo lumen est qualitas : ad tertiam autem qualitatis speciem , patibilem qualitatem, revocari debet ; nam patibilis qualitas, est qualitas instituta ad totius, cujus est, conservationem, ornatum, & perfectionem, ut calor naturalis & humidum radicale respectu animalis , & lumen respectu substantiarum

Sen-

Sensibilum nam lumen ut sic perficit, completque substantiam in esse suo simpliciter.

Dico tertio, Lumen sic sumptum & quatenus distinguitur a luce, definitur actus perspicui; ut perspicuum est. Dicitur primo, actus, id est, forma, scilicet, accidentalis, nequaquam substantialis: dicitur secundo, perspicui, id est, transparentis medii, seu translucidi, quod non tantum in superficie, sed in se toto lumen recipit: perspicuum enim est duplex, unum transparens, seu diaphanum, id est, translucidum, quod interminatum vocari solet & nomine perspicui (ubi additio non fit) intelligitur, hoc autem perspicuum medium est per quod a corpore lucido v. g. sole in objectis distantibus producitur lumen: huiusmodi est aer, aqua, & vitrum; aliud perspicuum est non transparens, quod admixtam habet opacitatem, quodque propterea terminatum nuncupatur; hoc autem perspicuum dicitur secundum quid & cum additione: huiusmodi sunt astra: iterum observandum est perspicuum transparens interminatum esse duplex; nam aliud lucet lumine proprio, ut ignis extrinsecus elementaris; aliud vero lumine alieno solum, ut aer & aqua. Cum hoc ita sit, perspicuum hic sumitur pro transparente quod lucet alieno

lumine, & quod medium est, quo oculus fertur in perspicuum terminatum; alioquin ista luminis definitio convenire posset lumini in aliis corporibus perspicuis terminatis existenti, ut astris, quæ admixtam opacitatem habent. Dicitur tertio, ut perspicuum est, id est, quatenus per illud lumen illuminatum actu medium oculus videre potest, ut removeantur aliæ qualitates quæ eidem perspicuo aliunde convenire possunt, per quas præcise & formaliter non efficitur actu perspicuum, id est, pellucidum seu translucidum medium.

Dicimus quarto; Hæ sunt præcipuæ luminis proprietates; primo, qualitas hæc dicitur cœlestis, tum quia cœlestibus conveniens est corporibus, tum quia a nullo contrario patitur, & quemadmodum cœlestia agit citissime, nec non ad remotissima quæque in instanti ex sua natura diffunditur, dico ex natura sua, nam si habeatur ratio subsectorum quantorum, seu quantitatem habentium, nec non motus localis quo luminare lumen fundens progreditur, successive quamvis per accidens tantum, perducitur & producit in diversis locis; secundo, elementares qualitates eminenter complectitur, unde calefacit, exsiccatur, & liquefacit; tertio lumen omnia purgat, quia est purissima qualitas; quarto luminis
qualitas

qualitas & proprietas est valde immaterialis inter materiales qualitates, & multa quasi immaterialiter penetrat; quinto, ex se sola visibilis est; sexto, illa qualitas sui speciem per medium obscurum emittit; quemadmodum experientia communi constat, siquidem astra noctu lucent & videntur medio, aere manente obscuro: unde quod supra dictum est, lumen requiri in medio ad visionem, intelligendum est de visione colorum qui sine lumine sunt invisibiles; septimo, igitur lumen omnia detegit, & sine lumine cuncta latent, etiam in mundo pulcherrima & excellentissima; octavo, omnibus proprie animalibus grata est ista qualitas, bubonibus tantum & noctuis, paucisque admodum feris est invisæ, & quidem per accidens tantum; eo quod sub lumine ab audientibus aliis ferocioribus quæ persequi valeant, deprehenduntur; nono, refringitur seu remittitur per admixtionem corporis, pellucidi quidem sed quod nonnihil densitatis habet, & reflectitur oppositione corporis opaci simpliciter; decimo, sui ipsius particeps facit quicquid ipsi proprius quoquomodo adhibetur; undecimo, immobilis aliis motum affert; duodecimo, denique omnia vitali colore renovat;

CAPUT III.

De Colore, quid sit, & quomodo a lumine distinguatur.

NOtandum est primo, Colorem late sumi pro eo omni quod visum terminare potest : Hoc modo nubes, irides, aquæ, & hujusmodi res aliæ coloratæ dicuntur ; nota secundo, colorem communiter sic sumptum dividi in apparentem & verum. Verus dicitur color, qui resultat ex primarum qualitatum temperie, non ratione habita condensationis & rarefactionis subjecti, quemadmodum patet in ligno, marmore, & aliis quæ diversorum sunt colorum, sicut & diversarum qualitatum primarum secundum temperiem, non ratione habita condensationis, aut aliquo modo rarefactionis subjecti, seu majoris aut minoris condensationis ; apparens autem coloris dicitur, qui ex diverso luminis aspectu, refractione & reverberatione cum condensatione & rarefactione subjecti producit, qualis ille est qui in nubibus conspicitur. Apparens autem nuncupatur, non quod nullam habeat entitatem, nam

ens reale est, nempe, ipsum lumen aliqua opacitate obscuratum, sed talis dicitur respectu veri coloris, de quo potissimum hoc loco dicendum est. His notatis,

Dico primo, Verus color definitur ab *Aristotele secundo lib. De Anima textu* 66. Motivum perspicui actui, id est, translucenti ut lucidum est, quatenus color in illo & per illud suas emittit species. Color aliter etiam definitur, *τὸ διαφανὲ ἐν σώματι ὁρισμένον πέρας*, terminus perspicui in corpore definito seu terminato, id est, opaco: ultima illa definitione, color dicitur terminus, non quod revera illi conveniat terminare corpus, (hoc enim proprium est quantitati) sed ideo tantum, quod in superficie, seu in extrema quantitate color nobis apparet; dicitur secundo; in corpore definito, seu terminato, id est, opaco, ad distinctionem colorum apparentium, qui visum quidem aliquo modo terminare possunt, sed quorum subiectum non est simpliciter terminatum, seu opacum.

Dicimus secundo; Color est qualitas distincta realiter a lumine; quia lumen est actus perspicui cujuslibet, ut perspicuum est, conveniens perspicuo subiecto tum terminato seu opaco, tum interminato seu transparenti; color vero convenit solo perspicuo terminato seu opaco; præterea
lumen

lumen est actu visibile in interioribus quibuscunque partibus corporis perspicui transparentis ; color e contra tantum actu visibilis in extremis partibus terminati corporis , unde definitur in abstracto, extremitas corporis perspicui terminati ; in interioribus autem partibus corporis terminati non est actu visibilis , sed solum potentia , ut omnibus manifestum relinquitur : demum lumen per se visibile est ; color vero non nisi per lumen videtur ; quia non potest sui speciem propagare per medium, quod non sit actu perspicuum ; fit autem medium actu perspicuum diffusionem luminis. Unde ex his, ipsa luce clarius est, lumen non esse colorem, sed hunc ab illo realiter distinguere.

Objicies tamen, lumen movit perspicuum actu, ergo lumen est color, & sic non distinguitur ab illo.

Respondeo concedendo antecedens, negatione consequentis ; quia lumen & color movent perspicuum diversis longe modis : Siquidem lumen perspicuum movet, illud constituendo formaliter in esse perspicui actu : Color vero perspicuum movet, non illud constituendo perspicuum, seu pellucidum, sed dum movet ipsum, supponit jam actu perspicuum esse : Unde lumen vere & realiter est actus perspicui,

cui, & est in ipso perspicuo subjective, est-
que quasi color perspicui; secus vero co-
lor; non enim aer est coloratus, sed tantum
species coloris recipit.

CAPUT IV.

De origine & speciebus colorum.

Observandum est, Colores quoscunque
Apparentes distinguendos esse a veris:
Deinde etiam ex apparentibus coloribus
distinguendos esse eos, qui in subjecto ter-
minato seu opaco conspiciuntur, ab illis,
qui in interminato seu non simpliciter opaco
videntur, quales sunt colores, qui in aere,
nubibus, & aquis cernuntur. Hoc præ-
notato,

Dico primo, Apparentes colores in sub-
jecto opaco oriuntur ex oppositione directa,
vel reflexa; veri coloris lumine interveni-
ente; ita ut, cum solis lumen directe fertur
in verum coloratum, & ab illo statim re-
flectitur in quidpiam aliud, simul cum ip-
sius luminis reflexione species coloris dire-
cte illuminati in objectum aliud oppositum
reverberetur.

Dicimus tamen secundo, Oriri posse co-
lores apparentes in subjectis non simpliciter
opacis

opacis ex sola luminis irradiatione; quatenus hoc vel illo modo in corpus quadam opacitate & perspicuitate permixtum reflectitur, vel refringitur; tales sunt colores nubium & aquarum: in quibusdam etiam hujusmodi subjectis, quæ apparentibus coloribus afficiuntur aut tinguntur, cum irradiatione & reflexione concurrere potest vicinus color, quemadmodum sæpe in vitro, aqua, & hujusmodi aliis, continet.

Nunc notandum est, ad sequentem conclusionem de veris coloribus, inter veros colores, alios esse simpliciter simplices, alios vero secundum quid, tantum simplices, id est, compositos, si comparentur cum coloribus simpliciter simplicibus, & simplices, per comparisonem ad alios magis compositos, qui oriuntur ex permixtione plurium simul colorum. Colores simpliciter simplices conveniunt elementis secundum extrinsecum aliquam rationem, & quatenus apta sunt admixti compositionem; non autem secundum se præcise, nam sic elementa non sunt colorata, cum nullo modo sic sint visibilia; colores simplices secundum quid conveniunt corporibus mixtis, seu elementaribus, quæ nempe obtinent colorem ex diversis mixtum, sicut & sunt temperamenti ex diversis elementis.

elementorum qualitatibus mixti. Hoc
 posito;

Dico tertio ; Colores veri simpliciter
 simplices illi sunt, qui (ut quidam loquun-
 tur) extrinsecis elementis, id est, aptis
 ad mixti compositionem conveniunt,
 & naturales eorum qualitates respectu ele-
 mentarium simplices consequuntur; colo-
 res autem veri secundum quid simplices
 consequuntur diversam corporis mixti
 temperiem, ita ut pro diversa qualitatibus
 in illo primarum mixtione, diversi etiam
 in eodem sint colores ; unde si in elemen-
 tis istis extrinsecis haberentur, nulli vi-
 derentur colores his similes, quos in quibus-
 vis corporibus deprehendimus ; quia quæ-
 cunque illa quæ videmus corpora ex diver-
 sis qualitatibus multorum elementorum
 mixta sunt, & proinde colorem habent
 non simpliciter simplicem, sed composi-
 tum.

Quantum spectat ad species colorum;
 dicimus colorum alium esse extremum,
 alium esse medium. Color extremus di-
 citur ille, qui cum alia ita pugnat, ut nec
 ipse cum altero, nec alter cum ipso ita pug-
 net : Hujusmodi sunt albedo & nigredo,
 illa visum disgregans, hæc vero congre-
 gans ; colores medii sunt in duplici diffe-
 rentia, etenim quidem fiunt ex commix-
 tione

tione extremorum per eorundem alterationem ; ut color fuscus, qui nihil aliud est, quam color niger remissus ; similiter griseus color respectu coloris albi : Alii sunt colores medii, qui ex mixtione extremorum non sunt, sed quia extremi non sunt, ideo solum medii nuncupantur : hujusmodi sunt viridis color, rubens, & alii permulti.

CAPUT V.

De Visione, quomodo fiat.

SUPPOSITO tanquam certo ex dictis, disputatione de sensatione in genere, visionem seu sensationem secundum visum actionem esse visivæ facultatis circa objectum visibile, hic inquirendum, aliud non superest, nisi quomodo visio fiat. Ad solutionem hujus quæstionis,

Dico primo, Visionem non fieri per extramissionem quorundam spirituum ab oculo in objectum, quia non est tanta vis in oculo ut secundum illam eos in objecta valde dissita emittere possit ; præterea, visio fit in instanti ; spiritus autem in instanti ferri non possunt ab oculo in objectum, quia motus localis, qui ista in emissionem reperitur

reperitur necessario successivus est. Præterea etiam, cum spiritus illi quædam sint substantia corporea sed tenuissima a ventis propellerentur, atque ita, ipsis flantibus visio recta non fieret.

Dicimus itaque secundo, Neque visio fit per irradiationem, adeo ut oculus radios ex se emittat in objectum: nam præterquam non credibile est oculum irradiare posse ad tam multa & tam dissita quæ simul videmus; non nisi garriendi causa sustineri potest, radios ab oculis missos tam tenues, non solum ad Cœlestia usque quæ conspiciamus pertingere, sed præterea ad oculos irradianes reverberari, ut reverberatione ista objectorum visorum species seu similitudines ad sensum refferant; cum valentissimi solares radii, neque tantum possint per terram reverberari, seu reflecti usque ad mediam aeris regionem; cujus reverberationis defectu ista in aeris plaga viget frigus, & frigore vigente vapores elevati per calorem, paulatim ad pristinam suam frigiditatem revocantur & condensantur in nubes.

Dico tertio, Visio fit per intromissionem specierum ab objectis in sensum defluxarum, seu quatenus oculus recipit species intentionales ex se & in se ab objecto educatas sicut explicatum est præcedenti disputatione. Unde,

Dicimus

Dicimus quarto, Plura & diversa numero vel etiam specie subjecta una eademque visione percipi posse, v. g. hoc nigrum & hoc album, chartam & attramentum in scriptione, quia ista multa in una eademque ratione objecti visibilis conveniunt, unde veluti speciem unam totalem ex pluribus partialibus conflata in oculum emittunt.

CAPUT VI.

De organo visus.

NOtandum est, Nomen organi multifari-
Nam accipi apud Authores, ita ut apud aliquos, organi nomine, intelligatur non solum sensorium seu pars illa, in qua sensatio perficitur, verum etiam alia, in qua sensatio inchoatur tantum; & quidem hoc maxime notandum est: nam ex usurpatione istius vocabuli in diversa significata, natae sunt inter Philosophos multae, gravesque altercationes de organis sensuum, quibus solvendis multum facit, si advertatur ad nominis multiplicem significationem sub qua potest uturpari. Quod autem hic dicendum de organo visus, cum proportionem intelligendum erit de aliorum sensuum organis. Hoc notato

Dico

Dico primo, Oculi non sunt organum visus ultimum, hac ratione, quod in illis visio perficiatur, sed organum illud, seu sensorium, in quo visio perficitur, sunt nervi optici, seu visivi ab oculis precedentes ad cerebrum ea parte qua circa cerebrum conjunguntur & uniuntur.

Probatur conclusio experientia in exemplo, quod affert *Aristoteles libro De sensu cap. 5.* eorum nempe, quibus aliquo vulnere circa tempora venæ & nervi, quibus continuantur oculi, amputantur; in his enim subito tenebræ fiunt per visus amissionem.

Probatur secundo, ex unitate numerica sensationis seu visionis: Nam, si in oculis visio perficeretur tanquam in principio visivo, & sensorio præcipuo, non esset ratio, cur non fieri unius objecti duplex visio, seu cur quod est simplex, duplex, non appareret; neque etiam reddi posset ratio (quod tamen indubitatum est) cur clarius duobus oculis idem objectum quam uno solo deprehenditur: Quibus omnibus facile est respondere, si dicatur principium visus, seu organum in quo visio perficitur esse nervos opticos ea parte, quia circa cerebrum uniuntur; tunc enim respondebitur, quod ideo est una numero visio, licet sint duo oculi, & per consequens duæ pupillæ, & duo humores aquei pupillarum,

O

quia

quia visio utriusque concurrit per quosdam nervos ad aliquod intrinsecum suum organum quod est circa cerebrum.

Dico tamen secundo, Oculi igitur sunt organum visus proximum, sed hac ratione tantum, quod in oculis visio inchoatur, & visus utriusque oculi concurrit ad unum principium in quo visio perficitur, & completur.

Nota itaque ad maiorem, Claritatem imposterum nos usuros esse distinctione organi primi seu ultimi, seu intrinseci, & organi proximi seu extrinseci, ita ut per primum, seu ultimum, seu intrinsecum intelligamus illud in quo sensatio perficitur & per proximum organum seu extrinsecum intelligamus illud, in quo sensatio inchoatur, quamvis in eo non perficiatur.

Juxta autem hanc distinctionem ultimum seu intrinsecum visus organum in quo visio perficitur patet, ut dictum est, esse nervos opticos ea parte, qua circa cerebrum uniuntur, organum vero proximum extrinsecum, in quo visio inchoatur esse oculum, qui quidem duplex invenitur in quolibet animali perfecto, scilicet, ut unus ab alio juvetur, deficientique alteri alter opituletur. Oculi vero partes præcipuæ sunt tunicae, humores, nervi & musculi.

Tunicae

Tunicæ quatuor recensentur, prima dicitur adnata, estque illa exterior cutis alba, quæ oculum cum apite conjungit, secunda vocatur cornea, ob similitudinem quam cum cornu habet, ratione duritiei & transparentiæ; tertia uvea dici solet, quia folliculo uvæ similis est, in cujus media parte foramen est, per quod fieri transmissionem specierum atque edeo visionem constat; quarta demum appellatur aranea, quod sit in modum telæ aranearum efficta.

Humores tres numerantur, primus dicitur aquens, vel albuginens, quia, ut aiunt, speciem aquæ, vel albuminis ovorum refert, et is medius est inter tunicam corneam & uveam constitutus; secundus, crystallinus vocatur, quia similis crystallo est: humor iste ex parte interiori tegitur aranea tunica, & ab exteriori, alio tertio humore qui vitreus dicitur; vitreus, inquam, quia in parte exteriori aliquatenus durus est, quasi vitrum coctum, sed transparens; in interiori vero parte, quasi vitrum non coctum & liquidum.

Nervi duo sunt præcipui, vel unus tantum divisus in duos minores, qui ab anteriori cerebri parte descendunt in oculos per transversum & in modum crucis.

Musculi denique sunt leviores nervi continuentes

tinuantes, tum pupillam visivo principio principali, id est, ubi nervi optici prope cerebrum adinvicem conjunguntur; tum quoque ipsum oculum aliis partibus. Ad hoc præterea necessarii sunt muscoli, ut oculum diversis modis moveant, & circumferant. Muscoli illi, cum sint numero plures, communiter septem recensentur.

Quantum ad externum illud visionis organum, id est, oculum, facultas videnti potissimum residet in pupilla, seu in humore crystallino, qui in illa continetur; ita ut aliæ oculi partes sint per naturam positæ in ministerium & conservationem illius; ut patet primo, ex eo, quod cum alicui violenter effodiuntur oculi, aqua illa crystallina statim fluit; secundo, & præsertim ex eo quod ibi inchoatur visio, non perficitur quemadmodum dictum est: Si autem ita est, debet pupilla habere conditiones mediæ, quod necessarium est perspicuum esse seu diaphanum, alioqui species intentionales ipso terminarentur, nec transmitti possent ad ultimum organum in quo sensatio seu visio perficitur. Cum ergo talis sit humor crystallinus in pupilla, ut perspicuus sit, & ad fluxum ejus visio fieri desinat, dicendum sicut statim supra facultatem visivam magis in pupilla seu

seu in humore pupilla contento residere,
quam in alia quavis oculi parte.

CAPUT VII.

De objecto auditus.

Visum sequitur auditus, cujus objectum ita est sonus, ut a nullo alio sensu percipiatur, nihilque etiam aliud percipiat auditus quam sonum, qui tamen non est motus proprie & formaliter; nam motus est quoddam sensibile commune, sub plures sensus veniens, sonus e contra est sensibile proprium. Adde quod multa sine sono moventur ut cœlestia. Verum est tamen, quod motus semper comitatur, adeo ut, non fiat sonus, nisi cum motu; si ergo aliquando sonus appellatur motus apud philosophum, talis non dicitur formaliter, sed causaliter solum, id est, quia causatur a motu. Unde,

Dico primo, Sonus est qualitas successiva apta percipi sensu auditus. Dicitur primo, qualitas, quia ad nullum aliud genus aut prædicamentum revocari potest, ut intuenti patebit. Dicitur secundo, successiva, non quod tota soni ratio non percipiatur simul, & in instanti, sed tantum,

quia non habet esse diu permanens, fixum & quiescens in subiecto, cum per motum localem successive generetur, & in quadam immutatione consistat. Dicitur tertio, apta percipi sensu auditus, ut distinguatur a motu, qui non modo ab auditu, sed ab aliis quoque sensibus percipitur; item ut intelligatur qualitatem istam patibilem, proprium, & adæquatum esse auditus obiectum.

Dicimus itaque secundo, sonum dupliciter fieri, primo ex collisione seu percussione duorum corporum, inter quæ, aliud quod mobile seu fluidum sit, intercipitur; secundo ex fractione unius corporis, alio corpore fluido interveniente ad replendum locum, quem partes abinvicem fractione separatae desinunt; quemadmodum in panni, vel membranæ alicujus laceratione contingit.

Tria igitur ad sonum conficiendum requirantur corpora, duo, nempe, quæ adinvicem allidantur, vel quæ sint abinvicem fractione separata, & alterum pro medio interveniens: illa estimantur causa soni efficiens, istud vero materialis, utpote, cui sonus inhærere, tanquam subiecto suo creditur. Unde *Aristoteles lib. De sensu & sensibili*, docet esse alicujus ad aliquid in aliquo, id est, percussi ad percussum, seu fracti

fracti ad fractum in medio inter utrumque intercepto & compresso.

Præterea, ex parte corporum efficientium sonum, tales requiruntur conditiones; prima, ut sint dura, secunda, ut sint plana & polita, tertia, ut multum aeris in se contineant. Tot talesq; conditiones requiruntur; non quidem præcise ad sonum, sed maxime ad sonum perfectiorem seu excellentiorem. Ex parte autem corporis medii seu subjecti in quo sonus recipitur, requiritur, ut fusile sit, non durum aut solidum, unde aqua medium quidem soni est, sed minus aptum, aer autem, quia valde mobilis & tenuis, aptissimum est medium.

CAPUT VIII.

De auditione, quomodo fiat.

Dicimus pro conclusione, Non semper fieri sonum per realem aeris commotionem ab illa parte in qua sonus incipit fieri usque ad auditum, sed sæpissime tantum per specierum intentionalium propagationem a sonabili usque ad sensum: quemadmodum patet ex eo quod Mergites experiuntur se ex aquarum fundo sonos audire in aere, editos quamvis constet aerem

non penetrare aquam, ut ad illorum aures perveniat : potest tamen sonus aliquando ad aures realiter pervenire ex majori aeris commotione, sed ita semper auditionem fieri non est necessarium, utroque isto modo sonum audire, scilicet, per specierum intentionalium propagationem, & realem immutationem, his verbis solet explicari, fieri intentionaliter, & fieri realiter.

Fit siquidem realiter sonus, quatenus pars aeris, primum mota, alias atque alias deinde movet usque ad sensum per varias inundationes seu circulos, quales videmus in aqua contingere, quando ex percussione ad lapidis jactum partes aquæ viciniore, deinde remotiores, & sic deinceps usque dum impressa primo moventi aquæ virtus omnino deficiat, invicem se movent; ita ut aqua sequens ultimo mota, sic moveatur, quod amplius movere non possit, sed mota tantum, non movens maneat : in istis enim aeris circumgirationibus sonus secundum suam entitatem multiplicatur. Veri simile igitur est sonum multiplicari posse usque ad auditum realiter, idest secundum entitatem Physicam, non tantum secundum speciem intentionalem, quando ipse vehemens est, & aer proxime ad aures commovetur; quamvis circa sonum nunquam agat auditus, nisi mediante specie intentional

tionali ab eodem sono sibi impressa, cujus rei ratio est, quod aer internus, qui ad organum auditus pertinet circumdatur, pelle seu meninga, quæ prohibet, ne aer ille localiter moveatur, nisi fortasse cum gravissima sensorii læsione, aut totali corruptione, ut experientia patet.

Hic non est prætereunda Echo, quæ est sonus reciprocus & reflexus, ex loco lævi, & concavo; etenim, quemadmodum lumen & species intentionales in corpus politum incidentes reflectuntur, ita etiam sonus, si incidat in corpus æquale, leve & concavum, in quo non frangatur, reflectitur: Unde Echo generatur ex prioris soni specie reflexa ad nos perveniente; quod pluribus vicibus fieri potest; si vox reperiussa in alia loca concava continua semper incidat: unde in Olympiæ porticu eadem vox septies reddebatur referrente *Plinio, nat. hist. l. 36. c. 15.*

CAPUT IX.

De organo auditus.

HUc revocanda est distinctio organi in proximum, seu immediatum, seu externum

ternum, & in primum seu remotum, seu internum, quæ sic distinctæ possunt ita usurpari, ut organum proximum seu externum simpliciter organum dicatur: organum vero primum seu internum, proprio nomine sensorium nuncupetur: hac posita distinctione, si sermo sit de proximo seu externo auditus organo.

Dico primo, Organum auditus situm est in auribus, quæ propter necessitatem, duæ sunt, in illis autem, duæ potissimum distinguuntur partes, exterior, videlicet, quam auriculum nuncupant, & interior, quam aurem dicunt. In auricula, duæ sunt partes; alia superior, quæ cartilaginosa est, & ala dicitur; alia inferior & magis carnosa, & lobus appellatur, in aure, multa quoque sunt distinguenda, nempe, primo meatus quamplures, secundo, tympanum; tertio, nervus auditorius, quarto, aer innatus; primus meatus foris obvius & patens, tortuosus sursumque elevatus terminatur tympano, quod est quædam membrana in modum araneæ telæ subtilis tensa, ut sonus ad auditum perveniat; membrana ista maxime continua & firma est, ne sonus vehementior vim auditivam obtundat, post tympanum secundus est meatus, quem Pelium vocant, in quo continetur aer quidam innatus, quem propterea in-
edificatum

edificatum & immobilem dicunt quamplures ; isto in aere a multis creditur vis auditiva residere, sicut in humore crySTALLINO visiva virtus. Sequitur tertius meatus, quem Labyrinthum vocant ; post eum, quartus alter apparet, simpliciter foramen dictus, in quo reperitur nervus auditorius a cerebro procedens in aurem utramq; per divisionem ejus in duos nervos minores, uti supra de nervo optico.

Quod si, Ubi sermo est de organo auditus, quæstio intelligatur de primo organo seu remoto, vel ut uno verbo dicam de sensorio in quo sensatio, id est, auditio perficitur.

Dico secundo, Organum seu sensorium auditus non est ille aer immobilis meninga inclusus, sed nervus auditorius ; nec ille quidem secundum duas partes in quas dividitur, & per quas utramque aurem pertingit, sed secundum illam partem in qua nervi isti auditorii ab auribus procedentes ad cerebrum uniuntur, in unumque concurrunt : Ea enim parte auditio perficitur ; cum in aere meninga incluso & in extremitatibus nervi in duos minores divisi produabus auribus inchoetur tantum simili modo, qui supra de organo visus explicatus est.

Probatur

Probatur conclusio ex unitate numerica sensationis seu auditionis, quæ inchoatur per duas distinctas numero aures ; cum enim distinctio numerica sensationis desumenda sit, non tantum ex unitate numerica objecti, ad quod sensatio est, sed etiam ex potentiae unitate a qua est, sequeretur unius sensibilis, puta unius soni esse duplicem auditionem, si sensorium auditus esset prædictus aer meninga inclusus, vel nervus auditorius secundum duas illas partes in quas pro duabus auribus dividitur ; ita ut auditio illa parte perficeretur, istud autem experientiae repugnat ; nam sicut duplici oculo objectum simplex, simplex videtur, sic & duplici aure sonus simplex, simplex apprehenditur & auditur ; unde sicut dictum est supra de visu, esse unam numero visionem, licet sint duæ pupillæ & duo oculi, cum ad aliquod unum principium concurrant ; similiter licet sint duæ aures & duplex aer internus, erit tamen una numero auditio, quia ad unum principium concurrunt nervi auditorii, ubi a duabus auribus procedentes adinvicem prope cerebrum conjunguntur, & in unum coeunt.

Ex his omnibus facile est colligere sic fieri auditionem, ut sonus, vel realiter, vel intentionaliter tympanum percutiat seu moveat

moveat ex qua percussione sequitur saltem intentionalis immutatio aeris innati, ad id iuvante spirituum emissione, quæ sit per nervum auditorium ab ipso cerebro,

CAPUT X.

De Objecto odoratus.

Odoratus excellentia visui & auditui succedit, cujus objectum primo peringere necesse est, nam ex cognito odoratus objecto, facile erit colligere, quid sit ipsa facultas odorativa, & actio odorandi seu olfaciendi.

Dicimus igitur primo; Objectum odoratus odor est, quemadmodum sonus auditus objectum; qui quidem odor non est fumalis quædam evaporatio ex corpore odorifero in olfactus potentiam efflata, sicut quibusdam antiquis philosophis visum est; tum quia longius diffunditur odor quam quædam fumalis potest evaporatio; tum quia corpora odorabilia fumali ista evaporatione minuerentur, vel totaliter etiam consumerentur; nec forsan omnino resoluta ad motionem sensus sufficerent, cum sentiens maxime distat: Puta cum Vultur odorat cadaver ad quinquaginta

quaginta millia ; nam cum raritas igni sit omnium maxima , si cadaver in ignem resolveretur , per tantum spatium diffundi & extendi non posset , maxime cum diffusio ista (si aliud non obstat) æqualiter fiat per omnia loca circumcirca odorabile corpus.

Nolo tamen denegare aliquando aliquid e rebus odoratis effluere, exhalare, & per aerem diffundi ; nam experimur exhalationes odoriferas variis modis cerebrum afficere , ipsiusque temperamentum alterare ; & aliquando re odorata ablata manet odor longo tempore in aere, quod per species solas fieri non potest, cum absente objecto non maneant: Sed hoc nostræ assertioni non repugnat , cum loquamur tantum de odore secundum se, quem odoratus immediate percipit ; qui quidem non est exhalatio corporea, nec substantia esse potest, quicquid dicat salemus, nam sensus substantiam immediate non percipiunt, sed tantum ejus accidentia & qualitates.

Dico secundo, Odor est qualitas exprimarum & secundarum etiam qualitatum confurgens dominante sicco & calido, olfactum movere apta.

Dicimus qualitatem exprimarum & secundarum qualitatem commixtione, confurgentem

surgentem, quia odor aliquod sapidum
 tanquam causam habet; nam omne insi-
 pidum odore destituitur, ut patet in la-
 pidibus, qui odore carent, quia sapore de-
 stituuntur; unde est quod odor mixtis
 tantum corporibus convenit, quamvis non
 omnibus, ut patet de lapidibus; etenim
 non potest odor convenire elementis, cum
 sint simplicia corpora, secundis qualitati-
 bus destituta.

Odor itaque resultat ex temperamento,
 mixtarum inter se primarum & secunda-
 rum qualitatum, ex quibus calor humorem
 decoquit, ut siccitas prædominetur humori;
 qui quidem humor non aquens, sed quo-
 dammodo aereus, sicut nec siccitas ter-
 ranea, sed aliquo modo ignea esse debet,
 ne frigiditate aut humore nimio omnis o-
 dor retundatur, quia odor tam diu durat,
 quam diu siccitas cum aliquo sapido hu-
 miditatem superat.

Objicies, Sunt aquæ admodum odori-
 feræ, ut & alii liquores quibus olfactus sum-
 mo opere movetur, quamvis in illis nulla sit
 siccitas. Respondeo, in odoriferis liquori-
 bus aliquas esse partes aliis sicciores quam-
 vis sensu non sint perceptibiles, sapido
 quodam affectas, in quibus odor residet,
 & a quibus per reliquum liquorem diffun-
 ditur.

Dico

Dico tertio, Duplex est accedium seu medium, per quod odor diffundi potest, a corpore odorifero in odoratum, aqua, & aer; de aere nullum est dubium, cum odor alicujus cadaveris putridi per aerem ad nos diffundatur; de aqua probatur; quia pisces ex fluminis fundo escam prætentam non visam olfaciunt, diffunditur autem odor dupliciter per accedium, primo realiter, cum substantia tenuiori a corpore odorabili exhalante, sicut contingit, cum thus incenditur. Secundo intentionaliter per speciem, quam sensus percipit & qua odoratur, ut patet de cadavere cujus odor speciem sui in aere producit, & mediante aere ad odoratus usque pertingit organum.

CAPUT XI.

De odoratione, & organo odoratus.

Odoratio, ut patet supra de sensatione, est actio odorativæ facultatis circa objectum odorabile; quoad odoratus organum varia fuit opinio apud Philosophos & Medicos, nam Salenus odoratum in anterioribus cerebri ventriculis fieri statuit; quidam Philosophi & Medici a cerebro prope

prope oculorum cavitatem ad perforata
narium ossa duos cavales derivari obser-
varunt, quorum extremitates mammillis
longe dissimiles non videntur, quibus tan-
quam proprio organo odores percipi asse-
runt. Sed salva pace tantis viris.

Dicimus primo, Organum primum &
ultimum odoratus, in quo sensatio odori-
fera perficitur, esse nervos in naribus dila-
tatos, ea parte, qua circa cerebrum conjun-
guntur & in unum concurrunt. Unde,

Dico secundo, Nares sunt organum odo-
ratus proximum & extrinsecum, in quo
sensatio inchoatur, non perficitur; etenim,
certum est per nares tantum odores recipi,
quasi per solas a natura vias, per quas odo-
res ad olfactus organum seu sensorium de-
ferrentur; non ita vero, ut in eis sensatio
perficeretur; nam si naribus solis tribuenda
esset talis facultas, quid obstabit, quo minus
naribus salvis semper adores percipiamus,
cum tamen testatur experientia, nares non
semper olfacere, & si in eis nihil sit vitii,
ut in coryza fieri solet.

Præterea, si in naribus perficeretur ol-
factus, etiam sine respiratione odores per-
ciperemus; cum tamen quotidie experia-
mur, etiam rerum fragrantissimarum nari-
bus admotarum odores, nonnisi attracto
aere percipi; unde patet perfectionem

sensationis odoriferæ esse in nervis nasoriis, ea parte, qua circa cerebrum uniuntur; et enim cerebrum multo commoveri certis quibusdam odoribus, eis alterari, & temperari manifestum est.

CAPUT XII.

De gustu, & objecto ejus.

Post odoratum, ut tractenus de gustu consentaneum est, cum diximus illum sequi debere in ordine quarto odoratum; sed ut a nobis facile intelligatur sensus gustus, objecti naturam perpendamus.

Dico itaque primo, Objectum gustus sapor est, definiturque qualitas secunda patibilis, producta vi caloris ex humido aqueo, sicco terrestri (non tamen simplici) immixto, apta movere gustum, ubi humor aqueus prædominat terrestri siccitati: Unde apparet saporem realiter differre ab odore quod in sapore humiditas, in odore vero siccitas, non simplex tamen, prævalet.

Dicimus secundo, Gustum differre realiter a tactu, Objecto & organo; nam objectum tactus, ut videbis infra, sunt qualitates tangibiles,

gibiles, calidum, frigidum, siccum & humidum ; gustus vero sapores , salvoque tactu, in lingua , ut patet, potest aboleri gustus , quapropter organis omnino differunt ; & licet in lingua sit tactus, nihilominus tamen, non ubicunque est tactus, ibi est gustus ; cum tactus sit per totum corpus, gustus vero in lingua solum cujus caro rara, mollis, & spongiosa ad gustum percipiendum apta est.

Dico tertio, Diversa sunt saporum genera; etenim alius est sapor dulcis, alius acidus, alius acerbus, alius salsus, alius amarus, alius acutus ; sapor dulcis gustui maxime gratus, oritur ex mixtione aquei humidi cum parte terrestri a calore medicri facta, qualis est in pane & lacte ; sapor acidus consistit in materia tenui & subtili, ortumque habet a calore debile ; talis est in aceto, & limonum succo ; sapor acerbus, ut philosophi loquuntur, consistat materia crassa, oriturque a majori frigore, caloreque imbeciliori eo acidum, ut in pomis nonnullis immaturis, & glandibus: salsus sapor est in materia terrestri, per quam humidum aqueum percolatur, sed non totaliter ut patet in nitro & sale; amarus sapor majorem saporem salso calorem habet siccio remque materiam, magisque terrestrem, ut videre in rebus amaris siccis & ter-

restribus ; acris denique seu acutus sapor a maximo colore oritur, & consistit in materia subtili vi urendi, & exsiccandi, prædita ut in pipere, & zingibere apparet.

CAPUT XIII.

De Organo Gustus.

Dicimus pro conclusione, Organum Dextrinsecum seu immediatum gustus esse in lingua per nervos qui ad illam ex cerebro procedunt. Dico præcise organum immediatum seu extrinsecum gustus esse in lingua per nervos, qui ad illam ex cerebro procedunt ; ut insinuem carnem linguæ non esse organum gustus in quo sensatio seu gustatio fiat ; quia animalia non sentiunt sensibilia supra sensum posita, quemadmodum dictum est, ubi de vulgari axiomate, sensibile supra sensum positum non facit sensationem ; cum e contra animalia degustent ea quæ supra carnem linguæ apponuntur : unde relinquitur, quod caro linguæ non sit organum sensationis, sed tantum medium conjunctum per quod debent transmitti species saporum ad organum immediatum, id est,

ad nervos in linguam ex cerebro descen-
dentes, & per nervos ad ultimum organum
seu sensorium in quo sensatio perficitur &
completur, quod est circa cor, cum gustus
sit quidam contactus, & tactus suum præ-
cipuum organum circa cor habeat; quem-
admodum statim infra dicendum est: Un-
de patet gustum fieri per species saporum
intentionales, sicut & aliis præcedentibus
contingit sensibus.

CAPUT XIV.

De Objecto Tactus.

Nunc ad ultimum sensum, Tactum,
nempe, deveniendum est, cujus ob-
jectum proprium, quatuor sunt primæ qua-
litates, calor, frigus, humor, & siccitas,
istud patet experientia, unde probatione
non indiget ista assertio.

Dubitari autem solet, Utrum molle,
durum, grave, leve, viscosum, aridum,
asperum, lene, tenue, crassum, dolor, & vo-
luptas sint tactilia; tot dubia breviter sol-
vantur sequentibus conclusionibus.

Dico igitur primo, Grave & leve non
cadunt sub sensum tactus, ut proprium ejus
sensibile; quia tanta vis est tactus, ut suum

objectum percipiat statim atque imponitur, ipsumque contingit : atqui manus, verbi gratia, lapidem tangens ei superposita, gravem non sentit ; neque etiam papyrus mense subjectam levem experitur : ergo grave & leve non sunt proprium tactus objectum.

Objicies , Si manus lapidi supponatur, lapidis gravitas sentitur : ergo gravitas est proprium tactus sensibile, seu objectum.

Respondeo, Contingere, ut dicitur, seu percipi manu lapidis gravitatem, verum per fatigationem tantum , aut compressionem ipsius manus, non autem per veram sensationem. Idem dicendum est de duro & molli, quæ non percipiuntur, nisi a sensu communi, quatenus is judicat aut cognoscit manum motu suo penetrare molle, durum vero minime : ad sensationem autem istam sensus interni, prærequiritur aliquis sensus externus, ut omnes fatentur ; vel etiam sufficit visus ut exprimantur in cerebro mollitiei aut duritiei species, cum quibus agit sensus internus circa molle & durum.

Dicimus secundo, Neque etiam aridum & viscosum sunt tactus objectum proprium. De viscosa patet ; nam tactus illud non percipit, nisi quatenus organum tangens retrahitur per viscosum cui agglutinatur.

ind

inde enim facile colligitur, quod tale corpus præcise tangendo, non cognoscitur; quid autem dicendum de arido, quod viscoso opponitur, planum est; siquidem contrariorum uno eademque est scientia.

Dico tertio, Asperum & lene, tenue & crassum non sunt sensibile proprium respectu tactus: ista enim ad figuram revocantur, vel etiam ipsamet sunt figura, quæ non proprium, sed commune est sensibile: etsi ergo cum *Aristotele*, Philosophi prædicta nonnunquam inter sensibilia tactu resenseant; non inde sequitur, quod ista sint de proprio tactus objecto, sed tantum quod cum sint quædam sensibilia communia, tactu tamen sæpius & melius quam alio sensu percipiuntur, & eo præsertim mediante ad sensum internum per suas species deferruntur.

Dicimus quarto, Voluptas & dolor, proprie loquendo, tactu non sentiuntur: sed, ut conclusio intelligatur, nota voluptatem & dolorem sumi: vel stricte pro actione seu potius affectione appetitus sensitivi circa bonum aut malum; & sub ista acceptione, voluptatem & dolorem tactui non convenire liquidum est: vel late pro sensatione objecti convenientis aut disconvenientis; secundum quam acceptionem dici

potest, quod voluptas & dolor sensu tactus percipiantur ; non quidem præcise, quatenus sensatio sunt seu actio sensus, sed solum, quatenus sunt convenientia, aut disconvenientia quædam objecti quod sentitur. Concludendum ergo, ut supra, objectum tactus proprium esse quatuor primas qualitates.

CAPUT XV.

Utrum qualitates in tangibili existentes tactu percipiantur.

Sensus quæstionis est, utrum manus, quæ sinitingit aquam calidam, sentiat calorem ipsius aquæ, vel potius alterius calorem in se productum ad solutionem dubii ?

Dico calorem in manu existentem quem tangens in se percipit, non esse calorem aquæ calefactæ, sed alterum in manu productum virtute caloris in aqua existentis ; primo, quia accidens naturaliter transire non potest de subiecto in subiectum ; atqui aqua & manus sunt duo subiecta : ergo calor qui in manu est, & in manu ipsa in se percipitur, non est idem realiter cum calore in aqua existente ; secundo, quia si calor qui in manu est existens, esset idem ille qui in aqua existit, tangens experiretur calorem

calorem in sua manu æque intensum, atque intensus est in aqua statim ab initio sensationis, id est, statim, atque aquam calidam tangere cœpit : atqui falsum consequens & repugnans experientiæ secundum quam unicuique est cognitum, non statim maximum calorem produci in manu, sed ipsum intendi paulatim, & successu temporis a remissiori gradu perducere ad intensiorem, quamvis æqualis semper existat calor in calefaciente v. g. in igne, in quo ex hypothese, non fit ex remissiori calor intensior : ergo, ut supra, calor in manu existens ad tactum aquæ calidæ non illius est calor, sed illius virtute caloris in aqua existentis productus.

Objicies, Nisi tactus, dum percipit calorem, qui est de objecto ejus, perciperet calorem ad se transeuntem, nunquam sentiret ; probatur, quia hæc est differentia sensus ; tactus, videlicet, & gustus ab aliis sensibus, quod in istis sensatio non fiat sine immutatione reali, atqui immutatio realis esse non potest in tactu dum calorem percipit nisi transmissum calorem objecti recipiat : ergo tactus, dum percipit sui objecti calorem, calorem ab objecto ad se transeuntem percipit.

Respondeo negando sequelam objectionis & ad probationem ejus, dico primo
et si

etsi concedendum esset simpliciter tactum non fieri sine immutatione reali, falsum esse quod dicitur non fieri posse immutationem realem, nisi transeat calor de objecto ad sensum; imo asserendum esse fieri in sensu immutationem realem recipiendo realem calorem sed non transeuntem ab objecto, cum accidens non migret de subjecto, in subjectum, sed productum ab objecto sua virtute sensum immutante.

Dico tamen secundo, Distinguendam esse maiorem probationis, qua dicitur hanc esse differentiam gustus & tactus ab aliis sensibus, quod in his non fiat sensatio sine immutatione reali, in aliis vero fiat sine immutatione tali: Nam sensationem non fieri sine immutatione reali in tactu aut gustu potest dupliciter intelligi; primo, ita ut quamvis qualitates sensibiles in sua natura & entitate non defferantur ad sensum pro sensatione elicienda, similes tamen in sensu producantur per virtutem objecti agentum eodem tempore, quo per species intentionales sensus percipit qualitates, quæ secundum esse suum reale, manent in objecto sensato, & sub hoc sensu, concedimus propositionem: Secundo; sensationem non fieri sine immutatione reali, potest sic intelligi, ut significetur

peculiare

peculiare hoc esse gustui & tactui, ut non fiat in his sensatio recipiendo species intentionales, id est, objectorum representationes, sed recipiendo easdem numero objectorum qualitates, & sub hoc sensu falsa est major propositio objectionis:

Hæc negationis veritas patet, tum quia, sicut sæpe dictum est, accidens non migrat de subjecto in subjectum, tum quia, sæpe accidit, ut plus caloris sentiamus in manu, quam in ipsa sit, ut quando illam applicamus juxta magnum ignem, & ab illo subito removemus eam; nam remota manu exiguum sentimus calorem in manu ipsa; quod certe non ita contingeret, si magnus ille calor, quem manus igni juxta posita sentiebat, realiter ipsi inextitisset; nam cum in manu fuisset tanquam in proprio & naturali subjecto, in illo permanere potuisset; signum ergo est, cum non permaneat, quod magnus ille calor manu per immutationem realem non percipiebatur, sed per intentionalem tantum; unde concludendum, ut supra, quod tactus, quatenus tactus, non debet mutari realiter a tangibili, ut illud percipiat, sed tantum intentionaliter immensione representativæ qualitatis, quam communiter speciem intentionalem nuncupamus.

CAPUT XVI.

De Organo Tactus.

DIco primo, de organo tactus consequenter ad ea quæ dicta sunt de organis aliorum sensuum, carnem corporis exteriorem non esse organum primum seu ultimum in quo sensatio perfici debeat.

Probatur conclusio primo, Authoritate philosophi secundo de anima textu 116. cum hoc loco docet sensibile supra sensorium non facere sensationem : Nam sensibile supra carnem positum facit sensationem ; unde saltem, secundum Aristotelem, caro exterior non est sensorium, seu organum ultimum, in quo sensatio tactus perfici debeat : Unde etiam, secundum philosophum eodem libro supra citato, textu 110. caro se habet ad organum tactus, sicut se habent aer & aqua ad organum visus & auditus : atqui ista se habent ad visum & auditum tanquam medium tantum ; ergo etiam, caro se habet ad tactum ut medium tantum ; quamvis tamen medium sit istud alterius rationis, scilicet, intrinsecum & conjunctum, aer vero & aqua respectu visus & auditus medium sit extrinsecum & separatum.

Proba-

Probatur secundo conclusio nostra ratione; quia sensatio fit solum, ubi est sensorium: Atqui in nervis & membranis, carne carentibus, sensatio est: Ergo, caro non est sensorium tactus. Alioquin dicendum esset sensationem fieri sine sensorio proprio, quod absurdum est.

Dicimus igitur secundo, Organum ultimum seu sensorium tactus, est vel caro cordis, vel aliquid juxta cor, vel quid in corde; quia patet experientia, læsiones, quæ in partibus circa cor accidunt, esse valde sensibiles & dolorosas.

Sed ut multis occurrā objectionibus multiplex est distinguendum organum tactus; nempe, ultimum seu intrinsecum, seu primum, seu præcipuum, quod est ipsum cor, vel quid in corde, vel juxta cor; secundum etiam intrinsecum minus præcipuum, quod est nervus interior & cerebrum; tertium vero extrinsecum est immediatum, quod est caro, & quælibet pars alia mixta secundum æqualitatem ex qualitatibus tactilibus. Sequitur enim ex æqualitate illa qualitatū & harmonia, quod si ipsa dissolvatur alicujus earum intensiōe, immutatio quædam percipiatur per intrinsecum organum; quæ quidem perceptiō, proprie est ipsa sensatio,

Disputatio quarta.

De Sensibus Internis.

Hac in disputatione de numero sensuum internorum, & speciebus, per quas agunt, agemus, deinde affectiones videbimus sensus interni, & postea de facultate appetitiva & loco motrice loquemur.

CAPUT I.

Quotuplex sit sensus internus.

Post explicationem sensuum externorum ad internos accedendum est; nam circa sensibilia per externos sensus oblata versantur: hæc tamen inter sensus externos & internos præcipua est differentia; quod externi ab objecto externo immediate afficiuntur, interni vero, non ab objecto externo immediate, sed per sensus externos moventur. Unde sensus internus dicitur ille qui abstrahit a sensibilibus propriis.

De numero sensuum internorum maxima inter Philosophos est controversia, imo tanta, ut ex ea difficilimum sit se expedire;

dire; etenim multi opinantur, quatuor esse sensus internos sensum communem, memoriam, nempe, sensitivam, ut eam ab intellectuali distinguam, phantasiam, & cogitativam facultatem; alii existimant, tres tantum modo esse sensus interiores, sensum communem, phantasiam seu imaginativam, & memoriam; alii alio modo sensus internos numerant; sed in his rebus unusquisque sibi ipsi satisfaciat, quoad nos.

Dicimus unum tantum esse sensum internum, qui multas operationes exercet, & ex illis diversa sortitur nomina; eumque vocari sensum communem cum circa sensata præsentia versatur; phantasiam, cum circa eorum absentiam occupatur; imaginationem, cum circa non sensata seu sensu non percepta applicatur; estimativam, cum jam cognita inter se componit; & memoriam, cum in eo objectorum species conservantur.

Objicies, Lædi potest memoria imaginatione salva; similiter lædi potest phantasia, estimativa salva, præterea est in occipite memoria; phantasia cum imaginatione est in sincipite, & estimativa in medio: ergo sunt diversi sensus illi quorum diversæ sunt sedes.

Respondeo

Respondeo primo; unam eandemque facultatem lædi posse secundum alteram suarum actionum, quamvis secundum aliam illæsa maneat, quando facultas pluribus organis & dispositionibus diversis ad diversas actiones opus habet, sic oculus idem unum colorem facile percipere potest, licet alium sustinere non possit, & in facultatibus animæ rationalis unus atque idem intellectus recte judicare nonnunquam potest, non autem bene ratiocinari, seu discurrere aut inferre.

Respondeo secundo, non esse diversas sedes memoriæ, phantasie, & estimationis, ut supponitur in objectione, sed eas simul commisceri in uno & eodem cerebro, tanquam in suo immediato & proximo organo: dici tamen potest, memoriam in occipite residere, quatenus ea in parte cerebri meliores sunt dispositiones ad specierum conservationem, & expressionem, quam in quavis alia cerebri parte, de cæteris sensibus internis nostro sensu intellectis, quibus diversæ assignantur sedes in cerebro, proportionaliter philosophandum est.

CAPUT II.

*Per quam speciem agat
sensus internus.*

DIco primo, Sensus internus agit per species sensuum externorum circa idem objectum seu sensibile, quod sensus externi apprehendere possunt.

Hac conclusione significatur, non dari sensum internum agentem, seu sensum internum non efformare species, per quas cognoscit objectum sensibile ad præsentiam aliarum specierum, quas emittit idem objectum in sensus externos; Sed imo per easdem species, quibus sensus externi objectum sensibile percipiunt exterius; per easdem, inquam, sensum internum percipere idem objectum interius.

Probatur etenim conclusio, Quia frustra fit per plura, quod æque bene fit per pauciora: Atqui æque bene, nam optime, potest fieri sensatio per internum sensum ex receptione specierum transmissarum per sensus externos; ergo frustra fieret sensatio in sensu interno per species sensu-

Q. um

um externorum, & alias species ab ipso interno sensu efformatas.

Probatur minor propositio, Quia species impressa ab objectis in sensibus externis, est multiplicativa sui, ut patet ex eo, quod in medio propagatur, & per medium in sensu exteriori : At vero nihil obstat, quo minus eadem ratione in sensu etiam interno multiplicetur, ut ipse consequenter per illam sentiat ; ergo æque bene fieri potest sensatio per sensum internum ex receptione specierum per sensus externos transmissarum sine novarum efformatione ab illo.

Confirmatur conclusio ex Sancto Augustino, undecimo De Trinitate, ubi dicit, quod sensus accipit speciem ab eo corpore quod sentimus seu sensu percipimus, & a sensu memoria, & a memoria acies cogitantis ; ex quibus virbis manifestum est sensum internum eadem specie percipere interius sensibile quā idem percipit exterius sensus externus.

Objicies, Ita habet sensus ad sensibilia, sicut intellectus ad intelligibilia : Atqui intellectus est duplex, agens, videlicet, & possibilis, quorum ille species intelligibiles in actu facit, hic vero, (possibilis nempe intellectus) easdem recipit : Ergo & sensus quoque est duplex, unus agens, alter

alter patiens, quorum ille facit species sensibiles in actu, alter vero easdem recipit.

Respondeo primo, Argumentum non potius valere pro sensu interno quam pro externo, sed communiter pro omni sensu, tam interno quam externo valere.

Respondeo igitur secundo, Sensum se habere ad sensibilia, sicut intellectus ad intelligibilia, quantum ad hoc quod uterque est in potentia ad suum objectum, & est susceptivus illius specierum; sed inter illos hanc esse disparitatem, quod intellectus faciat species objecti esse actu intelligibiles, sensus vero species sensibiles non faciat actu esse sensibiles, sed cum jam sint tales, illas solum ut tales recipiat; & ideo appellatur potentia passiva comparative ad intellectum, qui potentia est etiam activa respectu specierum quibus ad intelligendum utitur.

Ratio autem hujus disparitatis est, quia sensibile, cum sit quoddam materiale, & particulare, tam in sensum, quam in medium, non imprimit speciem alterius generis, cum species in utroque sit particularis & materialis; intellectus autem possibilis aut passibilis alterius generis speciem, quam sit in sensibus seu internis, seu externis, recipit: nam species universales

ac immateriales recipit; quamvis nonnquam objectum quod intelligitur, non solum particulare, sed etiam materiale sit: Unde in intelligibilibus intellectu agente ad intelligendum indigemus; non autem insensibilibus sensu agente ad sentiendum; nam omnes potentia sensitivæ sub hoc respectu sunt tantum passivæ.

Nota circa prædicta, Hoc, quod conclusum est, sensum internum, nempe, agere per species sensuum externorum, intelligendum esse de actione sensus interni circa objecta sensata, seu sensu percepta, aut per sensus externos cognita, non autem de actione sensus interni circa objecta non sensata, nam e contra,

Dicimus secundo, aliquas esse species in sensu interno, non ab objectis impressas, sed ab ipsa natura sensui insitas: Quia versatur sensus internus circa non sensata, id est, circa ea quæ non sunt, nec possunt esse sensibilia, seu sensu perceptibilia uno verbo quæ non possunt esse sensus externi objecta, verbi gratia, circa sensationem ipsiusmet externi sensus item circa amicitias & inimicitias: Atqui impossibile, est quod sensus internus species ab huiusmodi rebus tanquam ab objectis externis recipiat: Ergo, ut in conclusione quædam dantur species in sensu interno, non ab objectis impressæ, sed a natura sensui insitæ. **CAPUT**

CAPUT III.

*De Quibusdam sensus interni
affectionibus. De memoria,
reminiscentia & somnio.*

MEMORIA quatenus sumitur pro actu facultatis cognoscitivæ rerum præteritarum, definitur cognitio rei alias cognitæ. Memoria sic sumpta non hominibus tantum sed & brutis quoque convenit animalibus; siquidem experimur canes timere domum illam in qua verberibus excepti fuere, regredi; hæcque cognitio est ex speciebus rerum cognitarum in cerebro asservatis.

Reminiscentia est memoria, per inquisitionem naturalem parte qua, is qui inquit, recordatur beneficio speciei rerum, jam alias ante cognitarum in ipso permanentis, unde patet; quod quis denuo docetur aliquam scientiam cujus oblitus esset, non reminisceretur amplius proprie loquendo; scilicet, quia illam non capesceret per speciem in ipso perseverantem, sed per novas species sibi de novo a præceptore inditas.

In hoc, ergo, reminiscencia distinguitur a memoria, quod memoria casu contingere possit & ex impræviso, sicut accidit cani fortuito transcunti ante locum in quo verberibus fuit exceptus: Reminiscencia vero fiat, non nisi ex prævisione aliqua; ut, si recordari velles hodie, quod parisiis discessisti, repeteris memoria omne tempus, & omnes actiones, saltem præcipuas, in quibus a discessu versatus es: Hinc alia apparet distinctio memoriæ ad reminiscenciam, nimirum reminiscenciæ plures sunt recordationes, cum memoria sit una simplex recordatio; & propterea, multi reminiscenciam soli homini ratione utenti tribuunt; quia, cognitio ista est veluti syllogismus & rationalis compositio, per quam unius ex alio recordamur; sed, etsi multum affinitatis cum syllogismo habeat reminiscencia, ab ipso tamen discrepat, quod ea, sine ulla affirmatione aut negatione sit, sed præcise ex plurium specierum, obsectorumque concursu & compositione.

Nunc, ut intelligatur quid sit somnium, de quo hoc capite habemus dicendum, prædefiniendus est somnus, nam per somnum somnium evenit.

Dico igitur primo, Somnus est sensuum externorum ligatio, vel omnium, vel aliquorum. Aliter dicitur sensuum exter-

norum

norum cessatio a functionibus externis : Ex hac definitione patet somnum, non esse aliquid reale, si formaliter sumatur, sed meram vigiliæ priuationem, quæ ex opposito definire potest fruitio, seu usus sensuum externorum, vel aliter eorundem solutio & libertas.

Dicimus secundo, Somni causa efficiens est elevatio vaporum ad cerebrum : vapores enim frigiditate cerebri addensati obturant meatus, per quos spiritus sensuales, seu animales ab ipso cerebro in organa sensuum externorum deberent influere.

Dico tertio, Causus finalis somni est bonum animalis ; nempe, per somnum restaurantur spiritus tum animales, tum naturales, tum vitales in supplementum eorum, quos labor & continua vigilia disperdit & consumpsit : durante enim somno, decoquitur alimentum in ventriculo multo perfectius quam alio tempore, quia tunc calor naturalis magis collectus existit ; nimirum, quia alibi non occupatur : Sed sicut moderatus somnus, utilis, sic & nocivus est immoderatus per excessum, nam ex eo fiunt crassiores spiritus, ac proinde sensationes minus faciles & liberæ : Non vero solum immoderatus per excessum nocet somnus ; verum etiam per defectum immoderatus ; nam ex somno deficiente

spiritus attenuantur, ita ut non valeant ad perfectas actiones producendas; apparet etiam contingere nonnunquam, ut qui parum dormiunt, in fatuos evadant.

Cæterum, Somnus resolvitur, vel naturaliter, vel violenter: Naturaliter quando, vapores resolvunt paulatim, viaque redditur libera spiritibus animalibus, ut vivificent sensus externos; violenter autem, quando excellens sensibile quoddam maxime tangibile, vel audibile, spiritus sopitos excitat, & vapores in conductibus spirituum contentos disturbat; unde sequitur sensatio.

Nunc ad somnium dicimus quarto, Illud esse cognitionem sensitivam sensus interni circa sensibile absens, perinde atque si esset præsens in animalibus, quæ somno sopita sunt.

Somniorum autem causa efficiens vel mediata, vel immediata, est: Immediata somniorum causa esse sensus internus, ut patet, tum ex definitione statim posita, tum ex eo, quod experimur somnium nobis commune esse cum brutis animalibus, equis, canibus aliisque omnibus, quæ perfecta sunt animalibus, ita ut ad intellectum tanquam ad causam suam revocari non possit. Non
repugnat

repugnat tamen intellectus operationem somniis commisceri, imo contingit ita fieri in his, qui inter dormiendum versus componunt, orationes declamitant, vel argumenta conficiunt; quæ omnes actiones ad rationem pertinent. Neque istud mirabile est, quasi non sit naturale; nam intellectus est potentia necessaria, quæ posito hoc aut illo phantasmate, id est, actione sensus interni circa quamdam rei imaginem statim operatur secundum modum suum, efformando secundum illam sensibilem & materialem representationem, aliam immaterialem speciem, qua suo unitur objecto.

Mediata somniorum causa triplex assignatur, nempe, Deus, qui per se, vel per bonos Angelos somnia immittit, vel propter monitum, vel propter aliam rationem, quemadmodum testantur sacræ scripturæ de somniis Joseph, Magorum, & permultorum aliorum: Unde hæc somnia dicuntur divina: Secundo diabolus somniorum causa est etiam mediata, cum, nempe, aliquando nobis illudit falsis phantasmatibus, ut intentiones varias inducat: Hujusmodi fuit somnium uxoris pilati, ut volunt *Cyprianus Serm. De passione, Bernardus Serm. Primo de Paschate, & Lyranus*: Nam ut videtur, *Math. 27. 19.* habuit terrifica

terrifica somnia & minitantia sibi & marito, si Jesum innocentem, condemnaret, quæ, ut colligi potest, ad Diabolo jam Jesum agnoscente immissa sunt, ut ejus necem impediret, ne per eam homines salvarentur; unde Rabanus, intelligens diabolus, inquit, se per Christum spolia amissurum, vult per mulierem eum liberare: Ista somnia diabolica aut dæmoniaca nuncupantur. Tertio denique mediata somniorum causa sunt ipsæ causæ naturales, nempe objecta, quorum species in cerebro continentur, tum etiam humorum complexio & temperies, a quibus objectorum species commoventur & excitantur: Hinc dicunt melancholicos tristitia somniare, ut occisiones, supplicia, & caligines; biliosos rixas & cædes pituitosos, nationes & potus aquarum; sanguineos demum lætitiâ, ludos & veneres: Adeo ut ex somniis probabiliter conjici possit de humore in quolibet prædominante.

Cæterum inter dormiendum sæpe somniamus de his, quæ vigilantes jam pridem non advertimus; quia cum sensus internus sit facultas necessaria, quæ ex aspectu specierum in se olim productarum & servatarum necessario operatur nunc & nunc, illæ species magna cum confusione præferuntur, secundum quod vapores excitantur, turbantur,

bantur, & disperguntur circa cerebrum, cu-
jus concavitas organum est immediatum
sensus interni quatenus communis est ;
(nam ultimum sensus interni, seu sit com-
munis, seu phantasia , seu estimativa, seu
memoria sit, organum, in corde est in quo
sensatio perficitur) ista enim in agitatio-
ne unus vapor alium pellit, ita ut detegan-
tur species quæ diu latuerant , & statim
tegantur, nimirum, cum alius vapor crassus
subtiliorem alterum qui præcedentem ex-
pulerat repellit.

CAPUT IV.

De Facultate appetitiva & Loco motrice potentia.

Dico pro conclusione prima ;

Appetitus sentiens definitur facultas a-
nimæ sensitivæ, qua anima bonum sensibus
præcognitum prosequitur. Omissis itaque
quibusdam non necessariis ;

Quæres ; utrum appetitus sensitivus sit
una simplex potentia vel duplex ? Ad quod
Respondeo, appetitum sensitivum esse u-
nam quidem genere potentiam, quæ com-
muni

muni nomine sensualitas appellari potest, sed esse duplicem in specie, & appetitum sensitivum dividi tanquam in suas species realiter ab invicem distinctas, in concupiscibilem, & irascibilem, quarum prima, ad convenientia animalis secundum sensum, secunda vero, ad impugnantiam eorum, quæ nocumenta inferunt, existit.

Probatur conclusio responsiva; quia illæ potentia realiter ab invicem distinctæ sunt, quæ sunt per actus diversos ad diversa objecta formalia: atqui concupiscibilis & irascibilis sunt per actus diversos ad diversa objecta formalia: ergo, distinguuntur ab invicem, probatur minor; quia actus irascibilis aliquando est alicujus quod non est conveniens secundum delectationem sensus, sed secundum quod utile est animali ad suam defensionem: tum quia, illæ potentia sunt distinctæ, quarum actus possunt esse simul contrarii ex contrariis passionibus: atqui actus & passionibus concupiscibilis & irascibilis sunt hujusmodi, ut patet, ex eo quod interdum anima tristibus se ingerit contra inclinationem concupiscibilis, ut secundum inclinationem irascibilis contraria impugnet: unde etiam patet passionibus irascibiles repugnare passionibus concupiscibilis, quia concupiscentia accensa minuit iram, & ira accensa minuit concupiscentiam.

Ad

Ad clariorem hujus veritatis explicatio-
nem dicendum conveniens & nocivum,
quatenus conveniens & nocivum simplici-
ter pertinere ad concupiscibilem, sed ea-
dem pertinere ad irascibilem, non quate-
nus sunt simpliciter conveniens aliquid &
nocivum, sed conveniens cum difficultate
obtinendum, & nocivum cum labore &
negotio difficili propellendum, ita ut ea-
dem materialiter sumpta ad diversas per-
tineant facultates pro diversis rationibus,
sub quibus possunt considerari: verbigrat-
ia, bonum & malum, conveniens & noci-
vum pertinent ad easdem potentias, concu-
piscibilem & irascibilem, sed ad illam sub
ratione boni & mali, convenientis & nocivi
simpliciter, ad hanc vero sub ratione con-
venientis & nocivi, ardui & difficilis; ita
ut ratio ardui & difficilis sit ratio formalis,
sub, qua irascibilis in suum fertur obje-
ctum. Unde,

Patet responsiva veritas nostræ assertio-
nis; nam non dicitur a nobis concupisci-
bilem & irascibilem esse potentias distin-
ctas, quod una sit ad conveniens tantum,
altera ad nocivum; sed imo fatemur unam
eandem que potentiam esse ad contraria, ut
objici potest, & dicimus tantum istas po-
tentias inter se differre, quia una est ad
bonum aut malum simpliciter, altera vero
ad

ad bonum & malum quidem, sed præterea sub ratione ardui aut difficilis, unde probata manet distinctio realis appetitus irascibilis ab appetitu concupiscibili. Jam ad facultatem loco motricem progrediendum est, nam appetitum in animali mox sequitur motus, facultatis loco motricis effectus, quo animal pro libitu, vel se totum, vel aliquam sui partem de loco in locum movet ad utilia investiganda & noxia vitanda, hæc facultas animali omnino est necessaria: etenim nisi potentiam ea exequendi quæ cupit haberet, appetitus, ut patet, animali frustra esset concessus, quod naturæ tribuendum non est: hoc itaque suppositio tanquam certo.

Dicimus secundo, Potentiam loco motivam, quæ est causa motus progressivi animalis, esse triplicem, dirigentem nempe, imperantem, & exequentem.

Potentia loco motiva, ut dirigens motum, attribuitur tum phantasie, tum estimativæ: nam cum animal progressive tantum moveatur propter imaginatum & desideratum phantasia ostendit formas sensibiles, estimativa vero intentiones propter quas res sunt vel appetendæ, vel fugiendæ.

Loco motiva potentia motum imperans attribuitur irascibili & concupiscibili appetitui;

petitui ; concupiscibili scilicet, in quantum imperatur motus, ut animal appropinquetur ad ea quæ videntur necessaria, aut utilia, aut jucunda ; irascibili vero, in quantum imperatur motus ad repellendum id quod putatur nocivum, vel corrumpens.

Potentia loco motiva, Ut motum exequens, a prædictis & aliis omnibus animæ potentiis realiter distincta, est vis in musculis, & nervis existens tanquam in proprio & suo immediato organo, derivata a virtute motiva naturali quæ in corde tanquam in ultimo, principalique motivo existit. Hoc satis patet ex dictis passim de distinctione aliarum animæ potentialium : Nam, quæ pro distinctione earum manifestanda, dicta sunt, leviori studio per unumquemque ad quæstionis decisionem possunt revocari.



Pars quarta & ultima

*Hujus tractatus de anima rationali,
ejusque facultatibus, unica
disputatione comprehensa.*

CAPUT I.

De Anima rationali secundum se.



Anima rationalis secundum se sumpta, & secundum entitatem suam considerata, duobus modis usurpari potest, Primo, quatenus est actus corporis & in corpore degit juxta quam considerationem ad physicum spectat, sicut & ad præsentem institutionem: Secundo, quatenus est a corpore separata, & de illa, ut sic præsertim dicunt metaphysici. Quod igitur ad nos spectat,

Dicimus pro conclusione, Animam rationalem esse actum corporis organici naturalis

ralis primum, potestate vitam habentis, quo illud ipsum vivit, sentit, & intelligit : Ita ut, ista animæ rationalis definitio non sit intelligenda disjunctive, ut capite secundo primæ partis, *De anima in communi*, diximus ; sed conjunctive, quia, ista anima est principium vitæ seu vegetationis, sensationis, & intellectiōis in animato rationali; etenim ista anima eminenter continet alias inferiores animas, ut supra capite tertio primæ partis diximus. Sed ad intellectiōem hujus conclusionis.

Nota, animam sumi posse, vel Metaphysice, vel Physice ; Metaphysice quidem, secundum suos gradus formales tum, superiores, tum inferiores vegetantis, sentientis, & rationalis quatenus abinvicem distinguuntur saltem in ordine ad nostrum concipiendi modum : Physice vero, secundum suam entitatem realem & a parte rei existentem. Hoc posito,

Dico, Animam sentientem & vegetantem Metaphysice sumptas esse formaliter in homine ; & hoc nihil aliud est quam hominem ab anima rationali esse formaliter & essentialiter viventem & sentientem, qualis revera est & denominatur ; nihilominus tamen anima vegetans, & sentiens Physice considerata, id est, secundum existentiam sibi propriam in homine non
R
sunt,

sunt, quia sic distincta facerent composita, aut ut dictum est, unum per accidens; præterquam, non videtur plures animas naturaliter & si subordinatas posse existerein uno eodemque corpore: Et sic satis manifestum est, animam rationalem esse actum, quo vivimus, sentimus, & intelligimus; quo vivimus, in partibus viventibus, quo sentimus, in partibus sentientibus, & quo intelligimus, in partibus intellectiois capacibus; nam anima rationalis in omnibus corporis partibus omnes actiones eodem modo non exercet propter organorum diversam dispositionem, sed operatur habita organorum ratione, & per ea agit illud solum, quod agere possunt instrumenta.

CAPUT II.

*Utrum Rationalis anima sit
materialis & corruptibilis
Substantia?*

DIcimus, Animam rationalem non esse materialem, nec corruptibilem, sed immaterialem & incorpoream, incorruptibilem

tibilem & immortalem substantiam. Hæc nostra conclusio per partes probatur.

Nam primo, quod sit substantia, fides catholica docet, & Scriptura testatur; nam ei tribuit, quæ substantiæ propria sunt; cum dicit animam in corpore tanquam in quadam domo habitare, & ex eodem alio migrare; 2. *Cor.* 5. 1, 2. &c. Ratione etiam veritas ista patet; nam primo, illud est substantia quod virtutum & habituum spiritualium iustitiæ, nempe, charitatis, sanctimonix &c. est subiectum: Atqui anima rationalis, virtutum spiritualium, sicut & habituum est subiectum, ut clarissime patet; ergo, est substantia secundo, quod est essentialis forma viventis est substantia; anima rationalis est essentialis forma viventis hominis; ergo, est substantia; tertio, illud est substantia, quod subsistentiam dat substantiæ & eam perficit essentialiter; atqui anima rationalis, virtute sua, subsistentiam dat substantiæ, nempe, corpori, eamque essentialiter perficit; ergo, est substantia: Aliter corpus ab anima accidentaliter tantum differret, quod omnibus absurdum videtur.

Secundo, quod sit incorporea & immaterialis substantia, manifestum est, nam agendo nulla prorsus ratione miscetur corpori, nihilque cum mentis actionibus communi-

cant actiones corporis. Præterea, si animam oppositè ad corpus consideres rationalem, eam esse incorpoream & immaterialem fateberis; nam, corpus certas habet dimensiones, & ea, quæ sibi proportionata sunt, tantum comprehendit; etenim certum quoddam spatium in alio occupet, necesse est, sicut etiam res certum in illo occupare spatium oportet: Unde fit, ut res in corpore locum non habeant, si illud excedunt, cum sic earum pars aliqua extra corpus sit necesse est: Sicut si res corpore minores sunt, totum corpus eas non continet, sed pars ejus; verum, anima rationalis cælum & terram modo quidem immateriali continet sine impedimento, sicut & tempus præsens & præteritum sive alterutrius nocumento; infinita terrarum loca, quamplures personas, supposita multa, & plurimas urbes sine compressione comprehendit; tandem in nostra rationali anima res secundum earum naturam, magnæ & parvæ reperiuntur non modo materiali, sed immateriali: Ergo, anima rationalis est incorporea & immaterialis.

Probatur iterum hæc secunda pars, Quia anima rationalis non educitur ex potentia materiæ, sicut aliæ animæ, quæ proinde materiales nuncupantur, sed extrinsecus per ordinationem Dei creantis, materiæ jam dispositæ

dispositæ advenit ; nam , ut *Aristoteles lib. secundo , De genere Animalium. Cap. 3. dicit* , impossibile est quasdam animas extrinsecus advenire, nempe, non possunt animæ extra materiam venire, quarum actiones ita corporeæ sunt, ut sine corpore esse non possunt, sed necessario illas ex potentia materiæ educi necesse est; unde cum speculando advertisset nullam animam, excepta rationali anima, habere suas actiones a materia independentes, solutionem dubii prosequitur, dicens ; restat, ut mens sola, seu anima rationalis extrinsecus accedat, eaque sola divina sit, quia nihil cum ejus actione communicat actio corporalis ; unde *lib. De elementis*, dicit, quod innato fit spiritus vitæ jussu Dei : Ergo, anima rationalis est incorporea & immaterialis.

Tertio & ultimo, quod sit incorruptibilis & immortalis, planum est ; sed adverte duplex esse immortale & incorruptibile: Unum ita est quod nullo modo interire potest; quia est simplicissimum & ex se suum esse habet a nullo dependens, qualis est solus Deus, cujus respectu omnia alia sunt corruptibilia: alterum incorruptibile & immortale dicitur, quod nunquam actu corrumpitur, nihil contrarii in sua natura habens ; sed cum dependet ab alio in suo esse & conservari, potest

ad illo agente, a quo dependet, mutari: Omne enim dependens ab eo, a quo dependet, si est voluntarium principium, ut Deus est, a quo Angeli & animæ nostræ dependent, mutari potest.

Itaque anima rationalis est incorruptibilis & immortalis, quia creator eam corrumpere nolit, qui in ipsa nihil contrarii, a quo corrumpatur condidit; imo eam non a causa, sed a subiecto absolutam fecit; nostra assertio Scriptura patet; nam sapientissimus regum *Salomon Eccle. 12. v. 9.* Dicit spiritum, id est, animam rationalem redire ad Deum, qui eum dedit; Christus ipse æterna Patris sapientia testatur, *Lu. 16. v. 22.* Animam Lazari in sinum Abrahamæ ab Angelis post mortem delatam fuisse; sed ratione hæc patet veritas; nam communes notiones quas κοινὰς ἐννοίας, seu προλήψεις vocant, a Deo naturaliter homini datæ de natura ipsius divinæ majestatis, voluntate & cultu ejus manifeste ostendunt animam esse incorruptibilem & immortalem; ad quod, velim, consideratio creatoris in hoc mundo serviret æterni; ad quod ejus cultus sine spe immortalitatis? Si itaque attente nostrarum animarum operationes consideremus, immortales esse fatebimur; nam, non video animam posse intueri immortalitatem, & de ea loqui, si esset mortalis

mortalis & corruptibilis ; quare, quæso, terrena & mortalia omnia transcenderet ; & cœlestes, divinas, & æternas res mirando acumine scrutaretur ? Quare sentirent impii horribiles conscientiae stimulos ? nam si crederent animas cum corporibus interire, judicem non metuerent, & de futuris pœnis anxie non convoverentur.

Præterea ad majorem nostræ conclusionis confirmationem, anima rationalis res a materia abstrahit per intellectum, easque sine materialibus conditionibus, sine quantitate & figura cognoscit, res intelligit a materia liberas, non offenditur multitudinem & vehementiam objectorum, infinita potest capere, & quamvis plurima cognoscat, semper tamen plura potest anima cognoscere : non solum sic res intelligit, verum etiam semetipsam comprehendit ; appetitumque habet suæ beatitudinis insatiabilem, qui cum in hac vita non expletur, alium hominis statum restare credendum est ; & sic manifeste probatur animam rationalem esse incorruptibilem, & immortalem incorpoream & immaterialem, cum ad ix immortalitatis sit immaterialitas.

CAPUT III.

De Origine rationalis animæ.

Falsa mihi videtur sententia quorundam, qui crediderunt omnes animas rationales longo tempore extitisse, antequam corporibus infunderentur in statu perfectissimo omnibus scientiis, virtutibusque præditas, sed eas in pœnam peccati deinde fuisse detrusas in corpora, ex qua mutatione status pristini & scientiarum omnium, quas antea obtinebant, oblitz sunt; etenim, refutatur imaginatio ista, seu sit Tertuliani post Platonem, quibus communiter ascribitur, seu aliorum; quia nulla forma prior est tempore suo composito: atqui anima rationalis est forma hominis; ergo, non tempore homine prior est: unde Thomas quæstionibus disputatis de potentia Dei, *2. Tertia, Art. 10. ad 16.* Afferit illam dependere a corpore, quoad principium sui esse, quamvis non dependeat quoad finem.

Quæret aliquis, utrum saltem potuerit anima rationalis creari ante corpus, ita ut quemadmodum corpore corrupto ipsa incorruptibilis superstes manet, ita nondum creato

creato corpore potuerit ipsa jam creata
existere? Pro responsione ad quæsitum

Dico pro conclusione sine præjudicio
divino, non posse animam rationalem cre-
ari ante corpus lege ordinaria, sed necessa-
rio illam in corpore esse productam.

Probatur conclusio, Quia anima ratio-
nalis essentialiter & ex natura sua est for-
ma; forma autem essentialiter & ex na-
tura sua suæ materiæ unitur, sicut pars ut
pars necessario & ex natura sua suæ com-
parti conjungitur; ita ut forma, quæ essen-
tialiter est pars, nunquam prius existat
quam suæ materiæ sit unita. Est inquam,
de natura seu essentia formæ, ut suæ ma-
teriæ uniatur, & proinde statim ab ejus
productione; nam si hoc non est de essen-
tia illius præter naturam & consequenter
per accidens forma unitur materiæ; atque
ita ex materia & forma fit unum tantum
per accidens, & homo fit per accidens ex
unione præter naturali animæ præexisten-
tis ad corpus.

Confirmatur conclusio nostra; quia di-
ci non potest (supposito quod anima rati-
onalis creetur antequam corpori uniatur)
quomodo eveniat, ut ei uniatur, utrum
violenter, vel naturaliter, vel libere ex
se ipsa, vel per Dei ordinationem; nam si
primum dicatur, cum omne violentum
fit

fit innaturale, sequitur hominem resultantem ex innaturali unione animæ ad corpus esse innaturalem: Si dicatur secundum, cum id quod naturale est, sit necessarium & determinatum, invenitur contra intentum adversariorum, animam non prius creatam esse quam unitam, vel illam, quamdiu manet non unita, manere in statu violento & innaturali. Atqui absurdum est dicere, animas omnes creari in statu violento & innaturali; ergo, anima rationalis ante corpus minime creatur lege ordinaria, sed statim a productione ejus, corpus infunditur.

Si dicatur tertium, scilicet, animam rationalem uniri libere, seu ex sua voluntate, non potest reddi ratio, cur velit nunc potius anima uniri quam ante, vel post; sequitur etiam hominem casu & accidentario generare alterum hominem, quia nimirum, ille effectus est casualis, qui dependet a pluribus causis voluntariis non agentibus ex condictione & subordinatione; sed homo generans, seu sese applicans voluntarie generationi, & anima ante corpus creata & a corpore separata, voluntarie sese conjungens corpori, seu materiæ ad hominis compositionem, sunt duæ causæ voluntariæ, non agentes ex condictione & subordinatione, quia una non pendet ab altera, ut notum est: ergo, ex positione præ-existentis rationalis animæ, quæ se libere
materiæ

materiæ uniat, sequitur unionem. Istam esse casualem, & hominem ipsum esse effectum casualem & accidentalem; præterea sequeretur animam posse sua sola voluntate corpus deferere; quia non est difficilius illam corpori conjunctam a corpore se separare, quam eam separatam & præexistentem se ei unire & conjungere; sed voluntarie animam corpus deferere, quid falsius?

Si dicatur quartum, scilicet, creatam animam rationalem ante corpus per ordinationem Dei postea in corpus infundi, certe dicendum est, statum separationis animæ ipsi esse convenientiorem secundum modum naturæ suæ, atque adeo inconvenienter Deum ordinasse, ut anima corpori uniatur, cum ex tali unionem sequatur, ut acquirat statum minus convenientem; cum tamen Deus, sicut nec ipsa natura, res non deducat a perfecto statu ad imperfectum, sed imo ab imperfecto ad perfectiorem: Ex dictis etiam de anima sentiente & vegetante in homine aliter concludendum est; nam, cum rationalis anima non differat secundum substantiam a sensibili & vegetabili in ipso homine, sequitur, quod sicut impossibile est creari animam vegetabilem aut sensibilem sine corpore aut ante corpus, cum sit essentialiter actus corporis, quem admodum ab omnibus admittitur, ita etiam impossibile est lege ordinaria, animam rationalem

rationalem creari sine corpore aut ante corpus.

Objicies, Non est difficilius Deo creare animam separatam quam illam conservare a corpore separatam ; atqui Deus conservat animam a corpore separatam : ergo, anima rationalis a Deo potest creari sine corpore & ante corpus.

Respondeo æquali cum facilitate, Deum facere quicquid possibile est ; sed ideo, non posse dico, animam a corpore separatam creare lege ordinaria rebus imposita, quia, talis status videtur incongruus, utpote, qui sequitur ex defectu, scilicet, ex peccato, ex quo, sequuta est mors, id est, animæ separatio ; Deus autem mortem non fecit, sed impii, sicut scriptum est Sapientiæ primo : Firmum ergo maneat, cum sit impossibile, quod Dei opera a defectu incipiant, animam sine corpore aut ante corpus minime produci.

Nota autem multis videri præpositas istas rationes in probationem nostræ conclusionis, nullius esse momenti apud eos, qui inficiantur animam rationalem esse partem naturæ humanæ, seu animam uniti corpori, ut formam, sed e contra asserunt, quod anima rationalis per se habet speciem & completam naturam, & non unitur corpori, ut forma, sed solum ad ipsum

sum administrandum; quamvis apud alios, qui fatentur animam uniri corpori, ut formam, eamque esse naturaliter humanæ naturæ partem, admodum sint urgentes, & forte omnino convincentes, sed ut valeant apud omnes rationes nostræ sit.

CAPUT IV.

Utrum anima rationalis uniatur corpori ut forma.

Dicimus, animam rationalem uniri corpori, ut formam, eamque informantem, non autem assistentem aut administrantem tantum, quomodo ab aliquibus dicitur de Angelis, quod corpora cœlestia informant, id est, administrant & movent.

Probatur primo conclusio, Quia, illud est forma hominis, & corpori ejus unitur, ut forma, in cujus operatione beatitudo & felicitas formaliter consistit (nam beatitudo constituenda est in actione hominis præstantissima & speciei ejus maxime propria, necessario autem actio speciei propria est a forma ipsam speciem constituyente) atqui, ut communiter dicitur, beatitudo formalis consistit in aliquo actu animæ

mæ rationalis, ut rationalis est, cum nulla actio homini præstantior, nec ulla ei magis propria secundum speciem conveniat, etenim, in aliis actionibus cum inferioribus creaturis communicat : Ergo, anima rationalis corpori hominis unitur, ut forma informans, non assistens tantum, aut administrans.

Probatur secundo nostra conclusio, Quia, illud est forma alterius, & ei unitur, ut forma, a quo desumitur differentia speciei suæ constitutiva & distinctiva a quacunque alia specie : atqui ab anima rationali desumitur humanæ speciei differentia constitutiva & distinctiva a quacunque alia specie ; nam per rationale, quod ad animam rationalem pertinet, homo differt a quocunque alio non homine : ergo, anima rationalis corpori unitur, ut forma.

Probatur tertio conclusio, Quia, illud, quo primo aliquid operatur, est forma ejus : Atqui anima rationalis est id, quo primo homo, quatenus homo, seu humano modo operatur : ergo, anima rationalis est forma hominis, & ei, ut forma unitur.

Certa est major propositio, quæ tamen sic declaratur ; quia, in tantum aliquid operatur, in quantum est actu, & in tantum aliquid est actu, in quantum habet formam, quæ substantialis existens est actus primus.

Quod

Quod autem anima rationalis sit id, quo primo homo, ut homo, seu humano modo operatur, manifestissimum est, nam licet in homine sit una tantum anima, qua vivit, sentit, & intelligit, nihilominus dici non potest, quod homo intelligat, quatenus est vivens aut sentiens anima vegetante aut sentiente simpliciter; alioquin, omne vivens & omne sentiens intelligeret; sed tantum, quatenus anima rationali seu intellectiva præditus est & informatus; ergo, ut supra, anima rationalis est forma hominis, & ei unitur, ut forma.

CAPUT V.

*Utrum anima rationalis, cum
sit forma informans cum
semine traducatur?*

Quidam Patres, Ecclesiæ Doctores, animam rationalem traduci a parentibus in filios opinati sunt: Etenim, Tertullianus vult animam cum semine traduci, animamque filii esse ab anima patris, quod quidem non mirandum est in eo, qui animam corpus esse pertendit? in eadem sententia fuisse maximam

maximam occidentalium partem testatur Hyeronimus, Epistola ad Marcellinum.

Divus Augustinus quatuor libros De origine animæ scripsit, in quibus hanc quæstionem indecisam relinquit, nec audet temere quicquam definire, eumque usque ad mortem hac in dubitatione fuisse testatur liber secundus retractationum; alibi tamen Tertullianum exagitat, & in contrariam opinionem videtur esse pronior, & asserere animam extrinsecus advenire, eamque omnipotenti virtute creari, creatamque corpori statim uniri, quæ sententia probabilior mihi videtur: Unde,

Dico, Animam rationalem seu humanam in corpore ex nihilo a Deo creari, corporique immediate ab ejus creatione uniri.

Probatur primo, Scriptura sacra animæ rationalis creatio: etenim Moses Numer. 27. 16. dicit Jehovah esse Deum spirituum omnis humanæ carnis, ut & Apostolus ad Hæbræos cap. 12. 9. loquitur, dicens, si corporum nostrorum patres habuimus castigatores, an non multo magis subiciemur τῷ πατρὶ τῶν πνευμάτων, patri spirituum; ubi observandum est, Deum a Mose & ab Apostolo, peculiari elogio spirituum patrem nuncupari, ut opponatur patribus carnis, qui, ut videtur spirituum patres esse non possunt: At vero, si anima esset ex
traduce

traduce iidem qui sunt patres carnis, essent quoque spirituum patres, ut patet, & sic, hoc titulo Deus non apte distinguere-
tur a patribus carnis, si non aliter animas, quam corpora formaret.

Præterea, Moses de hominis creatione sic scribit, *Gen. 2. 7.* insufflavit Jehova in nares ipsius halitum, seu spiraculum vitæ, quod est anima rationalis, qua homo res-
pirat; nam, ut Græci animam *ψυχήν* à *ψύχω*, refrigero, seu respiro, appellant; ita He-
bræi eam *נֶשְׁמָה* neschama & *נָפֶחַשׁ* naphæsch, a *נָפַח* naphasch, respiravit, nuncupant. Unde sequitur, & sic homo factus est ani-
ma vivens, id est, animatum vivens: nec ob-
jici potest, aliam generationis, aliam creationis rationem esse: nam, si ita esset, sequeretur, animas nostras aliunde esse, quam primi parentis anima extitit, nostras, scilicet, ex præexistente subiecto, eam ve-
ro Adami ex nulla præsupposita materia fuisse, quod absurdum mihi videtur, nam, nihil ex materia generatur, nisi quod initio quoque est ex materia creatum.

Probatur secundo exemplo: Nam nostræ sententiæ fidem astruit conceptio Christi in beatæ Virginis utero; cum enim, secun-
dum carnem, Patrem non habuerit Chri-
stus (cum non viri ministerio, sed Spiri-
tus sancti operatione ex sanguine matris,

S

Spiritus

spiritus virtute præparato & sanctificato, conceptus sit) planum est non ex traduce feminis, sed immediate a Deo creatam fuisse ejus animam : etenim, si anima rationalis non est a Patre producta, nec etiam ea potest esse a Matre traducta, cum in actione principali generationis, ut capite de generatione viventium probatum est, mulier passive tantum se tenet: sed forsitan dices, secundum Medicos in ista actione etiam active se tenet, necnon concurrit; fateor, eos ita opinari, sed hæc eorum opinio nihil roboris contra nostram assertionem affert: nam in actione principali generationis mulier totaliter non concurrit, sed tantum partialiter secundum eos, cum mulier naturaliter sine devoluto semine in debitum locum generare minime possit. Verum dices, hoc quod attulisti, est extraordinarium exemplum, & supernaturale; ita esse concedo, sed tamen inde non probatur, quod anima Christi a Matre sola cum sanguine ejus fuerit traducta; cum ita Christus ab instanti conceptionis sine peccato non fuisset: nam ejus anima fuisseteducta ab anima beatissimæ Virginis, peccato tamen infecta; præterquam, conceptio Christi in instanti perfecta est, ad quam active Virgo concurrere non potuit. Sed,

Probatur tertio ratione; Nam primo anima

anima, quæ est aliquid supra naturam, in ipsius efformatione cum cæteris rebus naturalibus non potest lege communi generari. Aliter productionis rei immaterialis & spiritualis ratio eadem esset cum productione rei materialis & corporalis, quod absurdum est. Secundo, si anima rationalis ex traduce generaretur, aut ex anima sola, aut ex corpore solo, aut ex corpore & anima simul generaretur: verum non generatur anima rationalis ex anima sola, quia ex incorruptibili, & immateriali nihil generatur, ut patet in Angelis, ex quibus, & si sint completæ substantiæ spirituales, nihil producitur sibi ipsis simile: nec ex corpore solo est anima, ut fatentur, quia illa non est corporea: neque etiam ex corpore & anima simul generatur, quia ita partim corporea, partim incorporea esset. Tertio, si anima non generaretur, nisi per corpus, etiam non posset per se existere extra corpus, quod falsum est & hæreticum; quia in ea ratione dependeret a corpore in suo existere & operari, ut fuit in ipsius productione; nam ea quæ dependent a materia in suo existere & operari, sine ea esse non possunt, ut patet de animis brutorum, quæ cum dependant a materia in suo producere, existere, & operari, sine ea conservari non possunt.

Quarto anima filii & filia, vel est ab anima Patris sola, vel ab anima Matris; vel ab anima tam Patris quam Matris traducitur: non ab anima Patris, aut Matris sola; quia sic, vel tota anima Patris, vel tota Matris traduceretur, & sic post generationem essent exanimis, vitæque privati parentes: vel aliqua animæ Patris, vel Matris, aut utriusque portio esset; quod etiam falsum mihi videtur, quia sic anima esset divisibilis, & proinde corruptibilis & mortalis, quod est contra fidem quam profitemur; nec etiam anima rationalis est ab anima tam Patris, quam Matris, quia ita duæ animæ in unam coalescerent & simul miscerentur, quod non probabile videtur. Præterea, anima humana transmitti non potest eo modo, quo lumen accenditur de lumine, ut putavit Tertullianus, & alii opinantur, nam talis propagatio fit transmutatione admotæ materiæ; & sic materia animæ generantis admota in animam verteretur; nam anima in generatione sine quodam corporeo subjecto nullo modo agit; quinto, si anima cum semine traducatur; quid fiet de tot seminibus irritis, quæ cadunt, aut inhoneste amittuntur, vel in matrice recepta usque ad conceptum non perveniunt; aut totidem animæ humanæ intercident, aut in utero suffoca-

suffocabuntur, aut solæ permanebunt extra materiam, & sic in æternum erunt sine corpore, cum tamen credimus omnes & singulas hominum animas in novissimo die sua corpora esse assumpturas: ergo, anima rationalis cum semine non traducitur, sed a Deo immediate creatur; unde Adamus de Eva dicit, *Gen. 2. 23.* hæc os de ossibus meis, & caro de carne mea est; non vero anima de anima mea; quod proculdubio dixisset, si ex ejus anima desumpta fuisset anima Evæ: sexto, hoc patet in hominis resolutione, ubi corpus in pulverem redit, spiritus vero, seu anima ad Deum, *Eccles. 12. 9.* qui eum dedit; nam ista voce; spiritus redit aut revertitur ad Deum, qui eum dedit. Solomo ostendit satis manifeste animam a Deo per creationem profectam esse, & eo redire, unde habet originem: unde *Zacharias cap. 12. 1.* Dicit; Jehovah extendit coelos, fundat terram, & format spiritum hominis in eo: ergo, a primo ad ultimum patet, animam a Deo creari.

Objicies primo, si anima ex traduce non sit; quomodo homo generare hominem dicitur? Respondeo satis esse ad generationem hominis quod generans, & si non det totam substantiam, dat tamen substantiam personæ, & non tantum mate-

riam foetus suppeditat, sed in super suggerit dispositiones & aptitudines ad formam per quam homo existit, recipiendam. Unde Philosophi dicunt, hominem formam unire materiæ, ut unum fiat compositum, sed passiva tantum non autem active; & sic qui animæ a corpore solutionem procurant, hominem occidisse dicuntur, quamvis anima, cadente corpore, illæsa maneat.

Dices secundo, si anima rationalis cum semine non traducatur, sed a Deo creetur, tunc Deus non perfecit omnia sua opera die creationis septimo: Atqui legimus *Gen. 2. 2.* quod Deus complevit die septimo opus suum quod fecerat, & requievit die septimo ab universo opere quod patrarat: ergo, anima rationalis a Deo immediate non creatur, sed cum semine traducitur. Respondeo negando sequelam majoris; quia nunc Deus novas non producit creaturas quod ad species; unde, dicendum est ad textum Scripturæ, quod Deus complevit opus suum creationis, nempe, omnium specierum die septimo, sed non productionis omnium individuorum, nam nova individua sua divina providentia continuo producit, ut patet *Joan. 3. 17.* Pater meus usque modo operatur, inquit Christus, & ego operor. Verum dices,
hoc

hoc est mediate tantum, non vero immediate, de quo nunc est quæstio. Ad quod dico, Deum nulla individua immediate nunc producere, & si ab eo anima rationalis immediate creatur; nam anima sola non est individuum, quia, ut unum sit individuum, anima corpori, quod Deus immediate non producit, uniatur necesse est; & sic vides in creatione animæ novam non creari creaturam, cum in primis operibus aliquo modo ipsa præcesserit. Itaque, quia anima rationalis est immaterialis, ea omnipotenti virtute ad dispositiones ad formam divina providentia positas a Deo, propter impotentiam humanam creari immediate debuit.

Quæres, Quia igitur ratione peccatum originis in posteros transmittitur?

Respondeo, Non ratione animæ, nec ratione corporis, sed ratione propagationis totius hominis ab uno Adamo; nam quod totum genus humanum ab Adamo corruptum est, non tam ex genitura provenit, quam ex Dei ordinatione, & iusta ejus vindicta: nam, sicut omnes homines in uno, quasi radice, & capite humani generis, iustitia originali ornaverant; sic, postquam peccavit Adam, in eodem omnes merito donis suis spoliavit; nam, ut *Inst. lib. 2. cap. 1. Calvinus* optime loquitur, neq;

in substantia carnis, aut animæ causam habet contagio : Quia a Deo ita fuit ordinatum, ut quæ primo homini data contulerat, ille tam sibi quam suis haberet, simul & perderet.

Sed ad pleniorē hujus Responsionis explicationem, observandum est primo, quod peccatum originis propriè, nec in animam, nec in corpus seorsim sumpta, sed in hominem propagatur; quia, nec anima, nec corpus seorsim sumpta, sed homo, seu homines in Adamo peccarunt, *Rom. 5. 12.* Ideoque non ante actu sunt peccatores, quam actu sint homines.

Nota secundo, Quod sicut generatio nostra incipit a corpore, sic in eo primo existit peccatum originis, non quidem formaliter ante animæ conjunctionem cum corpore, sed materialiter; id est, ut loquuntur quidam Theologi, principium, & fomes quidam peccati, ex quo illud necessario sequatur; quia, idem est ordo propagationis naturæ humanæ, & peccati humani, subjecti & accidentis: cum itaque semen ab immundis decidatur, ipsum mundum esse non potest.

Observandum est tertio, Quod simul ac anima creatur a Deo in corpore, & ei unitur in *consuetudine* humanum, tunc peccatum formaliter existit in homine, in corpore autem

ani-

animæ unito prius existit peccatum originale, quam in anima ordine naturæ, quia corpus ex semine immundo concipitur; anima vero pura a Deo creatur, & sic creata in primæ transgressionis pœnam, tum puritate sua privatur, tum corporis contagione infecta, corrumpitur: quo duplici modo peccatum originale in animam derivari statuunt Theologi; nam, Deus postquam creavit animam in corpore, statim pro justo iudicio suo eam deserit, puritate originaria privat, & corpori corrupto corrumpendam tradit; & hoc satis manifestum videri debet propter intimam animæ cum corpore unionem; cum etiam Philosophi docent, animi affectiones, seu passionēs naturaliter sequi temperaturam corporis, mutuamque inter animam & corpus *συμπάθειαν* agnoscunt.

Restat nunc dicendum, quod anima ex nihilo in corpore producitur; Quod probatur hoc modo, substantia spiritualis & immaterialis producitur ex nullo præsupposito subiecto; ut patet de Angelis, atqui anima est substantia spiritualis & immaterialis: Ergo, a Deo producitur sine ullo præsupposito subiecto, & consequenter ex nihilo, non extra corpus, sed in corpore; nam, ut ait *Zacharias* Propheta, Deus est qui format animam hominis in eo: Itaque anima

anima non est de Deo, ut volebant Manichæi (quod enim de Deo est Filius, aut Spiritus Sanctus est,) sed a Deo est: Neque Divinæ substantiæ pars quædam est, ut *Epictetus* & *Seneca* sunt opinati: nam, Divina essentia non est in partes divisibilis, etenim, si communicatur, tota communicatur, ut in Filio & Spiritu Sancto, qui propterea eandem cum Patre numero essentiam habent; neque est anima rationalis ex cœlestibus corporibus, ut voluerunt quidam Philosophi; neque ex elementis Igne, aut Aere, ut arbitrati sunt alii; neque denique ex compositione humorum corporis, aut ex atomis quibusdam, ut quidam somniarunt (his enim nihil est, inquit *Cicero*, quod vim memoriæ, mentis, & cogitationis habeat, quod & teneat præterita, & futura prævideat,) neque demum ex alia anima, cum ex incorruptibili nihil generatur; sed plane ex nihilo, non ante corpus, sed in ipso corpore a Deo immediate creatur.

CAPUT VI. & ultimum.

*De Animæ rationalis facultatibus,
Intellectu, Voluntate, & Memoria.*

Dico primo; Intellectus ea potentia est, qua homo cæteris animantibus præstat,
Deoque

Deoque optimo maximo fit propior : Et-
enim, per Intellectum secreta mysteria
scrutatur homo bonum a malo, verumque
a falso discernit. Unde dicunt Scholastici
duplicem esse Intellectum, Practicum, nem-
pe, & Theoreticum : Practicus Intellectus
is est, quo bonum a malo & æquum ab ini-
quo discernimus : Theoreticus vero Intel-
lectus ille dicitur, quo verum a falso dis-
tinguimus. Utriusque Intellectus judici-
um ex boni, verique notionibus a Deo,
authore naturæ, mentibus nostris inditis
provenit, ut patet *Rom. 1. & 3. capituli-*
bus.

Facultas ista cum sit inorganica & im-
materialis, immaterialiter agit : Nam, in-
tellectus res a materia abstrahit, & secer-
nit, sine quantitate, ut omnes percipiunt,
cognoscit res a materia liberas, multas &
propemodum infinitas intelligit (ita ut
eas non tam cognoscat & intelligat, quin
alia multa intelligere possit) operationes
sine instrumentis corporeis edit, & in acti-
one sua nullo prorsus modo corpori misce-
tur, ut patebit consideranti; quod si utatur
phantasmate, dnm anima est in corpore, ad
ratiocinandum, eo non utitur tanquam or-
gano, sed suæ ratiocinationis objecto, ut
dixi Cap. 1. primæ partis hujus Tractatus.
Post Intellectum sequitur Voluntas. Unde,
Dico

Dico secundo ; Voluntas est animæ rationalis potentia spiritalis, qua objecta ab intellectu monstrata rejicimus, aut amplectimur prout bona, aut mala ab intellectu judicantur : vel aliter, sed in eundem sensum definiri potest, vis animæ rationalis, qua ea ab intellectu cognita sequimur vel fugimus : Unde objectum Voluntatis est bonum ab Intellectu cognitum voluntæque propositum, contrariumque malum est ; hinc bonum sequitur voluntas, & malum fugit.

Præterea, cum actio intellectus sit recta in prima apprehensione hominis, v. g. aut equi & reflexa seu duplicata, cum cognoscit se cognoscere quod cognoscit ; ita etiam actio voluntatis sub velle & nolle, recta & reflexa esse potest ; unde, voluntas aliquando Intellectus nuncupatur, sed extensus : nihilominus tamen actionem voluntatis rectam solum esse dicimus, cum reflexa operatio proprie pertineat ad intellectum, cujus proprium est judicare : actio itaque voluntatis est nolle & velle, elicited aut imperatum. Unde,

Dico tertio ; Actiones voluntatis sunt duplices, Elicitæ & imperatæ ; Elicitæ actiones eæ sunt, quas voluntas edit independenter a potentiis inferioribus ; imperatæ vero actiones voluntatis eæ sunt, quas

infe-

inferioribus potentiis, appetitivæ & locomotivæ facultatibus imperat & injungit; ad voluntatis enim imperium movemur, aut quiescimus, quamvis per peccatum hoc imperium voluntatis maxime sit labefactatum, adeo ut sæpe appetitus sensitivus imperium voluntatis excutiat.

Ad voluntatem pertinet liberum arbitrium, de quo hic nihil esset agendum; breviter tamen dicam, liberum arbitrium ita pertinere ad voluntatem, ut etiam aliquo modo ad intellectum pertineat; nam arbitrium dicitur ratione Intellectus, cujus est arbitrari, hoc est judicare, & judicata voluntati proponere: liberum autem ratione voluntatis quæ proprio suo motu absq; coactione objecta ab intellectu cognita & sibi proposita elegit aut repudiat.

Præterea, Illæ immateriales potentia, Intellectus & voluntas, duobus modis considerari possunt; vel præcise secundum se, vel quatenus sunt affectæ certis quibusdam habitibus, quorum magna vis est in earum actionibus, vel juvandis, vel præpediendis: si facultates illæ certis quibusdam habitibus affectæ considerentur, refferanturque ad suos affectus, morales dici possunt, & sic a quibusdam nuncupantur, quia destinatae sunt edendis operationibus natura sua moraliter bonis; etenim in eum finem a Deo facul-

facultates istæ hominibus concessæ, sunt u^e eis ad pietatem & charitatem uterentur; si vero istæ potentia, intellectus & voluntas, secundum se considerentur, referantur que ad causas suas, naturales proprie appellantur; quia per naturam a Deo hominibus tributæ sunt illæ facultates, & ad naturæ hominis constitutionem pertinent; non enim sane aliunde accesserunt ad naturam hominis, nec eas studio nostro aut labore acquisivimus, sed sic nati sumus, sic a Deo naturaliter facti & constituti.

Ad memoriam quod attinet, dico quarto, dupliciter eam considerari debere; nam una est sensitiva, altera intellectiva, & utraque homini competit, sicut intellectiva Angelis, & sensitiva memoria solis animalibus perfectis, ut patet *Disput 4. De sensu interno, cap. 3.* in ea sensitiva memoria species objectorum sensibiles conservantur; unde fit, quod eæ imagines sæpe somniando nobis representantur per sensitivam illam memoriam: Intellectiva vero memoria de qua hoc in loco agitur, ea est facultas, in qua species Intelligibiles, quæ sunt objectorum imagines conservantur: Species autem dico Intelligibiles, ut distinguantur a sensibilibus speciebus quæ in memoria sensitiva materialiter conservantur; cum e contra species Intelligibiles in Intellectuali
sunt

sunt spiritualiter & immaterialiter ; Sed,

Notandum est duplicem esse speciem intelligibilem; nam una est expressa, quam intellectus format circa objectum; quæ species intelligibilis nihil aliud est quam actio intellectus in facto esse ; altera species intelligibilis impressa dicitur, & nihil aliud est, quam objecti imago impressa immaterialiter in intellectuali memoria, cujusque beneficio intellectus suis objectis unitur in ratione cognoscibilitatis & intelligentiæ ; & hæc de corpore animato.

Soli sapienti Deo, Creatori cæli & terre, omniumque quæ in eis sunt gloria, & magnificentia sit nunc & per omnia secula. Amen.

FINIS.

Handwritten text in a cursive script, likely from a 17th or 18th-century manuscript. The text is arranged in several lines and appears to be a letter or a formal document. The ink is dark, and the paper shows signs of age and wear.

Handwritten text in a cursive script, likely from a 17th or 18th-century manuscript. The text is arranged in several lines and appears to be a letter or a formal document. The ink is dark, and the paper shows signs of age and wear.

Handwritten text in a cursive script, likely from a 17th or 18th-century manuscript. The text is arranged in several lines and appears to be a letter or a formal document. The ink is dark, and the paper shows signs of age and wear.

William Atwood
his book 112



